

ПЕТӖ 1926 ВОСЯНЬ

ЛЭДЗӖНЫ: ПЕЧАТЬ ДА ЮӖР СЕТАН КОМИ РЕСПУБЛИКАСА АГЕНТСТВО,
КОМИ РЕСПУБЛИКАСА ГИЖЫСЬ КОТЫР

ВОЙВЫВ КОДЗУВ



ISSN 0134-4323

БЫД ТӖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

9

КӖЧ (СЕНТЯБРЬ)

2015

ТАЙӖ НОМЕРЫН:

Александр ШЕБЫРЕВ. ОлӖм сунӖдъяс. Кывбуръяс	3
Гений ГОРЧАКОВ. Груня. Пьеса	6
Виталий УЛЯШЕВ. Налысь лов шысӖ кылам...	
Кывбуръяс	34
Николай МАЛЫЦЕВ. ПӖтей керкаӖдз. Повесът	37

ВУДЖӖДӖМЪЯС

Юрий СОЛОВЬЁВ. ЙӖлӖга. Висът	57
Антонина ГОРДЕЕВА. Синва войт. Неыджыд повесът	66
Евгений ИГУШЕВ. Нежысь. Николай ЧугаевлӖн «Пас» новеллаын кыв йылысь мӖвпъяс	74
Валентин ЧУПРОВ. ИзьватаслӖн вӖр-вакӖд да традици- онной ӧбрядовой культуракӖд йитӖдъяс	76

12+

Обложка вылын: Изьва район.
Снимокыс Екатерина ЛивсонлӖн.

© «Войвыв кодзув» («Северная звезда»), 2015 г.

СЫКТЫВКАР

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**

**«СОЮЗ ПИСАТЕЛЕЙ РЕСПУБЛИКИ КОМИ» - РЕГИОНАЛЬНОЕ
ОТДЕЛЕНИЕ ОБЩЕРОССИЙСКОЙ ОРГАНИЗАЦИИ
«СОЮЗ ПИСАТЕЛЕЙ РОССИИ»**



Издатель:

АУ РК «ИЗДАТЕЛЬСКИЙ ДОМ КОМИ»

ДИРЕКТОР: ПОПОВ В.В.



РЕДАКЦИОННАЯ КОЛЛЕГИЯ:

Главный редактор

ПОЛУТРУДОВ А.В.

Ответственный
секретарь

КИЧИГИН И.Н.

УЛЬЯНОВ А.В.

УЛЯШЕВ О.И.

ЛИМЕРОВА В.А.

ТИМИН В.В.



Александр ШЕБЫРЕВ



Олём сунӧдъяс

КЫВБУРЪЯС

Вури

Кывбур эськӧ чужи...
Шылад синсӧ кунис.
Дӧрӧм-платтьӧ вурны
Колӧ ема-сунис.
Мый мор сійӧ кывсьыд,
Шыладыд кӧ абу?
Мый мор сійӧ емсьыд,
Сунисыд кӧ абу?
Войлалі ме ёна...
Шылад бӧжыс — сюри.
Сыланкывйӧй — дона.
Дӧрӧм-платтьӧ — вури.

Овсьӧ на кӧ...

— Ме кулі?— повзис ёртӧй,—
Ӧд некыті оз вись!
А тыри ветымын!
Тадз вермас, инӧ, лоны?
Мый шуны тэд, бур мортӧй...
Быд ловлӧн — аслас визь.
Быд ловлӧн — аслас пом.
И быдӧнлы тай воны...
Тэ «кулін»... А ме ола.
Кӧть кельдӧдӧма син.
Быд асыв дойысь пола.
И абу висьтӧмин.

Но овсьö на кö — ов...
Мед некодлы он ков!
Кор няньтор эмышт, сов...
Тэ пыр на ловъя лов.

Аттьö

Абу прöстö ныв...
Аняби!
Абу пöлöс кыв.
Зарни ки.
Абу менам тэ.
Йöзыс — тшем.
Аттьö сыысь, мый
Прöстö эм.

Югдіс

Зарни чунь пома.
Зарни киа...
Керка лэптöны
Ая-пия.
Дивъя чачаён
Князьöдз воис.
Тöждөн-лачаён
Вевта лоис!
Пырöй, томулов,
Сэтчö бурён!
Каньён-понйён да
Няньён-сурён.
...Кымөр гачасис.
Зэрыс дугдіс.
Керка-чачасьыс
Гөгөр югдіс.

Овлывлö

Ме дудан вöв кодъ.
Овлывлö...
Ме дöла би кодъ.
Вывывлö...
Но дорö-помö воштыны
Став уджсö
Пыр на лют.
Чер-пила эм на.
Ковывлö...
И муза коркö
Волывлö...
Мый морён меным элясьны?
Мый эмышт,—
Киад кут.

Абу прөстө

Пернапасөс — чөвтөма.
Вао тывйөс дзебөма.
Эзысь чери — көвтөма...
Куим лов тай лэбөма.
Тшына юква — пуөма.
Бипур дорын — олөма...
Куим чипыс — юөма.
Абу прөста волөма...

Сөчөн

Дзодзув пызысь керөма
Мортсө.
Важөн ловыс вунөдіс
Гортсө.
Важөн юсьыс куштөма.
Пөла.
Оліс-выліс шуштөма.
Төла...
Кутшөм изки няръяліс,
Гартліс?
Тупөсь пыдди сөчөн тай
Артмис.

Олөм сунөдъяс

Быдлао олөмыс сунөдліс. Көдзыд да жар...
Эг тай со гөгөрво, коді ме: Вер али Сар?
Ачым-ө муна ме? Али жө тойлалө код...
Содоны дзоръяс, но сөмын тай төдөм оз сод.
Ветымын чукыльо олөмыс гартовтліс... Мед.
Ветымын лэч, морө, пановті. Бара эг шед.
Чуймөмөн кыйкъяла бөрвылө. Абу нин том.
Водзвылын — эмышт на чөс туйыс. Тыдалө пом...



Груня*

ШЫЛАДА, СЕРАМСОРА ПЬЕСА

ВОРСЫСЬЯС:

ГРУНЯ
КУПРИЯН
ОЛЬО
ПРОКӨ
ИВАН
ВЕЧӨ
ФАИНА

ВОДДЗА ЮКӨН

Первой серпас

Занавес водзті сьылігырйи мунө быдлунъя платтьоа том ныв, Груня.

ГРУНЯ (*сьылө*).

Муна, муна мича гажа вөрөд,
Сьолөм помся зэв кыпыда сьылө.
Морөс пытшкысь сөстөм, кокни лолөй
Качөдчыны дась зэв вылө-вылө.

Шонді-бать ли, муса шонді-мам ли,
Кыдзи тэнө шуны бурджык, ог төд,
Ёнджык дзирдав, аслад помтөм пөсьөн
Муса көдзыд мусө ёнджык шонты.

Медым парма-вөрным бура быдтіс
Пув и чөд, и дзик быдпөлөс вотөс,
Медым дзик став качча вөлі тырыс,
Вотөснас мед бура овны пондіс.

(*Мунө.*)

Занавес воссьө. Вөрбердса эрд вылын вевта-лабича куритчанін. Кылө
лэбачьяслөн дзользьөм да көклөн көкыштөм. Локтө лазъя-нопъя да
ружьеа ён том морт.

КУПРИЯН. Со өд луныс талун кутшөм мича. Гажа! Пөжө и
пөжө. Ладнө көть кымөрьясыс сайөдлөны шондісө да оз сэтшөм
ёна сот. Содтөд и төвру пөльыштлө. Но кокъяс мудзисны, весь-
кыда дубалисны. Лоө пуксьывны да шойччыштанмоз тшына-
сьыштны. Тайө лэбувсө воддза объездчик лөсьөдлөма. Буретш
куритчысьяслы. А бур объездчик-егерөн пө мортыс вөлөма, парма-

* Журнал вариант.

вѳрсѳ бѳра дѳзьѳритѳма. Керасѳысѳяс ас бѳрас нем абу кольѳ-
маѳсь. Царство небеснѳй бур мортлы! Сѳйѳс кодѳртанмоз тшѳтш
тшынасьышта. (*Ѳзтѳ папирѳс.*) Нимсѳ вунѳдѳ, а вич сертиѳс
Арсентьевич вѳлѳма. Вѳль пѳрадокѳяс лѳсьѳдны пондѳсны, да
мортѳд водзѳ абу вермѳма вѳрѳ ветлѳмысь тѳй потшны. Вѳр-
васѳ ѳд Енмыс ставлы ѳткодя пѳльзѳйтѳѳм вѳлѳ сетлѳс. Йѳзыс
кѳйсьѳм помѳсь и кынѳмпѳт, и кѳм-пасѳкѳм лѳсьѳдлѳсны, и
олѳм гажсѳ морѳстырѳн нѳылавлѳсны. А ѳнѳ?! Ок-ок-ок, но и
олѳм! Но, колѳ и водзѳ мунны. (*Чигаркасѳ кусѳдѳ-талѳлѳ га
мунѳ.*)

**Недыр мысьт локтѳ киас наберушкаа Груня, матыстѳ кыз пожѳм
дорѳ, пучер вѳвсьыс малыштѳ кутшѳмкѳ пас.**

ГРУНЯ. Со! Со сѳйѳ, мѳян ѳртасѳѳм йѳлысь пасным. «САМ» —
тайѳ Сизева Аграфена Мисаиловна — и «Плюс КѲВ» — Кузько-
ков Ѳльѳксей Вахромеевич». Да, дружитѳм-ѳртасим квайтѳд клас-
сянь, армияс мунтѳдз. Учебкасьыс сержантѳн петѳс да регѳд
и старшѳйѳн лоис. Ме радлѳ, радлѳ да виччыси. Воѳм бѳрас
пыр жѳ и кѳсѳйысѳс гѳтрасьны ме вѳлѳ. Ме виччыси да виччыси,
сѳтшѳм окѳта вѳлѳ петны радейтана морт саяд, а сѳйѳ сѳтшѳм
козин вѳчис! Менсьым муса сержантѳ кутшѳмкѳ рѳчанка кру-
кыштѳма, да гортѳ воѳм пыдди Ѳльѳксей сы вѳлѳ и гѳтрасьѳма.
Ок, кутшѳм забеднѳ вѳлѳ! У! предатель! изменщик! (*Кучкыштѳ
пасас.*) Мамыс тай ветлѳс жѳ-а монѳыскѳд тѳдмасьны. А ме
дѳѳбѳ и коли. Волас кѳ коркѳ, водзѳс мынта-а-а. Ок-ок-ок...
(*Сьылѳ.*)

**Со ылѳ мунѳн... Энѳвтѳн тѳ менѳ.
Но некод ѳз кѳв менсьым сьѳлѳм дой.
Кѳтъ юртѳ клѳнѳд чѳрыд стенмѳ,
Кѳтъ йѳрышт ассѳыд гырдаза-сой.**

Биыс куслѳ и прожектор югѳрын тыдовтѳ Куприян. Кѳвзѳ сьылѳмсѳ.

**Но воас кад, и каитчыны пондас,
Судьбаыд вештас менсьым сьѳлѳм дой.**

КУПРИЯН. Со, кодкѳ-й вѳрад сьѳвны ыштѳ. Быттѳ колив.
Ветла, видзѳдла, кодѳ татшѳм мѳчаасѳ сьылѳ. (*Бѳр вошѳ пемыдас,
а сьыланкѳв юргѳ водзѳ.*)

**Но лача кута, шудтѳ рѳкѳй кондас
Да вештас менсьым дѳзик быд синва войт.**

Сцена бѳр югзьѳ, тыдовтѳ Груня. Сѳйѳ кылѳ кѳклысь кѳкѳм.

ГРУНЯ. Со, кѳкинь кѳкѳ. Юала, мѳй туналас. Гашкѳ, ѳг на
жѳ прѳч ѳтнам нѳмѳс коляѳв. Кодѳскѳ крукышта да верѳс сайѳ
петала на. (*Чуксасьѳмѳн.*) Кѳканѳй, кѳканѳй, вѳсьтаѳ, кор нѳн
ме верѳс саяс петала? Дыр-ѳ на ѳткѳныс нѳлала? (*Кост. Кѳк
ѳвсьѳ, водзѳ ѳз кѳкышт.*) Но-ѳ-ѳ? И кѳдзи тайѳс гѳгѳрѳвѳны?
Кувсьыны ме абу на дась. Сѳдзкѳ, мѳй? Ни ѳти во? Сѳдзкѳ, ре-
гѳд, ѳнѳ жѳ и пѳта? Збыль кѳ тайѳ, зѳѳ на и бур! Кузькок Ѳльѳ-

шыс өд свет вылас абу дзик өтнас. Гашкө, сысы на мичаджык да мусаджык аддысыс. Мусаджык дай вежөраджык! Ок, эськө!.. (Чеччалігтыр бергалө.) Ок, эськө! (Сьылө.)

**Ог сетчы шоглы, сьөлөм шонтө лача.
Со весиг көкыс туналө мем шуд.
И таысь сьөлөм менам сьылө-качө.
Дась — енэжөдзыс! Он нин сійөс кут.**

Көк туналіс, мый таво жө и пета верөс сайө. Сөмын код са-йө нө эськө? Миян сиктын гөтыртөм, верстыө зонмыс куим-өнель лов сөмын и колис. (Думайтө.) Колю Вечө... Көть чужөм вылас абуджык мича, но зонмыс абу омөль. Корасис да шуи нөрөвитыштлыны. Ме өд абу на пөрысь ныв, комын арөс сайө эг на воськовт... Муса кө да кола кө, виччысылас. (Кост.) Эм нөшта Яндөва Иван, но пола! Пола, помөдз юяс... Нөшта... Чокмыр Прокө? А?.. Ог жө, ог! Быд юбка бөждорө крукасьө. Дай дыш руөн тырөма. Уджтө, небось, оз корсь.

Мыччысьө Куприян. Груня сійөс оз казав.

Со и став! Терпитыштам, нөрөвитам. Со тай көкыс быдса во на туналіс. Гулайтышта да кодөскө өд крукышта на жө. А мый: чужөм-рожа мичаник! Кузькок Ольошыв тай пыр зэв мича-өн шуліс-а. Коскөй-мыгөрөй зэв жө лада. А кокъясөй!— весиг нывъяс завидьтисны. Ог на прөпадыты! (Сьылө.)

**Ме эска, эска: волас на мем шудыс,
Виль муслун өзъяс, өзтас оланру.
Бур Енмөй! Мөдысь олөмөс эн гудырт,
Мед төдла на ме уна-уна шуд.**

Мунны эськө карө да сэтысь верөспуөс корсьны, но мамөс өтнассө кытчө кольны? Ыджыдджык чой-вокъяс эськө корөны ас дінаныс, да нинөмысь оз көсйи мунны. Тані кө град йөрын ноксянмоз олышта на, а карад пыр и куса.

КУПРИЯН. Аттө, кутшөм лөсьыда сьылө. И гөлөсыс кодь жө мичаник чужөма. Сө сөтаназысь, көть радейтчы. Төдмасьөм ради, буди, повзьөдыштны-а? (Лэптө ружьесө, веськөдө Груня вылө, гораа). Руки вверх!

Груня ойкнитө да кынмө места вылас, сулалө мыр моз, кияссө лэптытөг.

Мися, лэпты киястө! Кылан? Кодлы шуөны, лэпты киястө!

Груня лэптө кияссө, бергөдчө гөлөс вылө.

Вот и бур... Пыр эськө тадз.

ГРУНЯ. Господьёй Енмөй! Кыдзи повзьөдіс. Ноко, вешты ружьетө! Лэдз, шуа, стволтө! Кылан? Стволтө лэдз! Он жө өд лый...

КУПРИЯН. Чайтан? А друг...

ГРУНЯ. Но, сідзкө, лый. Лый! (Мунө веськыда Куприян вылө.)

КУПРИЯН. Сулав! Сулав, шуөны! Али тэ морт кывсө он гө-гөрво?

ГРУНЯ. Но лый, лый! (*Морёснас пыксьö ружье стволас, видзö-гö веськыда синъясас.*) Но, мый он шковгы?

КУПРИЯН. Но тырмас ёсявныд, тырмас. (*Бöрыньтчö öти воськов да лэдзö ружьесö.*) Немысь на тэнö лыйнысö да. (*Нюмъяліг.*) Аттö, кутшöм збой. Молодеч! (*Тапнитö пельпомас.*) Этатшöм мича да збой ныв. Кötь радейтчы.

ГРУНЯ. Мися жö. А тэ? Ветлöдлан-повзёдчан полöкалö моз. «Руки вверх! Сулав!» Тэ коді сэтшöмыс, кытысь усин?

КУПРИЯН (*прöста, сибыда.*) Некытысь эг усь, менö татчö индiсны.

ГРУНЯ. Индiсны? Коді нö сэтшöм индысьыс? Гашкö, ачыс Сус Кристос либö Микöла Угодник?

КУПРИЯН. Аддзисис тай сэтшöм индысьыс. Но, сайка-лыштiн?

ГРУНЯ. Сэсся мый?

КУПРИЯН. Но и бур. Кылі сьылöмтö да шуи видзöдлыны, коді, мися, сэтшöм кыпыдасö лывкйöдлö? А кор аддзи тэнö, вильыш ру шымыртiс, повзёдыштны окота лои. А тэ вöлöмыд повтöм. Молодеч!

ГРУНЯ. А мый эськö тэ кодсьыс повнысö?

КУПРИЯН. Кыдзи мый? Öнi му вылас сымда... бандит да грабитель. Телевизорысь тай быд минут аддзан, кыдзи кодöскö грабитöны, виöны либö мырдöналöны.

ГРУНЯ. Сійö öд телевизорысь, а тэ абу бандит...

КУПРИЯН. А мыйöн тöдан? Плешкö менам абу гижöма.

ГРУНЯ. Плешкад абу, но чужöм серыд... Да и синъясыд абу бандитскöйöсь. Тэ быттö градыввса полöкалö на и сöмын?

КУПРИЯН (*чуймö.*) Ме — полöкалö? Ме? А тэ — коді? Тэ... тэ... тэ...

ГРУНЯ (*вильшасьö.*) Но-но... Мый ме?

КУПРИЯН. Но, тырмас кывтö песны... Висьтав, мыйла татчö локтiн?

ГРУНЯ (*гэльöдчöмөн*). Уна пö кутан тöдны — водз пöрысьман.

КУПРИЯН. Востер. Ёна востералысьяслы пö кыв йылас ыджыд чирей чеччыштлö.

ГРУНЯ. Но? А уна тöдны кöсйысьлы — весиг кык. Кыв йылас и кыв вужъяс.

КУПРИЯН. Кужан, кужан дорйысьны и водзсасьны. Молодеч!

ГРУНЯ. Молодеч — против овеч, но мед эськö против молодча — ачым эг вöв овча?

КУПРИЯН. Мыйла овча? Ме видзöда да, тэ овча вылад ньöти он мун. Тэ... Пиня-гыжъя вөркань. Бур, сэтшöмөн и колö лоны. (*Сибыда.*) Но ме тэнö кора: тырмас сэсся кывберитныыд, бурног висьтав, мыйла татчö воин?

ГРУНЯ. А тэ быттö он и тöд, мый понда йöзыс тайö кадас вөрö ветлöны?

КУПРИЯН. Коді öд мый понда... Быдöнлөн аслас мог. А тэ?

ГРУНЯ (*гэльöдчöмөн*). Пунт выйла.

КУПРИЯН (*груг скöрмö*). Ноко, петкöдлы, мый чуманад.

ГРУНЯ. Нинöм тэд сэсь видзöдныс.

КУПРИЯН. Тырмас! Мый чуманад! (*Зырö ныв вылö, а сійö бöрыньтчö.*)

ГРУНЯ (*гэльöдчö*). А вот и ог петкöдлы, ог петкöдлы!

КУПРИЯН. А он кө, лоо мырддыны чумантө.

ГРУНЯ. Но, видды! Видды.

КУПРИЯН. Позьо и виддыны. *(Скөр чужомон мунө веськыда Груня вылө, мөдыс бөрынтьчө, сэсся пышйө. Куритчанін гөгөр котралыштөм бөрын сувтлө.)*

ГРУНЯ. Татшөма кө нин колө, верма и петкөддыны. Абу жаль, петкөдла. Сэні тырыс чөскыд-чөскыд өмидз да оз. Матыст-чыв, видзөдды, колөк... *(Катовтлө чуман вомсө Куприянлань.)* Аддзан? Лок, номсасышт. Но, мый он лок? Мый кын мыр моз сулалан? Али синмыд дульсмунис да нинөм он аддзы? А?

КУПРИЯН. А сэсь нинөм на и видзөдныс. Тыртөм да.

ГРУНЯ. Колө шондісө корны, мед регыдджык быдтіс. *(Сьылө.)*

**Шонді-мам ли, шонді-бать ли, ог төд кыдзи шуны,
Ёнджык дзирдав, аслад пөсьөн көдзыд мусө шонты.
Медым йөзыс унджык вотөс өктіс гортас нуны,
Пельсаясас бур запасьяс медым вөчны пондіс.**

КУПРИЯН *(скөрмөмыс прөйгутө)*. Тэ коді татшөмыс? Кытысь?

ГРУНЯ. Паччөр сэрөгысь, бать-мамлөн быдтас.

КУПРИЯН. Тайө абу вочакыв. Ме юала, коді тэ да кытысь?

ГРУНЯ. Пельтөм али мый? Ме тай зэв мичаа висьталі, коді и кытысь. Мися, паччөр сэрөгысь, бать-мамлөн быдтас.

КУПРИЯН. А ме шуи, мый тайө абу вочакыв. Нөшта өтчыд юала: кыдзи овыд да ним-вичыд?

ГРУНЯ. Уна кутан төдны — водз пөрысьман.

КУПРИЯН. Кывлі нин... Абу тэнад шог. Бурджык, пачпорттө мыччөдды.

ГРУНЯ. Нөшта мый? Но дивө: тайө полөкалөбыслы пачпорт ковмөма. Пачпорт! А ми, йөйясыд, вөрө нэм пачпорттөг ветлөдлім. А?!

КУПРИЯН. Вай эн кикимеритчы, а висьтась: кытысь, кыдзи овыд да ним-вичыд? Мыйла татчө воин?

ГРУНЯ. Ме тэд вочавидзлі нин.

КУПРИЯН. Кор? Эг кывлы. Мөд пөв висьтав.

ГРУНЯ. А попыд пө молитвасө кык пөв оз сьывлы.

КУПРИЯН. Сійө поп... А тэ, видзөда да, абу на поп.

ГРУНЯ. Поп вылас кө огджык мун, сідзкө, попаддя. А поп да попаддя, кыдзи и верөс да гөтыр, өти котыр.

КУПРИЯН. Эк, шондібан! Тайө шусьөгыд важөн нин ускассис и тошкассис. Ёніа кадө ой сьөкыд корсьны сэтшөм гозьятө, медым өтмоза сьылісны.

ГРУНЯ. А-а... Сідзкө, тэд эз мойви, гөтырыдкөд өти кывйө он волөй? Гашкө, и юксид нин?

КУПРИЯН. А тэд тайөс дзик нинөмла төдны. Ме, гашкө, куимысь нин гөтрасьлі да.

ГРУНЯ. А-а, со мыйын делөыс... Эска! Гашкө, весиг сизимысь. Тэкөд өти кывйө воны сьөкыд, тайөс казялі нин.

КУПРИЯН. Мекөд быдөн на ладмылісны, а вот тэкөд... Быттьө гуга-бөра йөлөга. Ме өтитор юала, а тэ ставсө мөдарө бергөдан, нильөг налим моз вильснитан да дзик мөдтор сьывны пондан. Но тырмас! Тырмас сэсся өтитор гөгөрыс бергавны...

ГРУНЯ. Нинём гөгөр ме ог бергав. Тэ тай мыйкө сөмын өти-торсө ныран-а. Мем некор, муна сэсся. (*Сьылгтырйи мөдөдчө.*)

**Муна мича, гажа парма-вөрөд,
Сьөлөм помся зэв кыпыда сьылө.
Дыр кө ог нин петав парма шөрад,
Гажой сыысь ёна-ёна бырө.**

КУПРИЯН. Сулав! (*Котөртө, паныдалө Груняөс, ружьесө бара чургөдө сылань.*) Сулав, шуөма.

ГРУНЯ. Но? Висьтав, мый колө?

КУПРИЯН (*мый юрас медводз воө*). Тэнад мича гөлөсид... Мичаа сылан... Көть зэв шогалана кывъяс.

ГРУНЯ. Сідзкө, немла шогаланаторъяссө кывзыны.

КУПРИЯН (*Бура корөмөн*). Он кө сьыв, көть висьтав — коді тэ да кытысь? Збыльысь кора... Но, тырмас кикимеритчыныд.

ГРУНЯ. Но сө морө! Дзонь час пычкан, коді да кытысь. Тэ, буди, тешитчан ме вылын. Ме жө тэд куимысь нин висьталі, коді и кытысь.

КУПРИЯН. Абу кө тэ кикимера, сёрнит бура.

ГРУНЯ. Тэ, тыдалө, сьөкыд пеля? Лоө витөдысь висьтавны. Голи тырөн. (*Зэв гораа.*) Ме — бать-мамлөн быдтас, налөн паччөр сэрөгысь.

КУПРИЯН (*меліа*). Ме тэнсьыд юала ог сійөс, кодлөн тэ быдтас да кытысь воин: овтө да нимтө висьтав.

ГРУНЯ. Со мый. Важөн нин коліс тадзи. Час-час-час... (*Усь-көдчө думайтөм улө, кытшовтө Куприян гөгөр.*) Төд вылө усь-көда. (*Друг.*) А кызди вичөй, оз нин ков?

КУПРИЯН. Колө. И ов, и ним, и вич. Медводз овтө висьтав.

ГРУНЯ. Но, сө сюра лешакөй! Вунөма!

КУПРИЯН. Тырмас китрайтныыд.

ГРУНЯ. А менам паметьёй сэтшөм. Шулёны тай, бабаыдлөн пө юрсиыс кузь, да паметьыс дженьыд.

КУПРИЯН. Тэ менө ку пиысь петкөдны чайтан.

ГРУНЯ. А ме сэтшөм... Да, сэтшөм. Мам тай пыр шулө, ме пө сійөс ку письыс петкөда.

КУПРИЯН. Мися, сэтшөм жө и эм. Сідзкө, көть мыйла татчө воин, висьтав?

ГРУНЯ. Серамөс тай петкөдлыны мөдін. Тэ мый, төлысь вылысь усин али Марс вылысь?

КУПРИЯН. Метө карысь вои, а тэ, тыдалө, и збыль Марс вылысь. Он төд, мый йөзкостса уставын шуөма: кисьмытөм вотос вотны оз позь. Тайө өти нарушение, а мөд-кө...

ГРУНЯ. Но? Менам чуманын ньөти вотос... весиг тусь абу, а тэ шуан — нарушение!

КУПРИЯН. Да, нарушение. Эм нөшта и мөд.

ГРУНЯ. Но? Кутшөмджык?

КУПРИЯН. Вьль закон. Ёні ставлы колө төдны, мый матігө-гөрсса став вөрсө ньөбис өти озыр морт.

ГРУНЯ. Первойысь кыла.

КУПРИЯН. Вот ме и висьтала, а тэ сюркняв... пель саяд. Да татчө матігөгөрсса деянкаяс вылө ныртө эн сюй. Вотчөм вылө

колö торъя пропуск, сэсся ньöбны билет. Билетыд абу? Абу... Сідзкö, мун татысь! Аслад паччöр сэрöгö!

ГРУНЯ. А тэ кодi сэтшöмыс? Ми татчöс вöрын нэмыс, му пуксьöмсянь, вöльнöя ветлöдлам, кыйсям-вотчам. Мыйта ловным-лы колö...

КУПРИЯН. Важъя кадыслы кызь во сайын на пом воис. Шуöма тэд: татчöс вөръяссö ньöбис öти морт.

ГРУНЯ. Мый тэ висьталан? Пөръясян жö буди-а?!

КУПРИЯН. Войт ог. Öнi жö нинöм öтувъяыс абу. Ставыс частнöй кийн. И видз-му, и вөр-ва, и фабрик-завод. Ставыс-ставыс-ставыс... Орчча районын кык во сайын нин ставсö вöли кодкö асалöма.

ГРУНЯ. Ой-ей-ей. Став вөр-васö? Öти морт? А тайö «öти мортыс» абу-ö кöть тэ? Дерт жö, тэ. Сы понда и ыджыдалан да вöтлан менö татысь. *(Вежö кутан сямсö и сёрнитанногсö.)* Со мыйын делöйс, вöлöмкö. *(Чужöм вылас мырдöн вöчö нюм.)* Прöстит, дона морт, ме öд эг тöд. Тöдi кö, эськö зэв бура, пыд-ди пуктöмөн сёрнитi. *(Кост.)* А тэ мортыс ничево, абу шыбитана.

КУПРИЯН. Но, сё морö! Аттестуйтiс!

ГРУНЯ. Сідзкö, тэд колö тöдны менсьым нимöс да овös?

КУПРИЯН. Колö.

ГРУНЯ. А мый могысь?

КУПРИЯН. Ме, гашкö, тэнö коравны кöсья да загсö нуöдны. А сэнi кутасны юавны ним-вич-овтö, а ме и ог тöд.

ГРУНЯ. Ой-ой! Этатшöм буртор! Важөн нин виччыся, кодi эськö менö вөр шöрын верös сайö коралас. Лоö öдйöджык висьтасьны... Груня ме, Аграфена.

КУПРИЯН. Овыд?

ГРУНЯ. Нимыс абу тырмымөн?

КУПРИЯН. Абу.

ГРУНЯ. Но, сідзкö — Сизева.

КУПРИЯН. Вичыд?

ГРУНЯ. Мисаиловна! Энö соралöй: абу Михайловна, а Миса-иловна!

КУПРИЯН. Гөгөрвои... Сизева Аграфена Мисаиловна.

ГРУНЯ. Стöч сідз. А тэнö кыдзи шуöны?

КУПРИЯН. Тэд абу быть тöдны. *(Пуксьö, чöвтö юр вывсьыс кепкасö, восьтö полевöй сумка.)* Верман шуны Иванөн либö Степанөн. А медбур — господин егер-объездчикөн. Нöшта позьö шуны и охранникөн.

ГРУНЯ. Но?! Сöмын öд загсад тайөн оз миритчыны, господин егер-окранник. Да он-ö тэ загснад пöрйöдлы? Неуна забеднö жö: тöдi кö, мый збыль нимтö он висьтав, эськö эг жö висьтась.

КУПРИЯН. Тэ, татшöм кывберитысьыд, вермин. Гашкö и, эн на збыль ним-овтö висьтав да.

ГРУНЯ *(нюм пыр)*. Олан-вылан, Иван-Степан. Первойсö тэ меным ньöти эн кажитчы, а сёрнитыштiм, да быттö ничево, кажитчыны кутiн. Гашкö, мися, буретш тэ и лоан сійö «öти мортыс», кодi став татчöс парма-вöрсö ньöбис? Тöдi кö, войт эськö эг кывберит. Ружьеа со, да первойсö и повзыштлiкодь.

КУПРИЯН *(нюмгö)*. Повзыштлiн? Тэ? Ог эскы. Первойя здуксяньыс эравны пондiн да... Ярмöм пон моз.

ГРУНЯ. Мый тэ, мый тэ? Тайö тэд кажитчис. Ачыд повзöдчин да ыршасин, но... и ме дорйысьöм могысь... неуна яралыштi.

КУПРИЯН. Тырмас кывтö песни. (*Перйö сумкасыс тетрадь.*)
 ГРУНЯ (*ссылö*).

**Ветла-муна гажа парма-вөрöд.
 Сьöлöм помся зэв кыпыда сьылö.
 Дыр кө ог нин петав парма шöрад,
 Гажöй сыысь ёна-ёна бырö.**

ГРУНЯ. А тэ мый? Он-ö көть нин загсö шыöдчöм гиж?

КУПРИЯН. Кöсья протокол гижны. Акт. Мый йöз овмöсö билеттöг пырöмась.

ГРАНЯ. Протокол? Кутшöм протокол? Сэсся коді тэ сэтшö-мыс, мед протоколяс гижавны? Милиционер али прокурор?

КУПРИЯН. Ме шулі нин — медалöм морт, татчöс егерь-объездчик. Индіс выль кöзяин, мöд ногөн кө, предприниматель.

ГРУНЯ. А ме эг керась, эг öзтась, чуманын тусь ни пызь. Мый кутан гижны?

Куприян дыр видзöдö Груня вылö, а мöдыс нюмъялö да водзö тешитчö.

КУПРИЯН (*игралö тетрадьсö.*) Ладнö, ог гиж. Кажитчин тэ мем, збыльысь.

ГРУНЯ. А-а! Но-но-но-но! (*Пуксьö орччөн.*) А тэ öд меным тшöтш кажитчин. Сё збыль. Иванушко-Степанушко, эн нин сэсся скöрав. Бурасям! (*Меліасьö, лöсьöдыштö Куприянлысь юрсисö, босьтö сьлөн пельном вылысь турун сі га ворсöдчöмөн пöлыштö.*) Тэ бöрся, коньöр бöрся, гöтырыд, тыдалö, оз и видзöд, ньöти оз дöзьöрит. (*Быттьö садьмö.*) Али гöтыртöм на? Куртка кизьыд со лётъялö, сійö и тöд — орас да вошас. (*Не-тшыштö га мыччö Куприянлы.*) На, кут. Кут, мися! Татшöм югыд кизьтö сэсся пырысь-пыр он на и аддзы.

КУПРИЯН. Тэ мыйла сүйсян кытчö оз ков?

ГРУНЯ. Но? «Аттьö» висьталöм пыдди көритан. Но нинöм, нинöм, эг дöзмы. Сöмын со мый висьтала: абу на кө гöтыра, колö гöтрасьны. Гöтыртöм мортыд быттьö визув бөр кылалысь, тыбзьöм краж, дзик некодлы ковтöм.

КУПРИЯН. Öти-кö, тыбзьöм кражтö косьтан да пачад ёна на ыпъялас. А мöд-кö, аттьö сöветсьыд, но тайö могсö кызкö тэтöг... Позьö кө.

ГРУНЯ. Верман-ö? А ме тэд и невестапутö индыны верма.

КУПРИЯН. Но? Кытысь? Дерт нин, аслад сиктысь.

ГРУНЯ. Верма и асланым сиктысь, верма и карысь. Неважөн сэтчö овмöдчис менам пöдругай, öтлаын велöдчылім. Зэв авъя да рам. Но и — ми-и-ичаник да кы-ы-ыв-вора.

КУПРИЯН. Дерт нин, тэ кодъ жö яр да кывберитысь.

ГРУНЯ. Кывберитиг-шмонитигад, мый колö, ставсö бурджыка тöдмалан и кужöмöнджык сёрнитан.

КУПРИЯН. Тэ тай зэв сюсь кикимера. Дивö, мый öнöдз абу верöс сайын. Он кө, дерт, пöръясь. Чистö кажитчыны пондін.

ГРУНЯ. Збыльысь? Ой, кутшöм бур! И тэ меным зэв жö ёна кажитчин да мусмин. Сідзкö, верма и ачымöс вöзйыны. Видзöдлы. (*Сувтö га, тшапитчигтыр бергалö.*) Верöс сайö эг на жö петав. Нылала на. Мичаник и статья!

КУПРИЯН. Мичаник, мичаник. Уналы на глянитчан.

ГРУНЯ. Сё збыль? Вай ме тэнё окышта. (*Виччысьтӧг окыштӧ Куприянӧс бандзибьяс.*)

КУПРИЯН. Ёна жӧ тэ тэрыб. Ой, зэв тэрыб. Вай ме тэ вылӧ бурджыка видзӧдла, медводз синъясад. Кутшӧмось найӧ, мый позьӧ наысь аддзыны?

ГРУНЯ. Видзӧдлы, колӧкӧ. (*Матыстчӧ Куприян горӧ, видзӧдӧ веськыда сылӧн синъясӧ.*) Но, кутшӧмось?

КУПРИЯН. Мичаӧсь да меліӧсь. Мыйлакӧ и збыль мусаӧн лоисны. Кӧть пырысь-пыр окав да нуӧд ӧти нималана кантораӧ, кодӧ шусьӧ...

ГРУНЯ. Кыдзи кантораыс шусьӧ?

КУПРИЯН. Водз на сійӧ канторасӧ шызьӧдны. Но мӧд пӧлӧс власьтъяс дорад век жӧ нуӧдла. Удж-могӧс бур ногӧн, честнӧя вӧчӧм могысь. Мед найӧ рӧзберитчасны.

ГРУНЯ. Нуӧдан? А кутшӧм власьтъяс дорӧ? Сельсӧветӧ али районсаас?

КУПРИЯН. Районсаас, а гашкӧ, и вылӧджык.

ГРУНЯ. Тэ эн рӧзбирайтчысь власьтъяс дорӧ нуӧд менӧ, а босьт кияс вылад да нуӧд сійӧ власьт дорас, кӧнӧ ныв-зонъяссӧ гербӧвӧй печата бумага вылӧ гижӧдӧны. Ӑти памилльӧн.

КУПРИЯН. Менӧ — тэкӧд? Эдатшӧм бритва кодъ ёсь кывъя кикимораыскӧд?

ГРУНЯ. А мый? Ачыд шуин, мый кажитча и муса лои.

КУПРИЯН. Шулі. Кӧть эськӧ ӧнӧ, кор гербӧвӧй печата бумага-тӧ гарыштӧн, друг окота лои нӧшта ӧтчыд видзӧдлыны. Ноко, бергалышт ас гӧгӧрыд. (*Груня некымынысь бергӧдчӧ.*)

ГРУНЯ. Но?

КУПРИЯН. Ӑнӧ тай кутӧн чукля кокаӧн да урӧсінікӧн кажитчыны.

ГРУНЯ (*скӧрмӧ*). Ме? Ме чукля кока? Ме урӧс? Ачыд тэ мустӧм рожа! На тэныд! На!.. (*Швачкӧ бан бокъясас да пышӧ*).

Куприян шӧйӧвошлӧ, сэсся уськӧдчылӧ Груня бӧрся.

КУПРИЯН. Груня! Груня, сулавлы! Ме ӧд шмонитӧ, тэ моз жӧ кикимеритчи. Ме... Груня! Грунюшка!.. (*Уськӧдчӧ вӧтӧдны, саявлӧ, но регыд воӧ бӧр.*) Со тэныд и шмонитӧм да кывбертӧм! Со тэныд и тӧдмасьӧм да кажитчӧм. Со тэныд нӧшта и муслун. Сё ерӧмакань! Жаль. Ок, кутшӧм жаль! (*Не то сьылӧ, не то висьталӧ речитативӧн.*)

Эк, Ян! Куприян! Кызнад кокниа эн шыблась.

Кывйыд быттьӧ зэв зіль лэбач. Лэбзяс — он и кут.

Быттьӧ рӧкыс вылӧ, сюсь пель пыр и кылас!

Уськӧдас кӧть синваӧдз да-й торкас мортлысь шуд!

Нылыс ӧд збыль кажитчис, весиг корасьӧм йылысь мӧвп югнитліс. Да-да. Но олыштам да видзӧдлам, кодарӧ олӧмыс бергӧдас. Паныдасьлам на жӧ ӧд. Сюйсьылас на татчӧ вотчыныыс. А мем быть колӧ гӧгӧр кытшовтны.

Пемдылӧ.

Мод серпас

Сэн жö. Локтö Куприян. Чатрасьö, видзöдалö öтар-мöдарö. Пуксьö.

КУПРИЯН. Эз öд мыччысьлы. Мöд лун нин дзик весьшöрö бергала. Мöд лун. Прамöя дöзмöма. А мыйысь эськö и дöзмыныс? Сийö тай öддзис да мекöд сэтшöма кикимеритчис. Но мем кажитчис ворсöдчöмыс, со и ышті жö, нарошнö чутки, мися, чукля кока да урöс. Эг чайт, мый сэтшöма дöзмас. (*Сьылö.*)

Судьба-рöктö водзвыв он на тöдмав,
Коркö воас шуд, а коркö-й — усяс лёк.
Олём пырыд кималасөн мунан, öдва
Аддзан шудтö, кодi быттö ма и нöк.

Ёсь кывъя, ёсь синма, паныдасис ныв мем,
Кочкис сьölöмö и некыдзи ог мын.
Мыччысьліс да пышйис: ог аддзы ни кывлы,
А öд сьölөм менам абу кын.

А сьölөмыс зэв ляб да руш вölөма. И ачыс зэв мича, кыпыд лола, гажа. Ковмас сиктас ветлыны, сэтысь юасьяла. Но ог на талун. Чайта, колö лöсьöдны кутшöмкö козин, небзьöдны сьölөмсö. Чыштъян ли юр көртöд. А гашкö, исерга. Лун-мöд мысти, чайта, чöд да оз кисьмасны нин, и сийö надейнö волас татчö. Сöмын эськö мед паныдавны. Ладнö, тадзи и вöча. (*Мунö.*)

Кост бöрын пуяс сайысь мыччысьö Груня, матыстчö лабич дорас, пуксьö.

ГРУНЯ. Муніс. Кыдзи гөгөрвои, пукаланмозыс виччысис менö. А мыйла? Мый могысь? Эз жö öд протокол гижöм да штрап пычкөм могысь. Мем чайтсьö, сылы окота на аддзывны менö да сёрнитыштны. Чайтсьö, мый ме сылы мыйкö мында кажитчи, а гашкö, и мусми неуна. Скöралöмыс эз збыль вöv, бөрнас тай нимöс ёна и меліа пычиктіс. Но друг... чукля кока да урöс. Кыдзкö кö мöд ног көритіс, гашкö, эг сэтшöма скөрмы, а чукля кокнад да урöснад шуöмыс ёна дойдіс. Кутшöм нö ме чукля кока, да нöшта и урöс? (*Водзлань нюжöдö кокъяссö да бергöдлö.*) Зэв мича кокъяс!.. Вирöй пузис, да нем виччысьтöг и швачкысис чужöмас. Швачки и пышйи! Ёна дöзмöдіс. Збыльвылас эськö вильшаліс, а ме и ыпниті. (*Кост.*) А öд мортыс мем кажитчис жö. Весиг ёна. Колö аддзысьлыны да сёрнитыштны. Прöща корны. Аскомысь кö бара на татчö волас, ог нин дзебсясь, пукся татчö да кута виччысьны. (*Сьылö.*)

Ме эска, эска: волас на мем шудыс,
Виль муслун öзъяс, öзтас оланру.
Бур Енмöй! Мöдысь олөмөс эн гудырт,
Мед тöдла на ме уна-уна шуд.

Пуяс сайысь мыччысьö зон, кок чуньяс йылас мышладорсянныс матыстчö Груня дорö да тупкö синъяссö. Груня кутчысьö киясас, зильö гөгөрвоны, кодi тупкис синъяссö.

ГРУНЯ. Прокö? (*Зон ымöстö.*) Вечö-Печö? (*Бара ымöстö.*) Сідзкö, Ваньчо.

ӨЛБӨ. Эн төд, и он төд!

ГРУНЯ. Сідзкө, Пантилей.

ӨЛБӨ. Думайт, думайт.

ГРУНЯ. Эг төд, сетча.

ӨЛБӨ. Эк, тэ! Эн и төд. *(Восьтө Грунялысь синъяссө, шевкни-тө кияснас да кыпыда сьылө.)*

**Ме сөмын тэныд сьөлөм ассьым видза,
Ме сьыла тэныд долыд, кыпөдана шы;
Эк! Гудөк эськө! Ворсыштны тэд мича,
Мед өттшөтш мекөд сьылісны став ныв.**

ГРУНЯ. Но! Тайө тай Кузькок Өлбө. Кытысь нин тэсө татчө усин?

ӨЛБӨ *(кывбурөн)*.

**О, Коми му! Тэ рөдинай менам!
Кор судзсис эськө менам дзоля сыв,
Сэк помтөг, помтөг кутлі эськө тэнө,
Кыдз муса мамсө кутлө дона ныв.**

ГРУНЯ. Со вөд, со вөд кызди шпаркйө. Дас во сайын велөд-лөм кывбуртө онөдз төд вылас кутө, а муса нывсө, кодөс коркө радейтліс да окавліс, вунөдіс.

ӨЛБӨ. Абу збыль. Тэ дорө жө тай со локті. *(Пуксьө орччөн, кутө Грунялысь кисө.)*

ГРУНЯ *(вештө кисө)*. Коді нө али кутшөм төвру тэнө татчө вайөдіс?

ӨЛБӨ. Лунвыв төлыс, Грунюшка, лунвыв төлыс. Кыдз тай кватитіс шошаөд, кыпөдіс енэжас да тімбылялігтырийи нөбаліс веськыда татчө.

ГРУНЯ. Но! Сідзкө, миянө нөбөдіс?! Мукөдыс тай гаж корсьөм да гожйөдчөм могысь быд во лунвылө шердлөны.

ӨЛБӨ. Шердлөны тай...

ГРУНЯ. А тэ, мед позис во чөж гожйөдчыны да сө арөса юбкалысь лысьөмтө шонтыны, корсин сэтчөс юбка бөждорув.

ӨЛБӨ. А кывйыд тэнад век на важкодьыс. Быттьө бритва. Бурьялан, гөн ньылыд шыльөдан. Чайтсьө, сэтшөм мелі да бур сьөлөма ныв, а дас минут мысти чилснитан либө парснитан...

ГРУНЯ. А эг өмөй збыльсьыс парснитлы?

ӨЛБӨ. Кор кыз.

ГРУНЯ. Но, шуам, гашкө, и сідз. А висьтав веськыда: мөрч-чыліс?

ӨЛБӨ. Мөрччыліс, мөрччыліс.

ГРУНЯ. Сійө и бур. *(Кост.)* Збыльсь, кызди татчө веськалін? И мый тэд колө?

ӨЛБӨ. Тэ бөрся локті. Казялі, кызди керка-потшөсьяс сайті сайласьөмөн гоньялін-мунін, но и ме... сайласьөмөн жө вөтчи.

ГРУНЯ. Нем тэд вөчныыд, да шпионитан?

ӨЛБӨ. Эг шпионит, а вөчи разведка. Көйи төдмавны, кытчө, мися, миян Грунечканым шыш мозыс ветлөдлө?

ГРУНЯ. Но, төдмалін, гөгөрвоин?

ӨЛБӨ. Төдмалі, гөгөрвои. Асланым сиктса зонъясөс кедзов-тан, бокөвөйясөс кыйөдан. Сідз?

ГРУНЯ. Позьö и сідз шуны.

ÖЛЬÖ. А ми кө сёрнитчам да егерыдлысь ки-коксо чегъялам? А? Кыдзи тайос донъялан?

ГРУНЯ. А тэ мыйла асьтö мян сиктса зонъяскöд öткодялан? Тэ öнi абу нин мян. Тэ — лунвыв юбка дiнö домалöм морт.

ÖЛЬÖ. Да, сідз тай со артмис.

ГРУНЯ. Ноко-ноко, висътав, кыдзи сідз артмис?

ÖЛЬÖ. Тэд тайос абу быть тöдны.

ГРУНЯ. Чайтан? А ме мöд ног думайта.

ÖЛЬÖ. Кыдзи?

ГРУНЯ. Висьтала, быть висътала. Сöмын сёрöнджык.

ÖЛЬÖ. Некутшöм гусятор. Окота лои волены чужан сиктö, видзöдлыны, кыдзи оланныд-выланныд.

ГРУНЯ. Ой, пöръялан. Эм на кутшöмкö мöд помка. Ноко, висътась!

ÖЛЬÖ. Висьтала, мися, сöмын сёрöнджык жö.

ГРУНЯ. А ме гөгөрвоа, гөгөрвоа, мыйла он көсйи висътавны.

ÖЛЬÖ. Но? Ок öд! Кутшöм пö ме сюсь, гөгөрвоа пö. А висътав, кыдзи гөгөрвоан?

ГРУНЯ. Верма и висътавны.

ÖЛЬÖ. Но-но.

ГРУНЯ. Кодкөлун кружкаын копей гудырсьыс серпас ад-дзылі... *(Джöмгö.)*

ÖЛЬÖ. Но! Копей вылын нин гадайтчан? И мый тэд висъталіс серпасыс?

ГРУНЯ. Висъталіс, мый тэ пöръясян. Мый рочанкаыд тодмыш-каліс тэнö, и ковмис воны ас сиктö.

ÖЛЬÖ *(сераліг)*. Лöсьöдлан! Бред!

ГРУНЯ. Көсьян, содтöд мойда. Кöйялін öтар-мöдарын, корсин юр сюянін, но нинöм эз сюр да татчö локтін. Колöкö, висътала, мыйла буретш татчö.

ÖЛЬÖ. Заводитін мойдны, да мойд нин помöдз.

ГРУНЯ. Локтін, мед коравны сійö нывсö, кодкöд школаад велöдчигөн ёртасьлінныд. Но, тöдi? Менам пельясöдз регыд воис юөр и сы йылысь, мый локтан лунад жö волöмыд ме дiнö корасьны. Збыль?

ÖЛЬÖ. Но и йöз! Но дивö йöз! Мыйсö сöмын оз лöсьöдлыны?!

ГРУНЯ. Кыыйд лытöм, вот и куснясьö кыдз окота. Гашкö, збыль, гашкö, и абу. Ме гортын эг вöв, но шуöмыд пö, мый аскинас бара на волан. Мед тэкöд не аддзысьлыны, аскинас на-рошнö парма-ягö шöйтны муні. Öти сайысь, мися, тöдмала, кись-мöмны абу нин вотöсьясыс. *(Кост.)* Но, мый öнi нинöм он шу? Соссы! Шу, мый ме сöра да мойда.

ÖЛЬÖ. А сöран и эм. Чуньясьсыд нёнялін, мый быттöкö копейысь аддзылін.

ГРУНЯ. Верман и ас ногыд чайтны, ме тшöтш ас ног. Но висътала: меным енэжсянныс юөртисны, мый рочанкаыд тэнö тодмышкалöма. Со öд кыз вöвлö. Предайтін менö, мöд вылö вежин. Клятватö торкин. Таысь абу яндзим?

ÖЛЬÖ. Öнi, дерт, яндзимкодъ. Сöмын тай öнöдз ог гөгөрво, мый сэки менам вежөркöд да сьölöмкöд вöчсис?

ГРУНЯ. А пасыд? *(Мунö кыз пожöм горас.)* Со, öнöдз бура тöдчö. Волы, волы, видзöдлы.

Өльö матыстчö, видзöдлö пас вылас.

Миян ёртасьöм-радейтчöмысь сöмын тайö пасыс и колис. Сöмын бутки-баткиыс. Вуштыны, буди, мед и туйыс эз тöдчы. Эм кө, вайлы пурттö, вушта и эм.

ӨЛЬÖ. Ог сет. Оз ков, эн вушты. Тайö öд паметь.

ГРУНЯ. Паметь, кодi öнi оз нин ков — тэ сийöс предайтiн. (*Ыджыг кост.*) Но, мый чöв олан? Кыв ни джын оз сюр? А ме ставсö висьталi и кад гортлань мöдöдчыны. (*Кöсйö мунны, сьылö.*)

Помтöм паськыд Коми муöд
Воськов менам зумыд, збой.
Сьöлöмын кө муслун туö,
Дзик быд зонлы ог на кой.

ӨЛЬÖ (*сувтö паныд*). Грунюшка, энлы на мун. Вай нöшта сёрнитам. Танi...

ГРУНЯ (*сьылö*).

Вöвлiн коркö муса зонмөн,
Рыт-рыт тэкöд колявлi.
Мöд ныв дiнö синны пондiн,
Öтнамөн со коли ме.

ӨЛЬÖ.

Ставсö бергöдны на позьö,
Тэысь ме эг көдзавлы.
Мöдыд мыйкö керис-вöчис,
Юр вежөрöс розьöдлiс.

ГРУНЯ.

Розя юраыд мем мустöм,
Мед нин дöмлас кодкö мöд.
Сьöлöмын выль муслун кустöм,
Тайöс сюркняв юрад, тöд.

ӨЛЬÖ. Грунюк, кывзы менö, ёна кора. Вай сёрнитыштам буретш танi. Танi миянöс некод оз торк. Прöстит менö. Копей вылад аддзылöм йывсьыд шуин збыль. Збыль, торйöдчим ськöд. Мунi ме на ордысь, мунi. Тэа-меалөн коркöя муслунным выльысь öзйис, тэ дiнö кутiс кыскыны. Сё ей бог! Медводдза муслуныд, тыдалö, медся на ён. Ловзис сийö и выль жарөн öзйис. Прöстит, мый ылавлi. Прöстит! Кыдзкö вежөрттöг-гөгөрвотöг артмис. Збыльысь. Сийö, тыдалö, мыйкö вöчис мекöд, тшыкöдiс ли смилитiс.

ГРУНЯ. Тшыкöдöм-смилитöм вылад позьö ставсö, мый көсьян, вештыны. А тэ кодi, морт али гез йыв меж? Кытчö кыскасны, сэтчö и мунан. А гашкö, юртöм петук?

ӨЛЬÖ. Морт на, Грунюк, морт, но овлö тай сiдзи, быттö вежöрыд гудыртчылö. И кутшöмкö кад быттö сьöд пемыд пöдва-лын олi. Гөгөр сöмын тöдтöм, мустöм йöз, кодъясысь колö пыр видзчысьны да öпасайтчыны.

ГРУНЯ. Но и жыкруйтiн эськö сьöд пемыд гуад.

ӨЛЬÖ. Окота жö югыдiнас, шондi югөр улас петавны.

ГРУНЯ. Мый корсин да кытчö суйсин, сэтчö и веськалiн.

ӨЛЬÖ (*кост бöрын*). И друг ме гөгөрвои, Грунюк, мый лунть-югыдыс да шондыс мем — тэ. Тэ, Грунюк! Көть эськö мукöд-дырйиыс и бритваөн моз парсыштлiн, но тэнад парсасьöмысь бур көсийöм тöдчылис, а эз лöгалöм да лёкалöм. Прöстит, Грунюш.

Прөстит менө. Вай бергөдчам вajas, вунөдам дзугсьылөмөс да кутам коркөя моз радейтны өта-мөдөс. *(Кост.)* Прөстит да пет ме сайө.

ГРУНЯ. Ок өд, кутшөми тэрыб! Тэ менө сэтшөма дзерөдін, сьолөмө сьөвзин. Ме сы дыра шогалі да вийси: ведра тыр синва кисьті, а тэ со локтін да пара минут кайтчыштін, муртса корыштін прөща, и чайтан, мый радпырысь өшйөдча тэнад сьылі былө? Аддзөмыд йөйөс! Оні тэ копрасьышт да вөтлысьышт, а ме видзөдла на тэ былө. Кужан кө сьолөмөс небзьөдны, гашкө, и прөстита.

ӨЛЬӨ *(ёся видзөдө Груня былө)*. А тэ эсйө егер дінас кутчысян да...

ГРУНЯ. Тэд кутшөм дела? Тэ менө предайтін, мөд былө гөтра-син... И ме ассьым нэмөс понда өткаөн колявны? Верөстөг? Кыдзи шулөны, өтка пөткаөн?

ӨЛЬӨ. Торйөдчим ми ськөд, торйөдчим. Сэтчөс загсө шыөдчөм коли.

ГРУНЯ. Шыөдчөмтө гижин, а вочкывйыс кутшөми-я лоө? Откажитасны кө?

ӨЛЬӨ. Сэтчөс уджалысь көсйысис регыдөн и торйөдны да гижөд мөдөдны. Регыд пө.

ГРУНЯ. Йөзыс өд быдпөлөсыс вөвлө: первой көсйөны, а бө-расджык — несйөны.

ӨЛЬӨ. А тэ егерсьыд өткажитчан?

ГРУНЯ. Видзөдла тэнад поведенньө былө!

ӨЛЬӨ. Менам поведенньө лоө зэв бур, кута ставсө вөчны тэнад көсйөм-тшөктөм серти.

ГРУНЯ. Видзөдлам, видзөдлам.

ӨЛЬӨ. Он эскы? Колөкө, пуртөн ки пыдөсө сутшка.

ГРУНЯ. Тэнад юрид и збыльысь, тыдалө, гудыртчөма? Йөйта-лан сэн. Нөшта шу, эсйө паса пожөм вылас өшөдчан. Мун син водзысь. *(Көсйө мунны, но друг сувтө да матыстчө пожөм дінас.)* Тайө пассө збыль колө вуштыны. *(Чумансьыс босьтө пурт да өдгзө вуштыны.)*

ӨЛЬӨ. Груня! Эн! Мися, эн! Вай, Грунюш, бурасям! *(Көсйө дугөдны, но Груня чорыда тойыштө. Ольө усьлө, но пыр жө сувтө. Вешйө бөкө да сьылө.)*

**Кузь нэмтө оліг быдторйыс тай вөвлө,
Пось радейтөм и янсавлан на зыксигсор.
А тэа-меа эг на зыксөй-ёрччөй.
А дзугсьөм миян — вежалысьлөн керөмтор.**

Груня дугдө вуштыны, тэрмасьөмөн мунө.

ӨЛЬӨ *(вөтчө Груня бөрся.)* Груня! Грунюшка! Эскы мем! *(Груня саялө.)* Груня, сулав!

Коймөд серпас

Сэн жө. Мыччысьө Ольө, гөгөрбок видзөдалөмөн кытшовтө и пуксьө.

ӨЛЬӨ. Оз тыдав. Кытшлалө көнкө. А вөрыд миян паськыд. И сйө, дерт, ветлөдлө «шествуя важно, в спокойствии чинном».

Лоо терпительны. Виччысла да сёрнитыштам. Ме гөгөрвои нин, мый на костын пондылома муслун чужны, да мыйлако торксыма. А мыйла? Бур эсько воли тодмавы, мыйла? Мый понда логасисны? И кодыс мыжаос? Коліс эсько егерыскод сёрниттодз Грунялысь юавны. Но, гашко, кызко и бызыкнитас, петас вомсыс помкайс. Буди, матігөгөрсө нөшта кытшовтны? *(Неуна мунышто, но друг джөмгө.)* Со, пуяс костын вуджөртіс. Саймовтчыла да волиси мыччыся.

Саймовтчө. Рөгыд мысти локтө Куприян, видзөдласнас кытшовтө матігөгөрсө да пуксьө, ружьесө сувтөдө лабичкөд орчөн.

КУПРИЯН. Абу на. А гашко, сэсса некор оз и мыччысла да. А нылыс мича и збой. Видзчысьтөм пондайс повзыштлис жө, а сэсса кызди ярмис, весиг морөснас ружйө помө мыджсис: лый пө! И сёрнитө збоя, ворсөдчө-кикимеритчө. Первойсө ме дөзмикодь, а сэсса ышми да ачим тешитчыны мөді. И друг морттө быттө вежисны: кутіс леститчыны, мевйөдчыны. А меным тайө пондіс көвъясьомөн кажитчыны да мисьтөмтана кывъясыд и чеччыштісны. И швачкис бан бокө. Ме эсько көсйи прөща корны, да пышйис. А правильнө и вөчис, мый швачкис. Эг на өд сэтшөм бура тодмасьөй, мед позис татшөм кывъясөн печласны. Адзыслам кө, быть прөща кора. *(Сьылө.)*

**Некор на эг шогавлы, кыпыд руа вөвлі,
Став ныв-зонкөд лөсявлі, некод тадз эз ковлы.
Со и мусмис нылыд. Йиджис сьөлөм шөрө,
Сьөлөм дойөс кыла — быттө вундө-гөрө.**

Тыдовтчө. Олю да кок чуньяс йылас кыньксьөдө Куприян дөрө, көсйө босьтны ружьесө. Но мөдыс казялө воысьтө, кватитө ружьесө, звирк сувтө да веськөдө стволсө сы вылө.

Киястө лэпты!
ОЛЬӨ *(шевокнитө кияссө)*. Но-но-но... И шмонитыштни оз позь?

КУПРИЯН. А ружьеыс абу чача. Сійөн оз шмонитлыны. Ним, вич, ов!

ОЛЬӨ. Со өд! Пыр жө и ним-вич-ов... А тэ коді сэтшөмыс, мый ружьеа тані ветлөдлан, кор абу на кыйсян пөра? Да нөшта и ним-вич-ов юасян.

КУПРИЯН. Сідзкө, эм та вылө право.

ОЛЬӨ. Ноко, ноко, висьтав, кутшөм сэтшөм право?

КУПРИЯН. Ме татчөс вөр-ваяс видзысь.

ОЛЬӨ. Со мый! Плешкад тай абу гижөма-а. Вай, инөсь, тодмасям.

КУПРИЯН. Вот и висьтась.

ОЛЬӨ. Мый вылө тэныд вичөй? Нимыс абу тырмымөн?

КУПРИЯН. Прөста тодмасьөм могысь кө, и ним тырмис, да тэ со и ружье вылө ырыштчылін.

ОЛЬӨ. Но прөстит, прөстит. Шмонитыштни көсйи. Нимөй менам Ольөксеі, Ольө. А тэнад?

КУПРИЯН. Тэд абу быть тодны... Бурджык висьтав, мыйла татчө локтін?

ОЛЬО. Сідзкө, он и висьтав нимтө. Сёрнитны лоо кызди тодтөм морткөд.

КУПРИЯН. А тэ мый, локтін мекөд сёрнитөм могуь?

ОЛЬО. Буретш сёрнитөм могуь.

КУПРИЯН. И мый йылысь нө ми кутам сёрнитны?

ОЛЬО. Оти морт йылысь.

КУПРИЯН. Интереснө. Кутшөм морт йылысь нө эськө?

ОЛЬО. Оти мичаник том ныв йылысь, кодөс ме радейта, а тэ көсьян сійөс мырддыны.

КУПРИЯН. Но! Сё дивө тай висьталан. И коді нө сійө нылысь?

ОЛЬО. Сійө тайө сиктсьыс, и бөрья кадсө тшөкыда кутіс воывавыны татчө.

КУПРИЯН. Но-о-о? Коді нө татчөсө тшөкыда воывавө? Мыйла ме ог төд?

ОЛЬО. Да төдан тэ сійөс, и бура төдан.

КУПРИЯН. Тэ мый? Гашкө, этійө кикимеритчысь Грунясө висьталан?

ОЛЬО. Да, буретш сійөс.

КУПРИЯН. Сідзкө, сылөн эм жөник? А сійө — кыв ни джын.

ОЛЬО. Жөник не жөник, а коравлісны нин кытыр зон, а сійө век ышнясьө, нырсө лэпталө. Отдортө мянөс. Тэнө, бокөвөй зонмөс, көсйө сийөсавны.

КУПРИЯН. Со мый! И мый тэныд мясянь колө? Мый йылысь көсьян сёрнитны?

ОЛЬО. Тэ вай, зонмө, Груня дорсьыс отдортчы. Эн думайт сійөс коравны.

КУПРИЯН. Со кызди. А ме кө ог отдорт? Мем кө сійө тшөтш кажитчө? Зэв на и муса ныв.

ОЛЬО. А ми тэнө, зонмө, ёна корам: откажитчы. Мед петас асланым сиктса зон сайө. Шуам, ме сайө.

КУПРИЯН. А шуан, сійө тэнө отдортө. Сідзкө, мыйлакө он кажитчы?

ОЛЬО. Мөдарө на: ми ота-мөдөс зэв ёна радейтм. Школаын велөдчигөн клятва сетлім да та йылысь весиг пас вөчлім. Со, эсійө пожөм вылас. Колөк, видзөдлы. *(Мунө пожөм гинас.)* Но отчыд зыксим да өнөдз лөгалө. А тэкөд со төдмасьөма, да өні тэ вылө надейтчө.

КУПРИЯН. Шуан, радейтан сійөс, а сійө тэнө — оз. А мем кө Груняыс тшөтш кажитчө, тшөтш кө мусмис?! Содтөд, мем кажитчө, мый и ме сылы мусми. И та йылысь көсья юавны сылысь. И збыль кө мусми, ме тэныд нинөм ог көсйысь.

ОЛЬО. Эн пыксьы. Бурджык, откажитчы.

КУПРИЯН. Тэ мортыс гөгөрвоысь али абу? Отиторсө кымынысь колө висьтавны?

ОЛЬО. Ме тэнө гөгөрвои. Но нөшта отчыд бурөн висьтала: Груняысь откажитчы. Бурөн шуа, откажитчы, либө...

КУПРИЯН. Либө мый?

ОЛЬО. Ми, сиктса зонъяс, сёрнитчам, да вермам и ки-кокто чегьявны.

КУПРИЯН. Со мый... Чайтад, повзя? Чирук! Нылыс кө тэ сайө ни мукөд сайө оз көсйы, ме сійөс верма на дорйыны.

ОЛЬО. Тайө тэнад бөрья кыв?

КУПРИЯН. Да, бөрья.

ÖЛБÖ. Но, видзчысь! Он кө кывзы мянӧс да он вӧч мян корӧм серти, вермам вӧчны тэысь кӧин-ошлы дарӧвӧй яй. Да, да! Тэ мыйтакӧ кад гортад он волы, кутасны корсьны и коркӧ-некоркӧ аддзасны вильӧдӧм льястӧ да гӧгӧрвоасны, мый кӧинтӧяс пурисны либӧ ош косявліс. Кывлам кө ми та йылысь, волам льястӧ гуавны. Но, став. Ог си, мед видза олін... Гашкӧ, бурджык шуны: «прощай»! (*Мунӧ сьылігтырйи.*)

**Ми абу хулигантӧяс, ми шань зонтӧяс,
Ми важӧн нин эг тӧдлӧй...**

КУПРИЯН. Ёна тай эськӧ повзӧдчан, да видзӧдлам, кызӧсь-ӧ сювтӧясыд. Гашкӧ, вӧснӧыдӧсь да сісь шӧрт моз орӧяссясны.

ЗАНАВЕС.

МӖД ЮКӖН

Нӧльӧд серпас

Сцена ӧтарын — пывсян пельӧс, пывсян бокас — лабич да неыджыд латшкӧс пызан, мӧдар помас — дзиртӧа потшӧс. Пызан сайын куим зон сьылӧны, а пызан вылас — литрӧвӧй сулея аскур, стӧкантӧяс да тасьтӧын кутшӧмсьурӧ закуска.

ЗОНТӧЯС (*сьылӧны*).

**Ми абу хулигантӧяс, ми шань зонтӧяс,
Но важӧн нин эг тӧдлӧй сьӧлӧм бур.
Ми кӧзяинтӧм, керка йӧртӧм понтӧяс...**

Дзиртӧа дорӧ матыстчӧ нӧшта ӧти зон. Тайӧ — Прокӧ.

ПРОКӖ. О-о, да тані тай зэв гажа! Нӧшта и ылысь воӧм гӧсьт.

Сьылӧм орӧ.

ÖЛБÖ. А-а, Прокопей! Лок нин, лок, виччысям тӧнӧ.

ПРОКӖ (*матыстчӧ*). Кутшӧм праздник либӧ шог кузя тшӧтшгья зонтӧясыс чукӧртчисны?

ÖЛБÖ. Тэ вай пуксьы, юышт мянкӧд, да вӧлисти сёрнитам. Тэд штрапнӧй — тырыс. (*Кисталӧ.*) Но, вай мӧвкнитам мян шуд да здоровӧйӧ вӧсна. Тринь-тронь! (*Юӧны да азыма закуситӧны.*)

ПРОКӖ. Но, тэнад тай закускаыд зэв бур. Ӗнӧдз на и сола тшак эм.

ÖЛБÖ. Мам зільлӧма, вотчӧма и соласьӧма.

ПРОКӖ. Зэв чӧскыд. Кывӧс кӧть мед эг жӧ нӧылышт.

ИВАН. Мастер тэнад мамыд, мастер.

ПРОКӖ. Весиг веж петны пондіс. Таво кө тшака во лоӧ, пырала жӧ вӧрад.

Кост. Няртӧлӧны закуска.

ИВАН (*юрсö лэптывтöг*). Билет вылад сьöмтö чукöрт.
 ПРОКÖ. Кутшöм билет? Кытчö? Вöрыс абу öд кино.
 ИВАН. Тэ мый, талун чужин? Он тöд, мый öнi миян яг-вöрлөн
 эм кöзяин. Кöсьян кö вотчыны, кежав сельсöветö — ньöб билет.
 ПРОКÖ. А ог кö ньöб да сытöг вöрас муна?
 ИВАН. Егер кутас, акт гижас — штрап мынтыны ковмас.
 ПРОКÖ. А ме дзебся, кутны ог сетчы.
 ИВАН. Делö тэнад, верман и дзебсясьны.
 ВЕЧÖ. Збыль, ставным дзебсясьмөн кутам вотчыны.
 ПРОКÖ. Ёна кö крукасьлыны пондас, дiтшкöдыштны позяс.
 Юр вылас паськыджык куль мешöк вожöдам и... гындам.
 ÖЛЬÖ. Збыль, збыль! (*Кост. Сёйöны.*) Но, тырмас сэсса
 кывнад печласьны. Ме со мый кöсья юавны тiянлысь: коркö
 тi гöтрасьланныд али он?
 ВЕЧÖ. А тэд нö мый? Мустö зыртö, мый ми век на зонмалам?
 ÖЛЬÖ. Мус оз зырт ни грыжа оз письты, да жалöсь тi ме-
 ным.
 ИВАН. Мыйысь нин жалитан?
 ÖЛЬÖ. Эм, эм мыйысь тiянöс жалитны.
 ВЕЧÖ. А тэ эськö быттö бурьялан да такöдан?
 ÖЛЬÖ. Ачым кö ог бурьяв да такöд, гашкö, велöда, кыдзи
 тайöс вöчны. Но, вай нöшта öти стопкаөн пöрöдам. (*Кисьталö,
 юöны.*)
 СТАВÖН (*сьылöны*).

**Ми абу хулиганъяс, ми шань зонъяс,
 Но важөн нин эг тöдлöй сьöлöм бур.
 Ми кöзяинтöм, керка йöртöм понъяс,
 Со шоммам-шузям, вишкам кузь лунтыр.**

ПРОКÖ. Но?! Шу, инö, мыйысь миянöс жалитан?
 ÖЛЬÖ. Ноко, висьталöй, кымын во вöльнöй свет вылас олад,
 сöстöм сынöдсö тшыкöдад-тшынöдад?
 ИВАН. А тэд кутшöм мог? Мыйта вермам, сымда и олам.
 ÖЛЬÖ. Ставныдлы комын бердö, а öнöдз гöтыртöмось. Гашкö,
 и небыд яй кöрсö эн на тöдлöй.
 ВЕЧÖ. А тэд кутшöм делö?
 ИВАН. А тэ миян эшкын улö пыравлiн?
 ПРОКÖ. Кытчö оз ков, ныртö эн суй, вермам и дженьдöдны.
 ÖЛЬÖ. Энлöй, энлöй!
 ПРОКÖ. Кутшöм эмось, сэтшöмөн и олам-вылам.
 ÖЛЬÖ. Ме öд эг лёкысь шу, а мöдарö. Жалита, мися, тiянöс.
 Со öд кутшöм судьбаыд вöвлö... Кöсьян, да он на гöтрась!
 ПРОКÖ. А кытысь тэ тöдан, кöсьям али ог?
 ÖЛЬÖ. Тöда кыськö. Войтöл-батюшкаыс шöпкöдiс: став тшöтшгья
 нылыс кодi верöс сайö петiс, кодöс олöмыс карö нöбалiс. И ко-
 линныд сöмын тi, инасьтöм кос кольяс. Абу али мый сiдз?
 (*Кост.*) Чöv олад?
 ВЕЧÖ. Тэд мый колö, мый миянöс дзерöдан? Гашкö, отсалан
 инö?
 ÖЛЬÖ. Гашкö, и отсала.
 ПРОКÖ. Тэ кодарö синан и мыйла чукöртiн миянöс?
 ИВАН. Збыльысь, мый тэд колö?

ВЕЧӖ. Мыйла шоныд Кубань дорсьыд, гӧтырыдлӧн небыд борд улысь пышйин?

ӖЛЬӖ. Чужан мулы копыртчывны да бать-мамӧс аддзӧдлыны.

ВЕЧӖ. Но, видзӧдлин и бӧр мун, миянлысь лов эн гудрав да эн дойдав.

ӖЛЬӖ. А ме кывлі...

ВЕЧӖ. Мый кывлін?

ӖЛЬӖ. Ставныд, съӧрсьӧн-бӧрсьӧн, Груня дінӧ корасьлӧмныд.

ПРОКӖ да ИВАН. Но и мый?

ИВАН. Тэд жаль? Вежӧгтан?

ПРОКӖ. Эн вежав, тэ жӧ гӧтыра нин.

ӖЛЬӖ. Ме ог сӧмын ас йылысь сӧрнит.

ВЕЧӖ. Али ӧти гӧтырыс этша?

ӖЛЬӖ. Но, ротозейяс! Синма-ныра костсьыныд нывсӧ нӧбасны.

ПРОКӖ да ИВАН. Коді?

ӖЛЬӖ. Аддзысьӧма морт.

ПРОКӖ. Сӧран.

ИВАН. Висьтав, коді?

ӖЛЬӖ. А ті асьныд синтӧмӧсь?

ВЕЧӖ. Миян сиктысь кӧ быттьӧ, некод оз вермы лоны.

ӖЛЬӖ. А сійӧ абу и миян сиктысь.

ПРОКӖ да ИВАН. А кытысь?

ӖЛЬӖ. Арсентьевич объездчиктӧ тӧдлӧд?

ИВАН. Но и мый? Сійӧ жӧ кувсьыліс, сарство небеснӧй!

ӖЛЬӖ. А сы местаын коді служитӧ?

ПРОКӖ. Кутшӧмкӧ том морт.

ВЕЧӖ. Райцентрын пӧ олӧ-вылӧ. Нимыс Куприян ли Крупиян.

ӖЛЬӖ. Абу тӧдсаӧсь?

ВЕЧӖ. Волӧма коркӧ сиктаным.

ИВАН. Клубӧ чукӧртлӧма йӧзсӧ да сӧрнитӧма.

ВЕЧӖ. Збыль. Парма-вӧрлӧн выль кӧзяинкӧд аддзысьлыны волӧмны морт кызь. Шуӧма, дзоньтасьӧм выль пӧ ковмас кӧ кер мӧд-коймӧд, лӧӧ мынтысьны сылы. Пес вӧр кералӧмысь тшӧтш сылы. Весиг тшак-вотӧс выль пӧ ӧні колӧ билет ньӧбны. Билеттӧм мортӧс кӧ кутасны — штрапуйтасны. Вот татшӧм ӧні миян олӧмыс.

ӖЛЬӖ. Но вот. Сидзкӧ, тӧдӧй: Груняныд тіян тӧдмасьӧма выль объездчиккӧд и, кажитчӧ, мусукасьны пондӧмаӧсь.

ПРОКӖ. Мыйла тадзи чайтан?

ӖЛЬӖ. Лункосмӧсӧн, оз кӧ быд лун, Груня вӧрӧ кынькъялӧ.

ПРОКӖ. Тэ кыйӧдчан али мый?

ӖЛЬӖ. А кыйӧдчыны оз и ков, ӧти керка сайын ӧд олӧ. Он кыйӧдчы, да синмад пыкӧ.

ВЕЧӖ. Со кызди. А меным ӧд весиг кӧсйысискодъ.

ӖЛЬӖ. Мый кӧсйысис?

ВЕЧӖ. Ме сайӧ петны.

ӖЛЬӖ. Бӧбйӧдлӧ сійӧ тіянӧс, бӧбйӧдлӧ. Ме кӧ тіян местаын да гӧтыртӧм на кӧ вӧлі, сӧрнитчи эськӧ ставкӧд, кодъясӧс бӧбйӧдлӧ, да ышӧді прамӧя песны.

ПРОКӖ. Кодӧс? Груняӧс?

ӖЛЬӖ. Кӧть и сійӧс. Но, дерт, мӧдсӧ, коді миян Груня выль ыштӧ. Ки-кокъяссӧ чегъявны да кольны вӧрас... кӧин-ошлы чӧс-

масьом вылө. А? (Кост.) Но, мый чөв олад? Полад? Правильнө. Тайө ме сідз, ылөсас шуи, сёрни ради. Но позьö и Груняөс чиршөддыштны. (Кост.) Но, вайө нөшта юыштам. (Лэптö лабич улысь согтöд сулея, кисьталө.) Но, Ен отсөгөн... тиянлы өдйөджык гөтрасыны.

Юоны, закуситоны. Төдчымөн гажмөны, кывъясныс «сёймөмны».

ИВАН. Но, Груня! Ок, и Груня!

ПРОКӨ. Колө аскөдыс сёрнитны. Буруника топөддыны да повзёдны.

ӨЛЬӨ. Збыль! Öтвылысь сёрнитам да корам, мед öткажитчас егерсыс. Оз кө öткажитчы, шуам, мый öбездчиклысь лысьөмсö песам.

ВЕЧӨ. А тэ эськө миянкөд тшөтш мунаң?

ӨЛЬӨ. А мый эськө и огыс.

ВЕЧӨ. Збыльысь? И тэ, Прокө?

ПРОКӨ. Да. Бөбйөдлө миянөс, морт туйө оз пукты, а ми сылы копрасям ен нывлы моз, криста радиөн корам верөс сайө.

ӨЛЬӨ. Вот-вот. А сийө сөмын тешитчө тиян вылын... Сэсся и егерыскөд сёрнитам. Бур ногөн корам öткажитчыны. Оз кө öткажитчы, шуам, мый пөвсалам ки-коксö чегъявтөдз да вöрас колям...

ВЕЧӨ. Тэ жö миянөс лёк вылө ышөдан?

ИВАН. Збыль!

ӨЛЬӨ. Ки-кокъяссö чегъявтөдз, гашкө, ог жö, но буруника повзёдны колө. Тані овны да уджавны ог сетöй. Мед весася кытчö гаж.

ИВАН. Но, шуам, мунас егерыд... А Груня сы бöрся вöтчас.

ПРОКӨ. Оз. Висьөдчысь мамсö оз эновт.

ИВАН. Тайөс водзвыв он төд.

ВЕЧӨ. А друг Груня збыль повзяс да öткажитчас егерсыд? Сэки мый?

Ставөн видзөдлөны öта-мөд выланыс былялөм синъясөн.

ИВАН. Корам петны миян пиысь кодкө сайө.

ВЕЧӨ. Ме сайө көсийсыліс петны. Тэ сöглас?

ИВАН. Видзөдлам.

ПРОКӨ. Пудьясям, код сайө сылы петны.

ИВАН. А кыдзи пудьясям?

ӨЛЬӨ. Дугдöй вензыныыд. Кыйтөм пөткасö энлы на куштöй.

ИВАН. А збыль öд, сідзи кө артмө.

СТАВӨН (сьылөны).

**Ми абу хулиганъяс, ми шань зонъяс,
Но важөн нин эг төдлөй сьөлөм бур.
Ми көзяинтөм, керка йөртөм понъяс,
Со шоммам-шужам, вишкам кузь лунтыр.
Ни удж, ни олөм, ныв оз вичмөд муслун,
А сьөлөм корө муслунсö быд вой.
А гашкө, бурджык кувны-кусны,
Сэк öттшөтш кусас-өвсяс сьөлөм дой?**

ОЛЬО. Зонъяс! А Груняд со буретш магазинлань мунö.

ПРОКÖ. Вай чукöстлам татчö.

ВЕЧÖ. Мыйла?

ПРОКÖ. Асьныд шуинныд — сёрнитыштны да чиршöд-
лыштны.

ВЕЧÖ. Öнi, гажа юрöн, оз ков.

ПРОКÖ. Колö.

ОЛЬО. Гашкö, гажа юрнад мörччанаджык лоö.

ПРОКÖ (*мунö дзиръя дорö да гораа чуксалö*). Груня! Грунюшка!
Ноко, волы татчö.

ГÖЛÖС (*Грунялөн*). Мыйла?

ПРОКÖ. Сёрнитыштны колö.

ГÖЛÖС. Мый йылысь?

ПРОКÖ. Локтан да висьтала. Улич вомöныс öд ог горзы.

**Локтö Груня, сувтö дзиръя водзас, кыйкнитлö пызан сайын
пукалысьяс былö.**

ГРУНЯ. Но, мый бурсö висьталан?

ПРОКÖ. Ак жö нин и миян Грунюшка. Лунысь-лун сöвман-
мичамман!

ГРУНЯ. А миянлы мöд ног оз и позь.

ПРОКÖ. Зарни кывъяс!

ГРУНЯ. Но, мый көсйин шуны? Ме тэрмасы.

ПРОКÖ. Грунюш! Донай! Мусаай! Прöч кувны пондi, овны
тэтöг ог вермы. Кодкөлун тай быттьö көсйисинкодъ нин. Вай
пет ме сайö. Локтан субöтаö көлысялам.

ГРУНЯ. Локтан субöтаö оз позь.

ПРОКÖ. Мыйла? (*Петö потшöс саяс.*) Виль объездчикыд
мусмис да? Да ме... Ми... Ми сийöс көинöс моз помалам. Бурөн
кора: пет ме сайö. Он кө — ме ог тöд, мый тэкöд и вöча.

ГРУНЯ. Тэ мый? Повзьöдны менö көсян? Тайö тэ весь. Та-
дзи кө, öнисянь тэкöд ог и сёрнит. (*Көсйö мунны, но Прокö ква-
титö сийöс да бергöдö асланыс чужöмөн.*)

ПРОКÖ. Сулав!

Зонъяс öти бöрся мöд ньöжйöникөн, шатлалiгтыр матыстчöны.

ГРУНЯ. Мый нöшта тэд колö?

ПРОКÖ. Кывзы, мый висьтала. Он кө öткажитчы эсийö Кру-
пиян егерсьыс да он кө пет ме сайö либö асланым сиктсаысь
кодкö мöд сайö, ми тэнö... ми тэнö, пöрьяшкаöс... Ми тэнö...

ГРУНЯ. И мый эськö тi вöчанныд?

ПРОКÖ. Этйö... бектö кушöдам да петшöралам! А Крупиян-
ыдысь став лысьöмсö куснялам.

ГРУНЯ. Та могысь и чуксалiн менö? Ладнö, мый тэ öнi абу
öтнад. Мыш саяд со ватага сулалö. Öтнадөн кө вöлiн, ассыйд
на гачтö кули да бура и петшöралi. (*Көсйö мунны, но Прокö
бара кутчысьö сояс, Груня йöткыштö, и Прокö усьö, а Груня
босьтö забор дорас куйлысь кыз бедъ. Сыйö либö речитативөн.*)

**Но, матыстчылöй, садътöм котыр-мöтыр!
Тöдлад бедлысь көрсö и менам сойлысь вын.**

Тодлад сэки, кутшом меысь лоас готыр,
Тодлад, кыдзи радейта, кор муслун менам пым.

Зонъяс джёмдоны да водзё ни бөрө оз воськовтны.

Но, повзёдінныд?! Прощайтлөй! (Мунё.)

Зонъяс бөлбанъяс моз сулалёны.

ВЕЧЁ. Ме од шулі, мый гажа юрөн сёрнитны оз туй.
ОЛЬЁ. Нинём... Егерыскөд сёрни водзын на.

Пемдылө.

Витөд серпас

Прөсеквывса куритчанін. Кутчысьомөн лабич вылын пукалёны
Груня да Куприян.

ГРУНЯ. А тэнö сійö эз стращайт? Эз грөзитчы, мый зонъяскөд
өтвылысь лысьөмтö чегъяласны?

КУПРИЯН. Повзёдліс. Куим-ө-нельоннад найö, дерт, вермас-
ны менö бура пöвсавны, и весиг ныр-вомысь пув ватö лэдзыш-
тасны. Но оз жö од вины. А ме ог пов, и тэнö некодлы сэсса
ог сет.

ГРУНЯ. Найö эз прöста нöйтöм-пöвсалөмөн повзёдчыны, көс-
йисны кувтөдз... Кутам пö көнкö вöрын да нöйтам, сэсса көин-
ошлы колям.

КУПРИЯН. Чайтан, ловныс кыпалас?

ГРУНЯ. Оз быдöнлөн, но на костын эм зэв скөр, дзик морт
виысь кодь... Бура юём бöрын быдтор вермас вöчны.

КУПРИЯН. Эн майшась. Чайта, сы выйөдз оз жö воны, мед
мортöс вины.

ГРУНЯ. Кыдзи шуліс öти нималана поэт: «Надежды юношей
питают, отраду старым подают».

КУПРИЯН. Тайö сідз. Сьöкыд овны, кор ас пытшкөссьыд
полөм да страк помся кылан.

ГРУНЯ. Ладнö, кутам мездысьны полөмысь.

КУПРИЯН. Вот и бур. Молодеч. Да ме и сідз тöда, мый тэ
абу полысь рöдысь.

ГРУНЯ. Но, а тэ кыдзи? Он нин лөгав ме вылө? Помөдз бу-
расин?

КУПРИЯН. А ме эг и лөгавлы. А вот ачымöс ёна и виді!
Пож кывйыд тöдлытөг чеччыштіс да... (Кост.) Тэнад зэв мича,
веськыд кокъяс и зэв мича да мусаник чужөм. Ме тайöс медвод-
дза здуксянныс аддзи.

ГРУНЯ. Да? А ме первой здуксянныс жö казялі, мый тэ зэв
бур, небыд сьöлөма морт. Кор морөсөн пыкси тэнад ружьеö да
видзöді веськыда синмад, быттьö дивуйтчөм да меллун наысь
сöдзöдчис. Скөралөмöй сыліс, быттьö весиг дивö кодь лои: со,
мися, ружьеа морт, быттьö и лёкысь горөдлө, а синъясыс ньöти
абу скөрөсь.

КУПРИЯН. А ме кылі сьылөмтö, локті да нимкодясиг видзöді,

пель чошкөдөмөн кывзі. А кор дугдін сьывныд, тōд вылō уси службаой да лэпти ружьеос и чорыджыка горōдсис.

ГРУНЯ. А ме повзи-и-и, сьōлōм ёкмуни-и-ис.

КУПРИЯН. Бергōдчин тай да ярмōм пон моз уськōдчин-а.

ГРУНЯ. Эг жō эськō пон моз да.

КУПРИЯН. Сідзи, сідзи. *(Сывъялō га окалō Груняос.)*

ГРУНЯ. А тэ збыль менō радейтан? Он мойд?

КУПРИЯН. Збыль, збыль.

ГРУНЯ. Сідзкō, кор гōтрасям?

КУПРИЯН. А гōтрасьōм улас тэ мый гōгōрвоан.

ГРУНЯ. Кыдзи мый? Гōтрасьōм — гōтрасьōм и эм.

КУПРИЯН. Дерт, и загсō гижсьыны ветлōм?

ГРУНЯ. Да, и тайōс. А медсясō, кор ме тәнō вольпасьын ас-лам яй бердō топōда.

КУПРИЯН *(шмонь сяма лукавитōмōн)*. Загсын гижсьōм да свадьбуйтōм бōрын.

ГРУНЯ. Сідзкō, кор свадьбасō вōчам?

КУПРИЯН. Кыдзи водзті вōчлісны: Пōкрōв лунō.

ГРУНЯ. Ой! Пōкрōвōдзыс од зэв на дыр. Вай коркō водз-джык.

КУПРИЯН. Оз терпитсьы?

ГРУНЯ. Оз. Ме тәнō сэтшōма радейта! Ме тәнō сэтшōма то-пōдлыны кōсья! Вай Илля лунō либō шōр Спас дырйи.

КУПРИЯН. Вай первой ветлам загсас да тōдмалам, кыдзи-мый.

ГРУНЯ *(окалō)*. Молодеч, Ян! Позьō, ме тәнō Янōн кута шуны? Тэ абу паныд? Сōглас?

КУПРИЯН. Сōглас. *(Окалō Груняос.)*

ГРУНЯ *(сьылō)*. Гашкō, судьба...

КУПРИЯН *(сьылō жō)*. Гашкō, рōкыс...

ōТЛАЫН *(сьылōны)*. Őтлōдісны миянōс.

ГРУНЯ. Őттшōтш зільны...

КУПРИЯН. Овны тшōктіс,

ōТЛАЫН. Чужтыны ныв-пиянōс.

ГРУНЯ. Шызяс-ловзяс

КУПРИЯН. Виль вынōн кō сьōлōм.

ōТЛАЫН. Шудтō Őтвыв, дерт жō, аддзам тась.

Водзō тэчам зумыд, тыр-бур олōм,

Лолōй зільны уджын лун-вой дась.

Пемдылō.

Квайтōд серпас

Вōчсьō занавес водзын. Кылō матыстчысь автобуслōн шы, сэсья тītōс-тōм, и бияс лаймавлōны, Фаина саявлō. Водзō вермас вōчсьыны занавес водзын жō, но быттō сиктса улич вылын, Őльōлōн керка водзын. Локтō Прокō, шутēвтō да чуксалō Őльōс.

ПРОКō. Эге-гей! Őльōксеи!.. Őльōш! Петав! Либō ме пырала? Őльōш! Кылан?

Регыд мысьт петō Őльō.

ОЛЬО. Здорово. Но, мый нин висьталан?

ПРОКӨ. Видза олан. Ме сөмын на аддзылі, кыдзи Сизева Груняд Кристо Людмил пөдругаыскөд өшинь пырыс вашкөд-чисны.

ОЛЬО. Но и мый? Мем кутшөм шог?

ПРОКӨ. А тэ кывзы, кывзы, мый висьтала.

ОЛЬО. Но, висьтав нин.

ПРОКӨ. Груня сөмын на Катыд ягысь локтөма, аддзысьлөма егерыдкөд.

ОЛЬО. Со кыдзи? Но и мый бурсө висьталіс?

ПРОКӨ. Ошйысис, сёрнитчөмаось гөтрасьөм и весиг загсө ветлөм йылысь.

ОЛЬО. Со кыдзи... Но, сё мокасьтө! Нөшта мый кывлін?

ПРОКӨ. Свадьба йылысь кө, Илля лунө либө Шөр Спасө көсьйөмаось...

ОЛЬО. Со өд... Зэв матысса кадө индысьöны. Ноко, котөртлы Яндөва Ваньчо да Вечө дорө. Мед пырысь-пыр локтасны. Колө сёрнитчыны, мый водзө вöчны.

Прокө мунө.

Видзөдлам на, кыдзи-мый артмас.

Пемдылө.

Автобуслань петкөдысь улич пом. Локтө Груня. Кодкө сійөс чуксалө:
«Груня, виччысьлы!» Груня сувтовкерө. Локтө Вечө.

ВЕЧӨ. Тэ кытчө? Автобус вылө?

ГРУНЯ. Сэтчө.

ВЕЧӨ. Дерт, раймагө... Свадьба кежлад мыйкө дасьтыны.

ГРУНЯ. И кытысь сөмын төдмалін, мый свадьба кежлө дась-тыся?

ВЕЧӨ. Сарапанной радио юөртис. Но тэ эн тэрмась.

ГРУНЯ. Мыйла?

ВЕЧӨ. Тэ төдан, көні өні Кузькок Ольөксейыд?

ГРУНЯ. Кытысь верма төдны, и мыйла мем тайөс колө төдны?!

ВЕЧӨ. Сійө Прокө да Яндөва-Иванкөд вөрө муніс. Катыд ягө.

ГРУНЯ. Но и мый?

ВЕЧӨ. Сёрнитчисны объездчиктө пөвсавны. Зэв збыльысь дасьтысьöны. Менө тшөтш нуөдчисны, но өткажитчи. Пола, мый куимөныд и збыльысь вермасны ёна нөйтны.

ГРУНЯ. Найө тыр вежөраось али?

ВЕЧӨ. Дерт, көнкө, юыштасны. А шома юраясыд...

ГРУНЯ. Со мый!

ВЕЧӨ. Гашкө, мися, колө ветлыны Катыд ягас? Öлөдны. А?

ГРУНЯ (*згук чөв олөм мысти*). Важөн мунісны?

ВЕЧӨ. Прамой час нин колис.

ГРУНЯ. Лоө ветлыны, мед көть лёкөдз оз ышмыны.

ВЕЧӨ. Ме сійө жө чайта. И тэ кө мунан, ме тшөтш.

ГРУНЯ. Сулавлы. Со кодкө төдтөм локтө. (*Кежыштөны бокө.*)

Мыччысьё багажнőй кőляскаа ань, бергőдчылő бőрвыв да őвтыштő кинас. Кылő автомашиналőн ылыстчőм. Тайő Фаина. Сюся видзőдő гőгőр, азыма лолалő сынőдőн да нимкодяссьő. Ссьлő.

ФАИНА.

Не таким я представляла Север,
Край суровых и морозных дней.
Обманулась, попросту поверив,
Сказкам и былинам тамошних людей.
Так же жарко, ярко светит солнце,
Так же зеленеет травушка и лес,
Птицы распевают так азартно, звонко,
Кажется, природа здесь полна чудес.
Полюбуюсь здешнею природой,
Отпуск нынче здесь и проведу,
Погощу у старенькой свекрови,
Может, даже Север полюблю.

(*Aggző Груняőс да Вечőőс.*) Здравствуйте. Скажите, далеко ли до дома Кузькокова Алексея?

ВЕЧŐ. А вы кто будете?

ФАИНА. Я его жена, Фаина. Приехала повидать родину мужа.

ВЕЧŐ. Здорово! Очень кстати. Мы проводим вас до его избы. Идёмте.

ФАИНА. Как он тут живёт-отдыхает? Алексей очень хвалился здешней рыбалкой.

ГРУНЯ. Идёмте. По пути расскажем, как он тут живёт и чем занимается.

ФАИНА. Я очень рада буду нашему знакомству.

ВЕЧŐ. Дайте вашу коляску, я помогу вам.

Мунőны.

Сизимőд серпас

Прőсеквывса куритчанін. Локтőны Ёльő, Прокő да Иван. Гажаőсь. Видзőдласнаныс кытшовтőны матігőгőрсő да джőмдőмőн сувтőны.

ПРОКŐ. Бара абу. Кытőн кытшлалő?

ЁЛЬŐ. Дерт, кőнкő, делянка мőдар помас бергалő.

ИВАН. Да-а.

ЁЛЬŐ (*перйő зепсьыс сулея*). Ноко, нőшта стопкаőн гуниктам. (*Кисьталő, юőны.*)

ПРОКŐ. Но и мый кутам вőчны?

ИВАН. Дізьвидзан-виччысянмозыд тőвсő, буди, чужъявны.

ЁЛЬŐ. Тані пукавны — дзик жő нин кыдзи «у моря ждать погоды». Ветлам нőшта Джуджыд вад дорő, гашкő, чери кыйны ликмис?

ИВАН. Со сійő, буретш сыладорсянь и локтő.

Ставőн бергőдчőны сыланьő да виччысьőны. Мыччысьő Куприян.

КУПРИЯН. Но? Талун тай дзонь отделение куритчыны воőма. Бур, мый он вőр шőрас.

ПРОКŐ. Ми őд правилőястő тőдам жő и пыдди пуктам.

КУПРИЯН. Вот и бур. Ті кутшом могон татчө? Вотчины? А билетныд эм?

ПРОКӨ. А вот билетыд миян абу.

ИВАН. А кытысь сійос босытны?

ӨЛЬӨ (*тупкө Иванлысь вомсө*). А ми абу вотчан могаось. Ми мөд могон.

КУПРИЯН. Куимнанныд... өти могон? Тешкодь!.. И кутшом могон?

ӨЛЬӨ. А тэ он гөгөрво?

КУПРИЯН. Вежөртны ог сяммы.

ӨЛЬӨ. Кодкөлун ме тэд ставсө висьталі.

КУПРИЯН. Мед ме өткажитчи Груняысь? Да? И коді тіян пиысь көсйө сы вылө гөтрасьны?

ИВАН. Тэд абу быть төдны.

ӨЛЬӨ. А ми пудъялам.

КУПРИЯН. Ме и пудъявтөг төда, коді тіян пиысь жөникыс.

ПРОКӨ. Тэ бурджык висьтав, өткажитчан он?

КУПРИЯН. Та йылысь ме висьталі нин.

ПРОКӨ. Кодлы?

КУПРИЯН. Эг тэд.

ПРОКӨ. Висьтав өні... ставнымлы.

ӨЛЬӨ. Но, тырмас тшөкөлдывайтны! Шуан, он өткажитчы?

КУПРИЯН. Ог.

ПРОКӨ. Сідзкө, видзчысь! (*Уськөдчө Куприян вылө.*)

КУПРИЯН (*веськөдгө ружьесө сы вылө*). Сулав! Бурөн шуа, эн матыстчы — ме служба вылын! Егер вылө уськөдчөм — преступление!

Иван гусьөник көсйө ордайыны Куприянөс, но мөдыс ружьесө бергөдө Иван вылө, сэки Куприян вылө уськөдчө Прокө, кватитө ружьесө. Мырддысьөны. Друг ружьеыс лыйө, но некодлы оз веськав. Здук мысти өтчукөрөн мырддөны Куприянлысь ружьесө да шыбитөны бокө, асьсө водтөдөны кымынь да ки-коксө көртавлөны.

ӨЛЬӨ. Но, өні мый висьталан?

КУПРИЯН. Ог. Лэдзөй, буди! Он кө өд, ковмас суд водзын вочавидзны.

ПРОКӨ (*параысь чужйө*). Лысьөмтө чегъялам да татчө колям. Ок, и чөсмасясны көин-ошкыс.

КУПРИЯН. Сідзи вөчны он лысьтөй.

ИВАН. А мыйла эськө и ог? Коді аддзылас, коді юөртас?!

ӨЛЬӨ. Да-да... (*Сералө.*) Сөйисны пө зверьяс морттө, вильө-дісны. Но? өткажитчан?

КУПРИЯН. Ок, зонъяс! Ёна и каитчины ковмас таысь.

Куимнанныс өддзөны чужъявны, сэссия Прокө друг босытчө өлөдны ёргьяссө.

ПРОКӨ. Дугдылөй. Час, ме сылысь сой вечиксө бертовта.

Тайө здукас пуяс сайысь мыччысьөны Груня, Вечө да Фаина.

Груня кватитө эновтөм ружьесө да бөрыньтчыштө.

ӨЛЬӨ. Бертовт, таковскөй. Ыжлысь моз.

ГРУНЯ (*гораа*). Руки вверх! (*Зонъяс шойёвошоны.*) Руки вверх, шуёма!

Нойтысьяс шай-паймунёны, бергёдчёны горёдыслань.

Но, мый падминныд? Разьёй кияссё!

Куприянлысь кияссё разьёны, сувтёдёны кок йылас, но сійё оз на вермы сувтны, кутчысьлё то ётар бокас, то морёсас.

Калечитінныд мортсё. Судё сетам!

ФАИНА. Что, хотите подать в суд? Может, подождём? Может, оклемается.

ГРУНЯ. Жалеешь своего Лёху. Однако, нападение на егеря при исполнении... Придётся подавать. А сейчас... на месте преступления... надо чем-то и как-то возместить моральный и физический ущерб. Также за измену!

ВЕЧЁ. А ме тёда, кыдзи.

ГРУНЯ. Кыдзи?

ВЕЧЁ. Помнитан, кор тэнё накажитны грёзитчисны, кёсйисисны бекъястё кушодны да петшёравны. Вот асьнысё ёні петшёравны колё.

ФАИНА. Я не понимаю. Говорите, пожалуйста, по-русски.

ГРУНЯ. Вот Вячеслав предлагает до суда устроить предварительное наказание.

ФАИНА. И что же?

ВЕЧЁ. Груне они обещали задрать подол и отхлестать крапивой.

ФАИНА. Так вы теперь хотите их самих... Только вот...

ВЕЧЁ. Что?

ФАИНА. После такого наказания, если я соглашусь, как бы он меня не возненавидел, да и я сама перестану его уважать да любить.

ВЕЧЁ. Выходит, мы их так, без наказания, и отпустим?

ГРУНЯ. Конечно, нет! Хоть одного из них, в назиданье другим, надо... крапивой.

ФАИНА. Только бы не Алёшеньку.

ВЕЧЁ. Именно его! Приехал... Мол, развёлся, хочу жениться на первой любви. Лжец! Груня, со эстён, кустьяс саяс, эм зэв кузь петшёр куст. Да-да. (*Фаиналы.*) Там в том углу хорошая крапива. Нарвите, пожалуйста. Чтоб не обжечься, возьмите мои перчатки.

ГРУНЯ (*муныштё*). И то правда! Ему одной жены мало. Надо две, а может, и три.

ОЛЬЁ. Прёститёй! Бурджык, судё сетёй, но мездёй гётыр дырйи петшёралёмысь.

ВЕЧЁ (*Ольё водзё сувтёмён*). Постановили: попарить крапивой. Гачтё лэдз! Но! Одайёдзык!

ФАИНА. А если я попрошу? Простите пожалуйста!

ВЕЧЁ (*пагъялыштём бёрын*). Постановление обсуждению не подлежит. Пёрччы гачтё!

Ольёксей кёсйё разьны тасмасё, но друг тойыштё Вечёос да уськёдчё пышйыны. Вечё вевъялё сконъявны сійёс, и Ольё пласъткысьё-усьё.

ВЕЧӖ. Иван! ПрокӖ! КутӖй сійӖс да лэдзӖй гачсӖ. Он али мый кылӖй!

Иван да ПрокӖ лэдзӖны ӖльӖлысь гачсӖ, ВечӖ шеныштчӖ петшӖра китырнас.

Кымынысь сӖтам?

ГРУНЯ. Чайта, кызьысьсӖ тырмас. Мед дырджык зӖлитас.

ВЕЧӖ. СійӖ очкоӖн радейтӖ ворсны. Очко мындаыс и лӖсшышта.

ГРУНЯ. Тырмас! Тырмас куимыс. ӖстальнӖйсӖ прӖститам. МиянлӖн гӖтрасьӖмкӖд йитӖдын мед амнистия лӖӖ! Но тӖд выла-ныд кутӖй, мустӖм кӖдзыд другъяс: пакӖститчан кӖ да мортлы лӖк вӖчан, видзчысь, мед лӖкыс водзӖсӖн бӖр эз во. Со тай, весиг сӖмын кӖсийлӖнныд, а лӖкӖн бергӖдчис. *(СьылӖ. СюртчӖ и Куприян, сэсся мукӖд.)*

**ОлӖм мортлӖн абу пу кодъ веськыд,
Веськавлан и чукыль-мукуль кытшӖ.
Но бур ногӖн овны зӖлям-пессям,
СӖвесьт мед эз вош, ни сьӖлӖм пытшкӖс.**

СТАВӖН *(сьылӖны).*

**ОлӖмыд визувтӖ, олӖмыд гыалӖ,
ОлӖмад быдгорйыс вӖвлӖ!
СтавсӖ тай олӖмыд кытчӖкӖ нуалӖ,
Быдсяма дивӖсӖ кывлан.**

**Бурыс, дерт, гажӖдӖ, лӖкыс пыр шогӖдӖ,
ЛӖкыс тай кусыньтны, эштӖдны дасьтысьӖ...
Быдсяма лӖкыслы ог сетчӖй, огӖ жӖ!
ЗӖлям на шедӖдны аслыным часьсӖтӖ.**

ЗАНАВЕС.

ПОМ.



Виталий УЛЯШЕВ

Налысь лов шысö кылам...

КЫВБУРЪЯС

* * *

Тайö туйыс важкодъыс на öнi:
Коркö буса, коркö няйт да сөнiк,
Ичöт сиктысь öти туй и петö.
Шуласны тай, нуö «вöльнöй светö».

Бöрса туйыс колльöдö быд мортöс:
Кодкö мунö, кодкö воö гортö.
Эз на вунöд сийö пöльöс, айöс,
Ыджыд тышö мунысьясöс, найöс.

Сиктлөн кывтыд помас сылөн панас.
Пуысь крест сэн дзоля сиктлы бана.
Туйлөн веркöс синванас кор пöдлiс,
Йöзлысь шогсö Енмыс, дерт жö, тöдлiс.

Танi сэки айловыс эз кольлы.
Гажтöм вöлi чöс туйяслы, ёльлы.
Ылi муын дорйисны ас Мусö —
Пармаыслысь гажсö, Эжва юсö.

Чужанiнас кодъяс бөр эз воны,
Вунöдöмөн, вошöмөн эз лоны,—
Нимныс чужан муын изъяс вылын,
Ловъяссö кöть воштiсны зэв ылын.

Наөн лэптöм керкаыс тан уна,—
Öшинь увныс озыр вына мунас.
Наөн любöпырысь кыём тывъяс
Вöйтлывлöны пыр на Кадам сывъяс.

Сэкса сьыланкывъяссьыс ми кылам
Налысь лов шы,— өтлаын и сьылам.
Усисны... а налысь оланрусö
Сьөлөмъясысь кольөм кад эз кусöд.

* * *

Ыджыд тышысь воисны сё нельöн.
Талун налы гортыс — шойна нöрыс.
Чужан сиктын öти морт и колис,
Коді став Европасö сэк «гöрис».

Муöдз копыр сылы ставныс пыдди,
Коді усис, коді колис ловъя.
Некод асьсö геройöн эз лыддöй,
Зарниöн көть гижöмаöсь овъяс.

Налöн öд ми быдтасъяс да внукъяс,
Пыр ми налысь лов шынысö кылам.
Казьтылöмыс сьөлöманым чукъя,
Сійö кадся сьыланкывъяс сьылам.

Ыджыд тышысь воисны сё нельöн,
Мöд сы мында колисны йöз муö.
Ыджыд юөн, а оз ичöt ёльöн,
Нималöмыс налöн нэмъяс туö.

* * *

Ме öд тожö найö рöдысь,
Налöн кодь жö менам ов.
Вильсö кылысь, важсö тöдысь —
Эжва йывса Уляшов.

Сё дас кыкöн бөр эз воны.
Став Европа налы — ас.
Ыджыд тышыс — олан доныс,
Чужанінас — изйысь пас.

Важнас, выльнас Бадьель олö,
Тöдö нэмнас бурдтöм дой.
Тшöтш и сё дас кыклöн лолөн
Садьмö лун да пуксьö вой.
Эжва йылын тайö грездыс.
Сё дас кыклы пасыс сэн...
Чужан мусö коді мездіс,—
Тöдам ми и тöдö Ен.

Найöс казьтылөм оз чусмы...
Сё дас кыклөн оланру
Чужанінас эз на куслы,—
Кылö сійöс вөр-ва, му.

* * *

Нэмыс виччысис сійӧс,
Сійӧс ӧтнассӧ пыр.
Быдтіс нылӧс да пиӧс.
Бурас эскӧм эз быр.

Эскис — воас на верӧс,
Муса, матіса морт.
Ловзяс Эжва ю нӧрыс,
Кӧні ныв-пи да горт.

Воас сэтчӧ, кӧн муслун
Видзӧ медмича ань.
Эскис — олӧм оз куслы,—
Лоас кыпыд да шань.

Гортлань туйыс эз вичмы.
Вӧлі медбӧръя кось...
Тӧдіс — ас Мутӧ видзны
Полан руӧн оз позь.

Ок, и томӧн тай бырис...
Гӧтыр — важӧн нин дзор.
Важ моз виччысьӧ, пырас
Гортас верӧсыс кор.

Мӧвпнас сыкӧд и олӧ,
Аддзӧ нэмыслысь пом...
Вӧтнас Ванюкыс волӧ,—
Пыр на важкодъыс том.

❖ ❖ ❖

Николай МАЛЬЦЕВ



Пöтей керкаöдз

ПОВЕСЬТ

Любовь к природе, впрочем, как и всякая человеческая любовь, закладывается у нас с детства.

И.Соколов-Микитов.

1

Кодакості и лэччöдöма Симён дед пыжсö Пöин ю дорö — вöйдөрлун на Сыктыв ю берегö кымыньтöма вöлі-а. Пöинöдзыс öд куим верст. Дерт, вöлөн войнас лэччöдіс. Сёрни вöлі нин айкаа-моня костын:

— Матрөн, тулсол уджъяс кызсö лои топöдöма, а видзяс вылад Тикön лунöдз, тыдалö, петтöм на лоö. Миö Юрейкöд да Анатолейыдкöд шыбитчылам Пöин катыд кыснанъясөн, оз-ö мыйкö крукасышт празыник кежлö,— кайтö Сергей Симён.

Юрик — сійö Агни нылыслөн пи. Толя, кодöс тай дедыс пыр Анатолейön шуліс, Василей пиыслөн дай. Сідзкö, внукъясыс — воча вокъяс. Агни дöваалö. Матрөн, тыдалö, дöваөн жö вермас лоны: Василейсянныс фронт вылысь мöйму арсянь нин письмö эз воы.

Толя да Юрик кöть и воча вокъяс, дзик абү öткодöсь. Юрик ичöтджык Толяысь вит арöсөн. Толя велöдчис нин коймöд классын, да и сідз на гортас тшöкыда пуксывлö лыддысьнытö, кöть и каникул, а мöдыслы дела абү... Юрик — öтка пи, олö, кызд шуласны, деда-ыджыд мама шоныд питшöгын. А Толялы сюрлö и мöс видзöм, и видз вылын турун юр кыскалöм, арнас — гумла дорын, картофель му вылын удж, тöвнас — пескөн ноксьöм. И, дерт, школа. Но велалöма да, ньöти оз норась. Быть öд бергав: öтка мамыд семьятö чередитны оз вермы: Толяысь

кындзи кык ичөтджык соч* на эм, сэсся мамыслөн висысь соч дай ыджыд мамыс — быттьо вермытөм, ичөтик бригада.

Кор Толя тōдмаліс, мый дедыс Пōинō нуōдчō, нимкодъысла инас эз кут ошйыны. Помнитō, войнаōдзыс батыскōд да мōд воча вок Ёгоркōд кайлісны жō Пōинō, сōмын пыжтōг, Чермōска яг пыр. Батыс берегсянь кыснасис, а Толя да Ёгор вуграсисны. Ёгор гортсянныс воліс кушōн: ни вуграсян кōлуй, ни туис сьōр-сыыс абу и босътōма, и кыйдōссō кыкнан детинкаыс тэчисны Толяслөн туисō. Медым тōдны, кодлы мыйта шедіс чериыс, Ёгор аслас кельчияслысь бōж пōвсō чеплявліс. Но, вōлōмкō, гусьōникōн чеплялō и Толялысь. Кор казяліс Ёгорлысь пакōстит-чōмсō, грōзитіс:

— Тадз кō кутан, ог лэдз туисō черитō тэчны. Зептад сюяв либō бадъ ньōрйō пысавлы.

— А кызди нō эськō пасъяла ассьым черисō?

— Важ мозыс,— сетчис Толя.— Сōмын эн гусьōн пурьыс пон моз. Тэ вед абу шпиен.

Ёгор тōдō вōлі, мый Василей вежайыс стрōг. Оз, дерт, нōйт, но вермас вōтлыны локтан туйōд гортланьыс. Мун пō, шуас, кыйсигад кō ёрттō пыдди он пукты.

— Толя, сōмын батыдлы эн висьтал, а то сійō менō зульōдас. Ме вед эг наросьнō кельчи бōжсō орōд. Видлі, да ачыс чегис,— правдайтчис Ёгор.

Но Толя эз эскы — сōран пō. Но эз жō и кōсйы удтысьны: татшōмторсьыд батысянныс эськō аслыс кыв-мōд сюраліс. Неōт-чыдысь нин сійō шуліс:

— Меōн эн вынал. Ачылō омой мужикōн он кōсйы лоны?

...Толялōн войбыд прамōя эз узъсы. Радліс сэтшōма. Мукōдыс одōткōн ветлісны-мунісны: этшаджык тōжд да нок сямтōм челядыдкōд. Да и мыйкō кō шедыштас — ставыс аслад. Но, тыдалō, Симен дедыслөн ыджыдджык мог: тōдмōдны внукъяссō Пōинсай вōр-ванас, кыйсьōмлөн сьōкыл, но нимкодъ аслыспōлōс-луннас. Гашкō, быдмасны да, налōн туйясныс и сэтī имитасны, а оз кō, и мед оз, но юраныс кольō ас вōр-валōн ловшыыс.

2

Гожся войыд югыд. Сарай вонйын куйлыны — майбыр: лōнь, абу номйōсь. Оз узъсы да, Толя некымынысь нин чеччыліс. Лōсьōдліс вуграсян кōлуй. Ас сунис помō якōр гōрōдōн кōрталіс вугыръяс, лямōдōм дрōбйысь вōйтышъяс йитліс. Сунисас пысавліс сямōдысь ичōтик табъяс, кызди коркō велōдліс батыс Чермōска саяс кайлытōдз. Сы моз жō и сатшкис да гартліс суниса ем кепка пытшкас: медым пō гартласыс вōлі топыд, но емсō кыскыны позис кокниа, сунис разявтōг. Сэтчō жō, кепка кōзырōк весътас, быттьō зептō, пысаліс дас кымын вугыр. Водіс бōр, чайтіс унмовсьны, но бара на думайтсьō: мыйкō тай нō ещō на колō вōлі? А! Главнōйыс — кыснан, да ведōтикылōттик и эм. Пōин ю чукульōсь, косъкъяса, кытчōкō крукасысōти кыснаныд — видлы корсьны да шедōдны. Либō кō ыджыд сир

* Соч (диал.) — чой.

кутчыяс да көвсө орөдас... Ичөтджык тшукатө ас сиктын шуоны чүльөөн, сы помысь прамой кыснан көвтө орөдсьома...

Толя ещө на вөйтчыліс кутшөмсюрө думъясө, но унмыслөн джумъя гу веніс садьлунсө. Дыр-ө кежлө? Садьмис мыйкөдыра мысти рака кравөстөмысь: «Пор-ра, пор-рраа!» «Ещө вед и ро-часьө»,— думыштіс детинка, но эз скөрмы: асылыс гожөмнад абу нюжмасьөм ылө.

Регыд и, кылө, дедыс локтіс. Кылісны сёрни шыяс.

— Лун кык-ө-куимыд, тыдалө, коляс. Пөтей керкаөдз окота кайлыны да,— висьталө кодлыкө дедыс.

— Ме тай мыйсюрө тэчышті пайваа кузолас сёйны ылө,— кылө, шуис Толялөн мамыс.

— Дерт, курчыштанторйыд неунатө колмас. Первой кадсө. Сэсся вед и вөр-ваислысь мыйтакө корыштам дай. Пань да кружка мед вөлі жө-а. Пурт на и. Тшайник да шыд пуан пөрт ассьым босьтла.

— Юриктө нө думайтан жө катөдлыны?

— Мед и сійө велөдчас, кыдзи колө асьсө кутны вөр-ваас. Толятө тай Василей унаысь нин ноллөддывліс ичөтсьяныс. Ста-выс пөльзавыл.

— Ен мед видзас ставнытө!

3

Толяяслысь Соболев нима лайкасө колян төлын көинъяс чаш-йисны — фронтланьысь пө найө пышйөмны, котырьясөн лөнь Коми мулань сетчөмны. Эськө кутшөма өні радлісны-чиктылісны детинка да радейтана понйыс Пөинлань шлапиктігөныс, кыдзи вөлі коркө Чермөска сайө ветліг!

Юрик то водзлань ылокодь котөртлас, то ылавлас оз тусь дорө, но кольчыны оз лысьт. Гашкө, польштө: быд пу сайын өд вермас куткырвидзны ош, уськөдчыны көин. А гашкө, и дедыс дөзмас да вермас бөр косөдны гортас ыжъясысь йөр видзны либө видз ылысь локтысь мөссө вочаавны да картаө йөртны. Гажтөмтор!

А Толя восьлаліс дедыс өдөн. Төдіс нин, мый өтарө-мөдарө чепсасьөмнад регыдджык мудзан. Мунігчөжыс сюрис кутшөмкө сёрни деда-внукалөн. Кадыс тай эм: мунны өд колө Пөин юывса мельнича дорөдз, сэн пө дедыслөн пыж-пелысыс.

— Дөдө, мельничасө коді медводз стрөйтлөма? Кутшөм сикть-яссянь воывлөны изнысө? Ылысь-ө вайлөмны изкияссө? Кыдзи сизьдөны изкилысь бансө? Мыйла сэні сер-визьясыс абу весь-кыдөсь, а чукалясь? Мыйла вөчөны ыджыд көш дай ичөт көш? А Пельтөм Ольоқыс важөн нин мельникалө?

Коркө Толя мамыслысь унатор жө юасьліс, кор волісны мель-ничаас изны, но мамыс эз быдтор куж висьтавны, а дедыс, вө-лөмакө, унджык төдө. И нимкодясис сійө, аддзис өд: детинкаыс көсьө унатор төдны, сідзкө, морт лоас. Став юалөмъяс ылас кыз сяммис вочавидзис, но и гөгөрвоис, мый воас кад, кор внукыс дедыс серти унджык кутас кужны. Олөмад тадзи быд көлена кад серти вежсьө. Век жө өтитор коляс подулөн и оз торксы быд морт сьолөмын: ас Ывлаысь нэм чөжыд гажтөмтчөм.

Со тай дедос асьсё мыйкё кыскё Пöинсай вөр-ваас. Тадзи жö коркё Симёнлөн на батыс дай пöльыс нуöдлісны сійöс Пöин йылöдз. Весиг вөр керка Гожью вом дорö стрöитлісны. Дзонь-тавлісны сійöс Симён да Василей пиыс колхозасьтöдз на...

Ковмис керкасö эновтны: öти-кö, ылын, мöд-кö, колхоз удж вывсьыд юасьтöг, вöляясь да ас окотасьыд он на мун. Эськö сöстөм сынöдыс, жар пывсяныд да кынöмпöt нурийд и гортад эм, но вөр-ваыд скöнь кыскö дай став, быттö сылөн мыйсямакö енного вын эм. И главнö: кутшöмкö прöмыс шедас-я, оз-я. Дерт, гортад кö локтан ноп тыр прöмысөн, юрси ньылыдыд малыштасны жö, а кушөн кö... Но мöд онас бара телепит эновтны горттö. Луньяс, а то и вежонгьяс кешлö. Вөр керкаын олөм — мöд ен свет!

Мельничалөн эськö быдлаті на справнö, весиг Пельтөм Öльöкыс сэні на олö, но изнысö мöд во нин нинөм: колхозьяслысь пöшти став урожайсö нуöны поставка вылö да кольöдöны семенной фондö. Кыскö лыштас кö изан тусь, унаөн изöны гортаныс лöсьöдөм ки изкиөн. Сэтшөм изкияснас изöны не сöмын шобді, ид да рудзöг, но и шабді чуль, шобді сорыс кутшöмсюрö быдмөг йывгьяс.

Пельтөм Öльöк вöлі поткöдлö да тэчö пес, кор мельница дорö котöрөн медводз матыстчис Юрик:

— Öльöк дядь, кодьяскö талун волісны эз нин?

— Тöлыд вед кузь, пиук, пестöгыд кöдзыд дай гажтөм,— вочавидзö Öльöк.

— Мыся, кодьяскö волісны эз, миянлысь пыжнымöс эз вөрöдны?

— Чипассö тыртны быть лоас, сэсся шойчышта,— бара вочавидзö Öльöк.

Толя сералö, дедыс нюмгьялö, а Юрик муртса оз бöрд дöзмöмысла. Чайтö, мельникыд тешитчö сы вылын.

Толя помнитö: война водзвылас на челядь чукөр вуграсьны воліг пыравлісны Пельтөм Öльöк дорö бус тупöсь сёйны. Вöлөм, изöдчөм бöрас мельница стенгьяссьыс дозмөр бордйөн чышкалö-чукöртö пызь буссö, а сэсся пöжалö тупöсьяс. Оз артась, гөститöдö быдөнöс. Челядь зэв азыма сёйлісны дай вердлісны мельница бузган дорсьыс шаклейяссö, кодьясöс тай шулöны бадькормыкөн. Чукөрмöны да шедалöны найö — сöмын лэптавын удит! Öльöк дядь сэк вöлі свет вылас медся прамöй мортөн. Ачыс вöлі шаклейяссö сакөн öтчыдысьөн и гумовтас пумöныд. Но медся шензöданаыс — черисö весавтöг и пуö, а сэсся дзик дзулькьянінсьыс юквасö панялö. Оз кö пö дзулькйы да не кö пöлясьны, сійö пö абу и юква.

Дед мельница стен бокысь кыкис ассьыс пыжсö. Сійö абу ёна ыджыд, öткөн вöдитчыны верман. Пелькиник, кык пукана. Бöжляныс аслыс шуис пуксьыны, а шөрлангьяс пуканас — внукьясылы. Быдсикас кöлуйсö тэчисны пыж нырас.

Пыжсö ваö лэдзтöдз дед пыраліс Öльöккöд мельничапыттса олан жыргьяс да пернапасасис, Микöла Чудотворечлөн öбраз водзын шöпкөмөн лыддис кутшöмкö молитва. Сулыштіс и Öльöк, пернапас чöвтіс да бурсиис:

— Лючки ветлöй. Сюзьөн бөр локтöй.

«Сюзьӧн», вӧралысьяс серти — тыр кыйдӧсӧн. Удачатӧг кӧ, шулісны «кӧчӧн».

Толя да Юрик сулалісны ӧдзӧс дорас. Пӧрысь йӧзлӧн тайӧ петкӧдчӧмас Толялы кыліс гуся кыпыдлун. Чорыда чайтсис, мый ставыс лоас бур. А Юриклы дедыслӧн пернапасасьӧмыс кажитчис лишнӧй манитчӧмӧн: ӧдйӧджык нин колӧ пыжӧ пуксьыны да шывгыны, кызди морякъяс. А мый кӧть и быттӧ пиратъяс? На йылысь Толялӧн весиг книга эм.

4

Пыжӧ пуксявтӧдз дед висьталіс внукъясыслы, кодӧ кытчӧ тӧрӧдчас, кызди разявны кыснанъяссӧ да кызди видавны пань бергалӧмсӧ, кызди лэдзавны да бӧр вотйыны пыж пыдӧсас кӧвъяссӧ, медым эз ноксьыны. Сэссия ӧти кыснан вылын петкӧдліс, кызди тайӧ вӧчсьӧ, весиг лэдзліс Юриклысь «Байкал» кыснансӧ да бӧр лэпталіс, пыж пыдӧсас гырдаза кузяӧн лӧсьыда тэчис кыснан кӧвсӧ.

— Ваас лэдзлін да тай нӧ, дедӧ, тшукаыс эз шед?

Не сӧмын Толялӧн, но и дедыслӧн серам петіс.

— Быд лэдзлӧмӧн кӧ тшука шедіс, эськӧ эг и ылі туйӧ мӧдӧдчӧй,— лӧньӧдіс гажъялӧмсӧ дед.— Но, во имя Отца, пуксялӧй асланыд местаясӧ, лӧсьӧдчӧй. Поводдя лӧнь, оз колмы тэрмасьны, лэдзалӧй кыснантӧ надзӧникӧн. Татӧ Пӧиныс абу коськӧсь дай пыдын, чериыс вель ӧна сулалӧ.

Мӧдӧдчисны. Дед лӧниника сынышталӧ кокныдик пелыснас. Шуйга набой дорас ассъыс кыснан кӧвсӧ кутӧ Толя, веськыдас — Юрик. Дедныс видзӧдӧ да тшӧкталӧ:

— Ӑні кыкнанныд надзӧникӧн лэдзыштӧй. Тырмылас... Ӑні бара неуна лэдзӧй. Юрей, эн тэрмась. Кӧлсӧ эн личкӧй набояс, а киад чабыртӧй, медым верминныд кывны чериыслысь тракйысьӧмсӧ.

— Ме мыйта нин лэдзи, а век на оз тракйы да,— шогсьӧ Юрик.

— Кутан кӧ уна бызгыны, вопше оз тракнит,— ӧлӧдӧ сійӧс Толя.

Дед чӧв олӧ, сӧмын ассъыс сынан делӧсӧ тӧдӧ. Гӧгӧрвоӧ, мый абу сӧмын чери шедӧмын могыс, а колӧ внукъяссӧ велӧдны, сэк жӧ терпенньӧ вылӧ ышӧдны. Чери кыйӧмыд абу кокни удж.

— Тадзи и кутӧй. Кутчысяс кӧ мыйкӧ да кутас тракйысьны, кыскӧй спокойнӧя да личӧдлытӧг, а кыснан кӧлтӧ тэчӧй пыж пыдӧсад, кызди петкӧдлі,— шуалӧ дед.— Ме лэдзала жӧ ассъым, тӧ видзӧдӧй, кызди.

И дедыс ылӧ бӧрӧ шыбитіс веглясяна, ыджыд крука, озысьысь кисьтӧм паня кыснансӧ. Кӧвсӧ босьтис вомас, топӧдіс льӧбъяснас. Сэк жӧ эз надзмӧдлы пыжыслысь ӧдсӧ, сюся вӧдитчис пелысӧн.

А лӧнь... Нимкодъ пукавны да кывтны, быттӧ оз пыжыс мун, а юдорса бадьясыс шуныгӧны воча. Кӧнсюрӧ найӧ копыртчӧмаӧсь ва веркӧслаңяс, зильӧны судзӧдны детинкаяслысь небыдик юрсияснысӧ, медым малыштны, а то и някыртны, кутасны кӧ личӧдны кыснан кӧвсӧ либӧ вутыртасны.

Но кызд нӧ позяс вугравны, кор берегдорса эжӧр бокин, гашкӧ, зор кузья тшука зуйвидзӧ, кыйӧдӧ тшапнитны Юриклысь кыснансӧ?

— Дедӧ, оз на шед тшукайс?— няргӧ Юрик.

— Первой тэныд шаклей шедас, сэсся лягуша, кутан кӧ няргыны,— дӧзмӧ Толя.

Збыль, катисны Пӧин паныдыс, гашкӧ, час мында нин, а чери быттӧ абу и вӧлӧма. Юбердса тӧдса видзьяс кутисны помасьны.

— Татчӧ, Кӧч виддзас, петыштлам. Шойччыштанныд. Лэпта-ламӧй кыснангьяснытӧ,— тшӧктис дедыс.

Кыснан кӧвсӧ Юрик лэпталіс шмакӧ, ковмис дедыслы дыр-кодъ лӧсьӧдлыны, медым дзикӧдз эз гартчы. Юрикӧс дедыс эз вид, но внукуыс мыжсӧ бура гӧгӧрвоис, а Симёнлы тайӧ и вӧлі колӧ. Быд прӧступкаысь зыксьыны оз лӧсяв: вермас кӧдзавны делӧсьыс.

Пыжсьыс берегӧ чеччӧм бӧрын дедыс индіс:

— То тай сулалӧны кузь майӧгъясыс, сэнӧ зорӧд вӧлӧма. Турун колясъяссӧ лужыштӧй, сэнӧ, тӧдӧмысь, нидзулъяс эмӧсь. Корсялыштӧй, вуграсьнытӧ колмасны.

Толя да Юрик сюся сюртчисны колана уджас. Сюмӧд падъя-нӧ тэчисны. Юрик лыддис нидзувъяссӧ кызьӧдз, сэсся кутис сорласьны: кызь ӧти сӧ, кызь куим нелямын... Толя лыддис сӧ дасӧдз, кор дедыс горӧдіс:

— Локтӧй, Анатолей да Юрей, мӧдӧдчылам жӧ водзлань. Талун быть колӧ Педот керкаӧдз воӧдчыны.

Детинкаяслы инасьӧма выль ӧд: кыснанӧ кӧ нинӧм эз шед, вугырад быть шедас — нидзув лоис тырмымӧн. Сӧмын дыр-ӧ на ещӧ ковмас катны Педот керкаӧдзыс?

5

Катисны Пӧин кузя мудзмӧныс. Сюрис прамӧя эбӧсавны дедыслӧн сойяслы. Юрик ӧти кадӧ вугыртліс да кыснансӧ кысьыс мынтӧдіс. Бур, мый кӧв помсӧ вӧлі кӧрталӧма пыж упругас, эськӧ прӧщай ӧти кыснан. Толялӧн ӧтчид кутшӧмкӧ ваувса сибдӧгӧ крукасьліс, ковмис лэптасьлыны. Кызкӧ тай дедыс мездис, и бара мӧдісны катны. Кутисны вочаасьлыны коськъяс, кытисюрӧ кузякодъ кыснасьтӧг лои сынӧма. Толялы жаль дедыс: эта дыранад, дерт, сойясыс мудзисны!

— Дедӧ, вай петалам берегас,— и, медым дедыс эз ӧткажит, содтис:— кудзӧй петӧ...

— Менам дай,— шыясис Юрик. Код тӧдас, збыль-ӧ.

Кыснангьяс лэпталісны, кӧвъяссӧ Юрик бара на шмакаліс, дедыслы нок вӧчис. Сувтисны лыа кӧсаӧ. Дедыс пыжсӧ кыпӧдіс дзикӧдз, медым кымыньтлыны да чӧжсьӧм васӧ рудзӧдны.

— Бурджыка инӧ шойччыштам,— шуис та пӧрйӧ.— То эстысь бадьсӧ керыштам вугыр шать вылӧ морт ӧтикӧн. Лишнӧй эн кералӧй.

— А жаль али мый?— юалӧ Юрик.

— Лишнӧй керасьӧм — пуыслы лишнӧй дой,— шуӧ дедыс.— Дай вед ми эг керасьны да берегсӧ чагдыны локтӧй.

Төлкөн өлөдіс, а ачыс видзөдіс Юриклысь керасьомсө: мед эськө эз доймы чернас вөдитчигөн.

Дедлөн шуом — закон. Кор Толя аддзис, мый Юрик көсйө керавны мөд бадь вож, пыр и өлөдіс воксө:

— Отиыс оз тырмы али мый?

— Эсйөыс вөлөма дженьыд дай чукля.

— Тэныд сэтшөмыс лишнөй!— сэсся миритчана содтіс:— Чукля вугыр шатяс пө чериыс ёнджыка шедө.

«Ёнджыка кө, и ёнджыка. Толя унджыкысь нин вуграсьліс да, гашкө, бурджыка төдө»,— сетчис Юрик.

Кор дедыс аддзис, мый внукьясыс еджыдөдз кульöны бадьсө — вугыр шать веркөссө,— дугөдіс:

— Вылті еджыд, синмад шыбитчана шатсьыд чериыд полө. Дай кульөм кырсьсө чукөртөй өтилаө, со эстчө, а то берег пасьталаыс тіян кырсь да кор. Йөз аддзыласны да думыштасны, кутшөм пө удөрөбйөяс тані пакөститчөмны? Весиг асьныд коньясьны кутанныд, он кө идралөй.

Детинкаяс лөсьөдісны вугыр лесаяснысө шатьяс бердас, вугырьясө пысалісны нидзув. Медводдза чөвтөмас и шедіс Толялы кельчи. Юриклысь табсө эськө тірөдіс жө, но, тыдалө, водзджык лои тракнитөма. А сэсся чери эз и кут виддасьны. Юрик выльысь чөвтис дзык нин Толялөн чөвтас бердө.

— Эн сэтшөм матө, ноксясны лесаясным,— өлөдө Толя.

— Менамладорын чериыс абу да...

Толя нинөм эз шу, вешйис лыа көса бөжлань. Сэтысь, гурананисьыс, гашкө, кызь кельчи лэпталіс, өти ёкыш на и. И Юриклы кутіс шедыштавны, но унджыкыс йөрш. Сйө вед бура кватитө, сюся дзумгө табсө, оз мынлась. Сөмын тай бытшласьө, мездасьнысө ковмыліс Толяөс корлыны. Кыйөмасө тэчисны туйсө, ва пиө.

А дедыс сэккоста ылөдчыліс матысса вөрө — видлыны, эм-ө сэн чөд, артмө оз пув. Чумансө сьөрсьыс босьтліс жө, и эз прөста: сюрөма вит-ө-квайт гоб, да и некымын содз мында чөд на вотыштөма. Кисьмөма нин.

— Нурьясьыштам, зонъясанөй,— шыөдчис внукьяс дорас Симён.— Кынөмъясныд, дерт, сюмалөны нин.

— Самөй шедалө чериыс да,— көсйис водзө на нюжөдны удачаа кыйсьөмсө Юрик. Татшөма чери шедөмыс, мед көть и йөрша, гашкө, оз и мойвилы сэсся...

— Локтөй, локтөй. Педот керкаөдз колө воөдчыны, сэн вутра-сяніныс ладнөй жө. Сөйыштам да бара водзө.

Кынөмъясныс, вөлөмкө, прамөя нин сюмалөмаөсь, кыйсигад он казав-а. Дедыс пайваа кузолысь перьяліс турун сора каколь шлапьяс*, морт өтикөн мезга көкыль**, пуөм каколь да лук. Туисысь ыджыд кружкаө кисьтіс йөв да содтіс сэтчө чөдсө. Азыма ставсө сөйисны, ковмис на и мөдысь тыртлыны кружкасө.

Сөйөм бөрын детинкаяс окотитісны ещө на вуграсьыштны, но дедныс өлөдіс:

— Колмас тэрмасьыштны: то вөртасыс неуна муткырасьө, вермас зэрмыны, оз кө эськө гымөн. Сэк прамөй чериыд оз

* Каколь шлап (диал.) — картофелысь лепёшка.

** Мезга көкыль (диал.) — картофель кышсьыс пöжалөм ёкмыль.

кут шедны, гашкӧ, йӧршыс ли мый ли-а. Пуктӧй шатъяснытӧ пыж набой пӧлӧныс, медым оз мешайтчыны.

Толя думыштіс: «Кызди дедӧ быдторсӧ тӧдӧ?» А кывмӧнъя шуис:

— Збыль вед, кельчи дугдӧс шедны, сӧмын гежӧдика йӧршъяс кватлалӧны.

— Йӧршыд пӧ бӧръя чери. Сӧр рытӧдз сійӧ кутчысӧ, кор-сысӧ, а гымалігӧн и сійӧ садъялӧ. Чериыд поводятӧ морт дорыс бурджыка тӧдӧ,— и Симён тӧждпырыс видзӧдліс рытывывлань да выльыс кайтіс:— Мед эськӧ эз жӧ лёкног гымал. Таті вель кузя лоӧ косьякъястӧмин, да ӧдӧбӧнджык и катам. Тіӧ, Анатолей и Юрий, сідз пукыштӧй.

Дедыс ӧти ӧдӧн лабутнӧя, но вынӧн сынӧс Пӧин катыд. Лӧссыдӧник омлӧгъяс паныдасьлісны, ва турун пӧлӧнъяс. Толя гӧгӧрвоис: тшукаяс, дерт, вӧйтчалӧсны йир пыдӧсьясӧ, кӧнкӧ, тіралӧны гыма зэрыс пӧлӧмнысла. Стӧча кӧ, гымсьыс, а оз зэрсъыс повны: найӧ ӧд сідз ваынӧсь. Да и мый гымалӧмсьыс налы повны? Чардыс ӧд найӧс ва писъыс оз судзӧд ни оз ви. Но вот тай, вӧлӧмкӧ, быд ловъялӧн эм аслас гусятор, кутшӧмкӧ кылӧм.

Толя вӧйтчис аслас думъясӧ, а сӧккості Юрий вугыртӧс да муртса эз усъ ваас. Вокыс удитӧс кватитны сой пӧлӧдыс да пӧрӧдны пыж пыдӧсас.

— Регыд нин, со эсійӧ кӧдж саяс и Педот керкаыс,— лӧнӧдӧс дедныс.— Самалӧй вугыръяснытӧ, медым чеччӧм бӧраныд он манитчӧй. Вугыр шатинъяснытӧ вой кежлас берегӧ сатшкам, лесаясӧ ылӧджык чӧлтам да.

Сьӧд кымӧр личӧдлытӧг кыпӧдчис вӧр весьтӧ, муркӧдліс матыстчыс гымӧн, регыд и кутӧс дзирдавны тэрыба тювъялыс чардъясӧн.

6

Педот керка пывсян дорыс ыджыдджык. Сулалӧ гырыс пожӧма кыр йылын. Симён дед тшӧктӧс новлыны керкаас кузовъяснысӧ да пасьтасян кӧлуй — медым, ковмас кӧ, вольсавны либӧ шебрасьны. Кутшӧмсюрӧ вӧдитчантор — чер, вуграсянкыснасян кӧлуй — колисны кымыньтӧм пыж улӧ. Туисъяс катӧдӧсны керкаас: он ӧд коль ва крысаяслы йирӧм ылӧ — татшӧмторйыс Симён дед кыйсигӧн вӧвлӧс нин.

Дедыс тӧрмӧдліс внукъясӧ ӧдӧджык котӧртны керкаӧ, а то зэрыс мӧдӧс нин тусясьны. Татшӧм ӧдӧй кайыс сьӧд кымӧрыд оз дыр «малась», другӧн ызнитас да яйӧдзыд кӧтӧдас. Сӧмын тай тӧрмасигад век мыйкӧ вунлӧ: колӧ вӧлі внукъяслыс вугыра кӧлуйсӧ самалӧмӧн вӧйтны вой кежлас, гашкӧ, кутшӧмкӧ «войпукыс» чери кутчыяс. Симён босьтіс пыж увсьыс вугыр шатъясӧ, самалӧс да чӧвталӧс шӧрланяс, сатшкаліс шатъясӧ пыдӧлыа вадорас.

Ноксьӧмыс лои дыркодь. Зӧр ыджыд шумӧн ӧдӧлитӧс ставнас ывласӧ. Гырыс пуяс неокотапырыс копрасисны йӧймӧм бушковлы, а томджык да вӧсниджык кыз да льӧм пуясӧ лёк тӧв нюгляліс кызд кужис. Гым-чард помся эргис-трачкис, стращайтіс да песӧс эмсӧ и абусӧ. Бур, мый внукъяс косӧн на удитӧмны пырны керкаас, а Симён дедлы сӧ прамӧя дӧнзис енӧжса «пыв-

сяныс». Матыстчис керка дорас, куимысь тотшнитіс өдзөс кури-
час да вөзйысис кывмөнья: «Лэдз мянөс, керка-матушка, аслад
борд улө да эн лөгась». Дерт, колө вөлі вөзйысьны внукъяс
пыртөдз, но сідз тай лоис.

Дед медводз пөрччис вылыс көлуйсө да өшліс пачвесът сөрийө.
Кузолас эськө босьтліс на и тывкөрт да биа из, быттьө истөгыс
кө көтасяс, но сійө эз ковмы: истөг тубрасыс лаз зептас кос.
Дед босьтчис ломтыны пачсө — көть нин косьтысьом ради.
Керкаын вөлі пемыд, но кималасөн аддзис водзвыв дасьтөм
сюмөд, сартас, пес, гырысь чаг, пеша на и. Биасис сартасас
да пешис көрт вожгаө. Тшын петан юрйив розьсыс перйис
трапйө шмак. Бур, мый дурмөм төлыс пөльтө вөрланыс: эськө
пач ломтөм бөрын ковмис өдзөссө вөсьтны — сэк и номсьыд
он мын.

Внукъяслы ставыс кажитчис повзёга, гуся, но интереснөй
мойдөн. Век жө төдісны: ывласьыс лёк гундыр ли ёма-баба кө
пырасны, дедыс наысь оз повзыы. А кор кутіс ломтысьны горъя
пач, весиг гажа лои. Тшыныс юрйив розьбөдыс петіс ортсьө, а
пешөм сартас тшын вөлі весиг аслысьяма чөскыд дука — ныртө
гильөдө, абу гортын кодь.

Зэр, тыдалө, надзыштіс, но шаргис керка вевтас прамөя на.
Мыйкөдыра мысти, кылө, гым ылыстчис.

Юриклөн кынөмыс сюммөма, рушкуыс гурөдчө, быттьө сійө
жө ылыстчан гымыс. Дедыс, кажитчө, внукыслысь думъяссө
лыддөма:

— Но вот и удитім локны, кытчөдз талун көсйим. Öні сэсся
ужнайтыштам, а то тшыг кынөмнад мисьтөма вөтөдас.

Уна корөм эз и ковмы. Сөйисны-юисны сійөс жө, мый и
өнтай. Позис эськө юкватор пуыштны, но кор нин вөлі черисө
вөчны да пусыны... Эз кө зэр, ывлаыд войбыд югыд, позис не
сөмын пусыны, но, гашкө, и вуграсьыштны на. Но мыйөн уж-
найтсис, став гашкөыс вошис кос турун вылын — сійө и вөлі
вольпасыс.

Керка шоныд, пач ваймөма да изъяссьыс шлонгө-онялө ку-
тшөмкө унзіль кып. Дедыс пырысь-пыр кутіс ныргорөн шкоргы-
ны, внукъясыс ланьтөдчисны жө.

Код төдас, дыр-ө нискисны детинкаяс, Юрик кутіс тойлыны
Толялы бокас:

— Толя, петалам ыллаас.

— Мый сэсь корсян?

— Кудз петө.

— Но и петал ачыл.

— Пола.

Быть тшөтш пет, Толялөн төрөпитө жө вөлөм.

Петісны ывлаас кык вок и аддзөны: зэрыс дзикөдзсө абу на
кобөма, дай весиг енэж мөдар боксянныс кыпөдчө страшнөй
сьөд кымөр. Гөгөр пемдөма өнтайяысь өнджыка. Көтөрөн пырисны
онялан шоныд керкаас да тшук ланьтісны, медем дедсө не
садмөдны. Но сійө ставсө кыліс да чөв оліс. «Медым велаласны.
Терпитасны кө, смеджыкөсь лоасны», — думайтө ас кежас дед.

Выйөн кыпөдчысь кымөр вайис сэтшөм лёк бушков, мый
йиркакылісны керка вевтлөн драмеч пөвъясыс, көть найөс личкө-
ма вөлі вомөна потшгясөн. Кажитчис, быттьө бушколыс камөдө

и керка стенъясас. Швачкан зэрыс тайкё жугёдас ичотик өшинь-ысь стеклө өкөнчасө. Гым-чард быттьö посводзас бисö резö, весиг öдзöс пöвъяс костöд помся югнитлө. Не сöмын внукъясыс, но и Симён дед дзикöдз паляліс. Чуймöмөн виччысисны, оз-ö ставнас керкасö путкыльт бушколыс.

Друг дедыслы дум вылас усис: вунöдіс öд гор весътсыс тшын петан розьсö тупкыны. Кöсйис на матыстчыны сылань, пель чунöдана эргöмөн сэтi пырис шапка ыджа кымын би ёкмыль, кутіс лэбавны керка пытшкас да резны би киньяс. Детинкаяс весьöпöрисны, кутісны чилзыны. Думсыс кöсйöны пышйыны, но артмö сöмын туплясьöм, öтарö-мöдарö танъялөм. И дедыс шöйöвошис, оз тöд, мый вöчны, тіралан киясыс весиг пернапас чöвтны оз кывзысьны. Би ёкмыль дзажгитырийи кежавліс пыран öдзöслань да нем виччысьтöг бөр чепöсйис тшын петан розяс. Ни детинкаяс, ни дедныс эз сяммыны вежöртны, би ёкмыльыс ывлаö петіс али сідз вошис, сöмын здук мысти грымöбтіс пель чунöдана шы. А гашкö, и ывласа гым-чардыс век на гремитö.

Лои дзурс пемыд, гашкö и, сы вöсна, мый таöдз керкаас вöлі син доймымөн ёран югыд биа... Пельяс тупкысьöмабсь, юръяс быттьö бовгысь жыннъяс, ки-кок позялöма. Ставныслөн кыв бырöма. Дыр-ö тадзисö вöлі, некод эз тöд ни вежöрт, а ортсыас енэжыввса зверыд пыр на эргис: нöйтчис керка стенъясö, өшинь-öдзöсö.

Рудовмуніс сьöд пемыдыс, Симёнлөн воссьыштісны синъясыс да надзöникөн воис жö ас сядяс. Шымыртіс дедыс кыкнан внуксö, топöдіс ас бердас да öтлаö и лажмöдчисны джоджö вольсалөм турун вылө. Малышталіс зонъяслысь небыдик юрсияснысö ош лапа гырся кинас, меліа шöпкöдö:

— Эн полöй, спокоитчöй... Нинöм лёкыс эз ло...

Симён кывліс йöз сёрниысь, мый корсюрö татшöм чардыс овывлө. Но Енмыс тай видзис на, эз чишкав. Мед эськö внукъясыс вежöрнас эз дзугсьыны-а.

Куимнанныс куйлісны кыв ни джын, быттьö кывзысисны и полісны, оз-ö биа шмакыс выльысь пыр. Толя сэсса тіралан гöлөсөн корис:

— Дедö, тупйы розьсö...

— Тупъя, тупъя, эн полöй. То гымыс ылыстчö нин,— и кутіс корсьны, кытчö лои тшын петан розьсö трапъян шмакыс. «Пуктылі тай нö джаджъяс, а абу? Эз-ö кыскы сійöс чардби ёкмыльыс?» Көть мый, лои тупкыны аслас кышанөн — тöрытъя зэрсыйс сійö косьмöма нин. Бөр водіс внукъяс дінас, а найö век на сыркъялöны; ёна-ёна топöдчисны дедыс бердö.

Мукöд кадö кö, ставныс эськö вöліны нин збодерöсь и кок йылынöсь. Но öні öтнас Симён петіс керкасыс, кытшовтіс керка гөгöрыс, лэччыліс пыж дорас. Видзöдö да, кыкнан вугыр лесаыслөн табъясыс оз тыдавны. Тадз овлө, кор чери горша нылыштö вугырсö да мынтöдчыны оз вермы, шойччö. Но и мед. Збыль кö мыйкö шедöма, внукъясыслы лоас нимкодь шедöмасö лэптыны. Мед нин асьныс.

Гөгöр эськö лючки вöлі, сöмын тшамъялөн куш сюръясыс

кольомны, кумыс дробаломон лэбзьома ыджыд коз пу бердөдз. Сюрис и тшын петан розьсыс трапйö шмакыд; туплясьö керка стен бердас.

Симён төдіс, мый быд вөр керкаын эм запес; ломтысин — бөр запты и водзö кезлө. Босьтіс черсö да лысваөд келіс вөрлань. Эз и ковмы порөдчыны: вөр дорсьыс войся бушколыд порөдома ыджыд кыз пу. Сісьмыштөм съөвмөса, зэв увйөсь. Кера-сис Симён зія, шыяснас виччысьтөг: медым внукъясыс кыласны чер шысö да гөгөрвоасны, мый асылыс сэтшөм жö, кыз и быд сиктса асыв: чер шыяса, быдсикас клюна-клёна. Оз ков войся полошуйтчылөмнас помся овны.

Кераліс Симён кызсö, чинталіс вель уна чуркаö, поткөдліс, а кызджык увъяссö сапйис чер пу кузта чинтасъяс вылө. Костөдыштіс керка өдзөссö да видзөдліс пытшкас. Внукъясыс чөскыда на узыöны. «Но и мед. Узыöмыд öнi налы кивыв, асья ун — бурдөдысь ун». Ваяліс да тэчис керкабокса лэбулө вөчөм пессö, сэссия Пöин кыр йылө öзтіс бипур, мөтыр помö öшөдіс ва тыра пöрт да кутіс лөсьөдчыны пуны юква. Эз и дзик пыр казьяв внукъясыслысь матыстчөмсö.

— Но, узьсис? — кызд вермис гажаа да ышөдана вочааліс найöс Симён.

— Вай ми дай, мый колö, вөчам, — пöшти öтвылысь вöзйысисны Толя да Юрик.

— Эн нин ті лысвасö келалöй. Медводз мыссьыштöй. Асья мыссьöмыд вед, кызди ми водзті шулывлім, бур вылө молитва.

Вокъяс котөртісны лыа бөжлань, келісны ваас да кутісны шпольөдчыны-мыссьыны. Сулөк* эз ло вайöма гортсьыс, да чышкысьтөм и лои.

А лолавсьö кокниа! Сөстөм сынöдыс ас сөдзнас сідзи и йиджтысьö морөсад, оз и ков лолавны. Став туша тырылды лөсьыд, лов вылад долыд, окота котравны, резйысьны Пöин ванас. Сиктын овлө буса, няйтөсь ывлаыс — тані мөд сикас ывла!

— Нолтö, молодечъяс, — шыөдчö дедыс внукъяс дорас. — Видзөдлөй то эстчö, төрыт ме удиті шатъяснытö сатшкыны лыа берегас. Гашкө, пыдынінсьыс мыйкө кутчысис да, табъясыс тай оз тыдалны-а.

Эз тай ковмы плеть — кыкнан вокыс лэбыштісны шатъяс дораныс. Збыль öд: табъяс оз тыдавын! Толя перйис шатьсö, кыпөдіс — ура! — гартолөн нюгласысь налим. Абу ёна ыджыд, но и мый? И Юрик кутіс лэптыны ассьыс шатьсö — терпиттөмысла тіралöны сойясыс. Не сэтшөм ура! Ёкыш, да мый ыджда! Лемень пань кузта лоас. Радысла Юрик ку пиас оз төр: та ыджда ёкышсö некод да некор эз на вугравлы! Та ыдждасö шуöны пася ёкышөн. Пессö, матыстчыны он лысьт, кутшөм нин вугырысь мездөм. И Юриклөн ёкышыс, и Толялөн налимыс нылыштөмны вугыръяссö сы пыднаö, весиг свинеч вöйтышгъясыс оз тыдавын.

Раднысла кыкнан внукыслөн войся вөвлөмторйыс вуні, весиг быттö нинөм абу и вөлөма. Босьтісны шатъяснысö да черияснас летөдчитгырйи котөртісны кыр йывлань.

— Дөдö, дөдö! То мянны мый ыджда черияс шөдөмны!

* Сулөк (диал.) — ки чышкөд.

— Но-о?

— Збыль, то менам мый ыджа ёкыш,— ошйысьö Юрик.

— А менам — налим,— оз кольччы ошйысьöмнас Толя.—
Ог вермöй перйыны вугырсьö, пыдö нбылыштöмны да.

Дедыс пуртöн вожöдiс черияссьö нёкчимъяс костöдыс, перйис лесаяссьö. Керис-весалис сэсся пытшкöсьяссьö. Кор ёкыш эз нин пессы, а налим эз веглясь, кыкнан чери кыйысьыс кутiсны весътъяснас мерайтны, кодныслөн чериыс ыджыджык. Юрий-лөн дзöля чуньяснас артмис вит весът.

— Оз вед тадзи мерайтлыны,— шуö Толя да петкöдлö ас ногыс.— Куим весът и эм да?

— А тэнад — öти весът налимыд!

— Ноко, чери кыйысьяс,— чукöстiс дедныс,— тюп-тяп нур-йыштчам дай водзö мöдöдчылам.

«Тюп-тяп» бöрас Симён дед тшöктiс вугыр лесаяссьö торйöд-ны шать помысь, асьнысьö шатъяссьö кольны берегö, медым пыжас не пуктыны — мешайтчасны. Шатъпуыд быдлаысь сюрас.

Черисö веж петшöрөн тубралiс да туисö пукталiс. Сэсся матыстчис Педот керка дорö да пасибöасис думнас и шöпкö-дöмөн:

— Но, керкаанöй, пасибö, сибöдiн да видзин миянös, греш-нöйясös, лёкысь да ускöттöйысь. Господьлөн испытаннö дырйи вöлiн миянös дорйысьөн. Гашкö, бөр лэччигөн ог удитöй кежал-лыны, да эн лөгась.

Толя да Юрик аддзисны, кыдзи дедныс сёрнитö керкаыскöд дзик ловъя морткöд моз. Детинкаяс тадзсö зськö эз и сяммыны вöчны, но вежöртiсны, мый керкалы быть колö пасибö шуны. Кöть думнад.

8

Пыжа «мойд» мöдöдчис тöрытъя моз жö: Симён дед вомас топöдöма кыснан көвсö, сёрнитны оз вермы, но öтырышъя водзö сынö; внукъясыс дутдывтöг варовитöны и век жö лючки кутöны кыснан көвъяснысьö быдөн аслас пыж набой бердын.

Асъя шондi дырйи вөр-ваыс ярьюгыд, сöстöм, быттö пывся-нысь сöмын на петöма. Гөгөр кылö лэбачлөн дзользьöм, чипсöм, жбыркнитöм, тотшкöдчöм на и. Неылын кылiс и көк — гашкö, ветымынысь көкыштiс, лыддыныс сорсян. Öти чукуль сайысь жбыр лэбзис утка.

— Войнас нö кутшöм страсът вöлi?— дум пиас йөршитчылöм стракыс бөр «садъмис» Юриклөн вежöрын.

— Тайö пö тадзи чардбиыс йöйталö,— шуис Толя. Тöдтöмтор-тö эз сяммы кузя висътавны. Дедыс, дерт, мыйкö тöдö, но вомас топöдöма кыснан көвсö, да сылысь он юав.

— Война вылад, көнкö, татшöм жö страшнö,— ылöсалö Юрик.

— Таысь на страшнöджык,— стöчмöдö Толя.— Сэн вед сал-датыд абу вөр керкаын, а окоп...

Эз удит помавны шуöмсö, кыдзи сылысь кыснан көвсö туг-тугөн мыйкö кутiс тракйыны.

— Дедö, менсьым тракйö!

Куимнанныс кутiсны матыстны да тэчны көвъяссьö пыж пыдöсö.

Кор Толя матыстис кыснансö пыж набой бердас нин, мыччысьліс да чепöсмуніс дыр көсьянаыс — тшука!

— Эн тэрмась, пиö,— велөдö дедыс.— Эн тракнит ни эн личöд. Мед пессьыштас да мудзас.

Сідзи и лоис. Сэссия дедыс надзöникöн пидзикокасис, копыртчис пыж набой весьтö да сюся кватитіс тшукасö нёкчимъясöдыс топöдöмөн. Кыпöдіс да пуктіс Толялөн кок бердö: мед радлас внукыс, тайö сылы пöлезнö! Медым пессьысь чериыс бөр оз чеччышт ваас, чер тышнас кокныдыка тотшнитіс плешкас, и сійö пагаліс.

Тшука шедöмлы радлісны куимнанныс. Дедлөн радлöмыс — надея: öти чери кө кутчысис, сідзкö, поводдя водзö кежлö чери-асьны сьölöм сетö. Юрик көть и радліс жö, но джынвийö: вежалыштис вокыслы. А Толя йылысь и сёрнитны нинöм: победа!

Водзын вöлі Öсип коськ — зэв изъя дай кузьтанас сажень кызь кымына, кызди висьталіс дедыс. Ваыс коськас лажмыд да, дед сэті эз сын, а йöткасис. Вокъяс нимкодясисны тшуканас, малалісны сера бокъяссö, шензисны:

— Вот тайö да!

— Мый ыджда!

Дед нимкодясис внукъясыслөн бурасьöм вылö, но эз öлөд найöс черинас «ворсöмысь». Аслас на батыс тай öлөдывліс-а: «Эн ворс, вомдзалан, оз кут шедны».

Внукъяс пукалісны мышкөн да водзöысь нинöм эз аддзывны. Дедыс негораа тшöктіс:

— Ноко, видзöдлöй то эстчö, водзлань.

Толя да Юрик бергöдчисны да аддзöны: коськыслөн ылыс помланьöдыс тэрмасьтöг вуджöны кык йöра, öтиыс сюръяса дай ыджыджык. Да мый и öтиыс — кыкнанныс грöмадина кодьöсь. Юриклы кажитчис весиг — пывсян гырсяöсь. Ёнöсь, мичаöсь. Тэрмасьтöг вуджисны Пöинсö. Кыркöтш вылас кайигөн бөръяыс кольччыліс неуна, но öдöбөн бөр суөдіс воддзасö. Толя аддзыліс нин Изъягысь йöрасö, но тайöяс шензьöдісны асланыс вылын юра мича статьяныс. А Юрик тайö шань да гырысь вöрса пемöсьяссö аддзыліс медводдзаысь на. Некоднанныс эз вермыны дутöдчыны дивуйтчöмысь, кытчöдз великанъяс эз саявны пуяс сайö. Быттьö вöлі мойд, и помасис.

9

Öсип коськсянь катыдланнын Пöиныс вель кузя джумъяса. Сöмын на Симёнлөн куим кыснана «карабыс» мөдöдчис юковтны лөнъ ва веркөссö, Юрик горöдіс сідз, мый вөрладорсянь йöлöга шыасис:

— Дедö, менсьым кыснанöс тшука тракйö!— и заводитіс öд-йö шыблавны көвсö пыж пыдöсас.

Тэрмасисны лэптасыны и Толя да дедныс. Толя пыж набой вылас лöсьыда тэчис, а дедыс эновтіс пелыссö да кыснан көвсö вотйис шуйга сой кусыняс. Кор Юрик ышкиг-пошкигтырйи матыстис шедöмторсö, дедыс кватитіс юрöдыс... пася ёкышöс! Юрик радысла эз тöд, мый вöчны — мый көть и абу тшука? Радліс и Толя: таöдз сійö асьсö кыліс неуна мыжакодьөн — сылы кыснанö шедіс, а Юриклы эз. Быттьö воксö öбидитöма вöлі,

удзодма, а öнi лoины öтрöвнöйöсь. Ёкышд чери жö, мый кöть и бытшласьö, сысь юкваыс зэв на и чöскыд.

Öтувъя радлуныс содiс сэк, кор тайö жö йираинсьыс дедыслы шедiс збыль ыджыд тшука — увйисян чер пу кузъта! Толя да Юрик öтмоза думыштiсны: «Та ыжда тшукатö миянлы эськö лэптивтöм лoи. Куш, навернö, юрыс некутшöм чугунö оз тöр». Дедыс некыдз эз петкöдлы ассьыс нимкодълунсö, абу велалöма челядь моз чиктивлыны. Но тöдчö вöли, мый зэв дöвöлен. Песовтiс черисö гöгыльö моз да тöрöдiс ыджыд туисас, петшöрөн вевттыштiс дай вылысас кöдзыд ва на содзнас тэчыштiс.

Водзö пыр тшöкыджыка паныдасьлисны коськъяс, весиг ю вомöныс пöрöм пуяс. Öти зэв кыз пипу вöли выльöн пöрöма, мыр гөгöрас чагдöма. Дедыс висьталiс, тадзи пö вöчö мой, рочөн кö — бобр.

— Пиньяссö лэчталö йирöмнас, тадзнад, видзöдтö, вöчöма пос.

— Миянлы мытшöд,— содтiс Толя. Бобръяс йылысь сийö тöвнас на лыддылис батыслөн шкапын сулалысь книгаысь висът, но öнi збыль аддзылöмторйыс бурджыка колис паметяс.

Коськъяса да лöптöсинад он ёна кыснась. Лун шöр гөгöрыс дед вайöдiс пыжсö неыджыд лыа кöсаа чукульö да тшöктiс внукъясылы чеччыны берегö.

— Керыштöй бадь да ладитöй вугыра кöлуйнытö. Нидзулыд кö оз тырмы, сись кырсьяс улысь пучей корсьлам. А то ветлам эстчö,— кинас öвтыштiс дед,— сэнi, Палалей Михайлölөн керка местаас, нидзулыд вермас лоны. Вуграсьыштöй, а ме сэтöр коръя тшай пузёда.

Эз прöста гарышт Симён дед сэтöр коръяссö. Берег дорас гырысь розъясөн öшöдчöмаöсь сэтöр вожъясыс. Найöс чегъявны да сюявны пуан ва пиö ыджыд вежöр оз ков. Тусьясыс регыд гöрдöдасны, найö öд шогмасны лэбачьяслы дай чери кыйысьяслы, а тшай пузёдны и коръясыс, майбыр, лöсяласны.

Внукъясылы первойсö вугырнад дыр нинöм эз шед. Сэсся кытыскö локтiсны кодзукот мында юаръяс, чунь кузътаöсь и эм, но сюсьöсь да горшöсь. Нидзувтö истöг тув юр гырсяös и самалан, сiдзсö бурджыка шедöны, озджык мынласьны и. Лэпталисны найöс кык вок лыдтöг-тшöттöг.

— Менам ветымын сё нин,— ошйысьö Юрик.

— Сымдаыс оз овлы. Буди, кызь кымын-а,— стöчмöдö Толя.

Друг Юриклөн табйыс öдйö да пыдö дзумгысис. Сийö öдöбөн лэптiс вугыр шатъсö сiдз, мый шедöм чериыс эзысьөн жбыргис вылö-вылö, кытчöкö бадьяслань. Вокъяс эновтiсны вугыр шатъяснысö да чепöсйисны корсьны шедöмторсö. Кыкнад öдйö и адзисны мича еджыд, ыджыд пань кузъта чери: чеччалö, вертикасьö, но абу лы тшöтъя да, Юрик смела и босьтiс киас.

— Мый ыжда шаклейыс!— шензьö Юрик.

— Тайö абу шаклей. Тайö — ком. Татшöмыс миянлы батьöкöд туис тыр шедлис Тылаюысь, кодi тай Пöинас жö и усьö. Дедыд шуö, Пöтей керкаыс пö стöч Тылаю вом дорас.

— А сэтчöдз ылын на?— юалö Юрик.

— Ог тöд. Рытнас пö тай лоам сэнöсь-а.

Дедыс кылöма внукъясылысь сёрнисö да шыасис:

— Регыд нин, ог сёрмӧдчӧй. Таті пыжсянь кыснасянін места сэсса абу. Тылаю вом дорас вуграсыштаннӧд, сэнӧ комыд олӧ.

Кӧрт тшайникын ваис югыдгӧрд, сідзи и вӧзйысьӧ, медем эн куш горштӧ веськӧд, а чӧсмасин. Дедыс тай тӧдӧ, кутшӧм сэтӧр коръяс да уна-ӧ тэчны ва пиас, кор найӧс лӧдны сэтчӧ — пузытӧдзыс али пуигас, дыр-ӧ сулӧдны. Быд пӧрйӧ сылӧн артмӧ югыд, мича да чӧскыд тшай. Эськӧ велӧдчыны дедыслыс!

Перйисны кузолсьыс нуръясянсӧ. Дед рузумтор вылӧ пуктіс весиг морт ӧти сакар торйӧн. Со тай кӧні празьникыс! Помыштисны тӧрытъясыс кольӧм йӧвсӧ. Пожйыштисны кружкаяснысӧ да кысхалісны сэтчӧ сэтӧр кӧра тшай. Сакарсӧ пинь йывъяснас гуджигтырйи чӧсмасисны, пӧлясисны и чурскисны тэрмасьтӧг. Мешайтчисны сӧмын номъяс, но и мый? Натӧг нӧ кыдзи? Вӧрадгӧ...

Сейыштӧм бӧрын дедыс тшӧктіс пыжӧ пуксявны.

Збыль, кыснасьӧм вылӧ ногсаин эз и вочаасьлы. Косыкъяс эз жӧ ёна паныдасьлыны, но пӧрӧм пуяс да берегпӧлӧнса гырысь эжӧр шмакъяс вӧсна сынны ва паныд Симёнлы эз вӧв кокни. Кыклаті ковмис чеччылӧмӧн йӧткавны пыжсӧ. Ӧтилаысь казьялісны бикур места. Абу кӧ асывнас на биасылӧмны: пӧимыс тай кос дай пӧськодъ на.

— Таті, пианӧй, чеччылӧй,— тшӧктіс дедныс.— Анатолей, кузоласть да ыджыдджык туиссӧ босыт. А тэ, Юрей, пельысӧ да ичӧтджык туиссӧ босыт. Таті пыжсӧ кыскам веськыда вӧрӧдыс. А то Пӧинлысь кӧ чуля-мулясӧ кутам каттыны, Пөтей керкад вой шӧрӧдз огӧ войӧ. Юыс зэл ыліті кытшолтӧ, а бӧрсӧ таланыті матын визылтӧ.

Сідзи и вӧлӧма. Воськов кызь кымын и кыскис дедыс таласьӧм турунаинті пыжсӧ, сы бӧрся внукъясыс вӧтчисны. Эз весиг мудзны. Сӧмын тай номъяс быттӧ пӧсь пӧимӧн чужӧмнысӧ койисны, весиг пель розяныс пыралісны. Но кор выльысь пуксисны пыжӧ, нимкодъыслы пом эз вӧв.

— Ӧні нель кӧдж нин и эм,— шуис дедыс.

— Ура!

10

Рытлань нин нӧрны пондіс шондіыс. Дедӧн сойяс кутісны надзыны, гежӧдджыка сынышталӧ, внукъясылӧн ки-кокныс позялісны. Но воисны деда-внука котыр Пөтей керка дорӧ, быттӧ важ тӧдсаинӧ. Абу и шензяна: гортаныс на ӧти сӧрни вӧлі — Пөтей керка да Пөтей керка. Со сійӧ — кыз керъясысь, дранеч вевта, ӧти ӧдзӧса, ӧти ӧшиня. Керка бокас пес лэбув. Неылын тшамъя, но абу тай жугалӧма, тыдалӧ, зэрыс тані абу ёна ыджыдалӧма.

— Керкаанӧй, лэдз миянӧс патераӧ, эн лӧгась, миӧ абу лӧк йӧз,— вӧзйысис Симён да асыввылань чӧвтис пернапас. Тшӧктіс внукъясыслы ректысьны.

— Анатолей, катӧд туисъяссӧ пес лэбулас, вуджӧраинӧ,— тшӧктіс Симён ыджыдджык внукуыслы.— Вой кежлас ваяссӧ бӧрти вежлалам: то эстӧн эм ключ, сэсь кӧдзыд ваис и инасяс. Юрей, корсылы, кӧнкӧ кӧрт зыр эм абу. Колмас эжасӧ кытсюрӧ

лукийштны: сэтысь и нидзулыд сюрас. Ме песта бипур да юк-ва пуа. Бипур дорас и ужнайтыштам.

Детинкаяс быдтор вёчисны котөрөн: телепит вёлі вуграсьны. Висьтавліс тай дедныс, Тылаю вом дорас пö чериыс олö.

Нидзув вёлі зэв нин этша, но сійö сюриштіс Пöин кыркөтш боқысь, сэсса керкабокса плака пом улысь неуна чукөрмыштіс. Дедныс эськö чуйдіс лөдз куталыштны (лэбалöны тай, дасьöсь ныр-вомад сатшны), но кор на бöрся вöтлысян?!

Медводдза чөвтöмсянь табьяс и пондісны тіравны да дзум-гысьны. Чери шедіс и шедіс, но эз ком, а кельчи вылö кельчи. Весиг кыз да мича кельчи!

Кор дедныслөн пузис и юква, и бара на сэтöра тшай, чукса-ліс внукьяссö:

— Анатолей, Юрей! Ужын гөтов. Локтöй, став черисö он вугралöй.

Быть эновтлы кыйсьöмтö. Окота эськö туиссö тыртны, но мед, рытыс кузь на.

Юква вёлі сук: чериыс уна, кум гырысь каколь* на дедыс весавлöма и, лук дай. Туруна шлапыд кылаліс кызмырдөн, а юкваыс, юкваыс! Некор на татшöм чöскыдыс эз вöвлы.

Бипур сільгис, ваймыны нин кутіс, и дедыс таган йылысь тшайниксö лэдзис эжа вылö. И тшай кылаліс детинкаяслы пытшкөсаныс, быгтьö самöварысь: пöся да дөвöля, нöшта нин сакартортö гуджнитöмөн да нюлыштöмөн.

Ужын бöрын пö шойччылöны. Кодьяс көть, но не Толя да Юрий. Кор найö тыртісны ассыныс туиссö, бырны кутіс и нидзулыс. Сэки дедыс да внукьяс ветлісны вөрлань да чукөртісны пучей. Öти сісь мыр дорысь казялісны кодзувкоткар, сэсь жö посныдик еджыд колькьяс гурйисны.

— Уна эн öктöй: наысь вед чужöны виль кодзувкотьяс,— öлөдö дедныс.

— Сідз нин то мыйтаөн да,— падьялö Юрий.

— Кодзувкотыд вöрын шань олысь. Видзöд, кутшöм зіля котралöны-мырсьöны,— чуйдö внукьяссö дедыс.

— Ме тай кывлі, зіль мортыд пö кодзувкот моз уджалö,— содтö Толя.— Сідзкö, ог и вотöй колькьяссö.

— Мыйтакö босьтöй жö видлөг пыдди. Сы вылö посни чери-ыд аминь ёна услясьö. А вуграсьнытö и пучейыс тырмас.

Виль скон вугралан черисö дед тшöктіс тэчны сійö туисас, көні вёлі каколь:

— Какольыс этша нин колис. Пыжад менам кок улö и тöрас.

Внукьяслөн вуграсигкості Симён сьöмйис да кырышталіс-керис мый эм черисö, мыськыштіс, солыштіс неуна пытшкөсьяс-сö да топыда тэчис ыджыд туисö — тырöныс лоис. Туис вевт улас тэчис на и свежöй петшөр корьяс. Палича поскöд катөдіс туиссö тшамгьяö, кум öдзöссö бура калябечаліс**. Му вылö лэччöм бöрын кульыштіс тупляс мында сямöд — бура тай кульсьö та-йö кадас. Гырысь чагйөн ломтыштіс керкапытшса пачсö — тшы-нас вылö. Номьясысь.

Детинкаяс вуграсигкостіыс эськö эз и казявны некодöс, эз

* Каколь (диал.) — картупель.

** Калябеч (диал.) — öдзöс иган, калич.

кө берег йывсянныс кыв кызöктышталом. Дедныс тадз оз кыз, и найö видзöдлісны сылань да аддзисны ротйысьом көлуя тöдтөм мужикöс. Чужомыс чукурöсь, печенча кодь, съод ускыс да тошкыс сорласьомны, а видзöдласыс дзугыль*. Рабзьом кепка увсьыс чурвидзöны лёзь пратьяс.

— Вуграсянный?— кирган гөлөсөн юалис тöдтөм дядьö.

— Да,— шыасис Толя.

Юрик повзьöма да бледöдöма, кывйыс бырöма. Сійö пырысь-пыр и «тöдіс»: шпанаыд татшөм и эм.

— Сöмын ті — кыкөн?— юасьö «шпана». Сёрниыс абу татчöслөн кодь.

— Дедö на эстөн, керка дорас,— юрнас довкнитөмөн петкөдліс Толя.

Лёзь юрсиа «шпана» бергөдчис да шлөнгис керкалань. Вөлöма сійö и лёшмөм нопъя.

Кор Симён вöлі пач водзас копыра, мышладорсьыс кыліс öдзöс восьтөм шы. Чайтіс, мый внукьясыс локтісны, но веськөдчис да аддзис тöдтөм мортöс.

— Мир тэныд, көзяин,— шыасис пырысь.

— Мир и тэд,— воча шуис Симён.

Пырысь морт öттор-мөдтор юасис, мыйсюрö юасьыштіс и Симён. Öта-мөдсö бура гөгөрвоисны, но Симён ылөсаліс, мый локтысьыс кодарыськө Печораланьыс. Норасис мудз да кынөм сюмалөм вылө. Симён вердыштіс сійöс турун шлапнас да чайникас кольөм сэтөр тшайнас, дерт, сакартөг-а. Гөгөрвоис Симён дед, мый верстьö мужикыдлы татшөм вердасыд «чулляд оз пуксьы», кыз шуласны. Жаль лои локтысьыс: бурыйсь, көнкө, оз ветлөдлы ин ни горт ойма вөръяс да нюръяс пыр. Быдөн морт. Но нинөм та кузя юасьны эз кут. Сёрнитчисны пестивны бипур кыр йылас, пöжалыштны каколь печенча да пуыштны тшака шыд: локтысьыд босьтышталöма гобъяс да еджыд уртшакъяс, сійöстö позьö көтөдтөг сёйны.

— Еджыд уртшакъяссö эськө сёйышталі, но вөлөгатөгыд уми. Картупель сорыд кө, ещö на-а,— шуалö локтысь морт. Сёрниыс ньöжмыд, нор.

Толялы да Юриклы вуграсьны пондіс дышөдны, дай самыс бырны кутіс: нидзув и пучей. Кельчияс кытчөкө пышйисны ли мый ли, сöмын йөрш шедны кутіс. Сёрнитчисны кык вок кайны кыр йылас, кывзыны, мый йылысь бипур дорас дедыс да кузь мужикыс сёрнитöны.

— Тайö юыс нö кызди шусьö?— юалö локтысь.

— Пöин,— вочавидзö Симён.— Кодарлань нö сетчан ачыд?

— Ю катыд эськө да. Сэн нö кутшөмкө деревня эм-ö?

— Паньёель. Керка комыныс эм ли абу ли.

— А сэтчөдз ылын?

— Туй татөн некутшөм абу, а берег пölөныс кө, буди, верст комын кымын лоас.

Локтысь морт шогпырысь ланьтөдчис.

Толя да Юрик вуграсьны эз нин ышмыны. Номйөссис рытыс нещаднöя, ковмис пырны керкаас, быдлаті тупкавны да лөсьöдчыны узыны. Дедыс да локтысь мужик, кылö, сёрнитісны на

* Дзугыль — шог, жугыль.

кыр йылас негораа, и детинкаяс гөгөрвоисны сөмын бөръя кывъ-яссö.

— Меным вед öткодъ, войыс тай лун кодъ югыд. Мөдöдчöма да муна нин. Тiянöс ог дзескöд, кор мудза, сэк и шойччышта, кöнi Ен шуас,— сёрнитö локтысь морт.— Аттьö, бур мортöй, торъя нин истöгсьыд да вугыра лесасьыд.

— Ен мед видзас тэнö,— воча сёрнитö Симён.— Верст дас вит сайын эм Буду Петырлөн вөр керка. Сэтөн бара шойччыштан.

11

Тыдалö, кузь мужикыс мунiс аслас туйöд, а дед мыйкöдыра мысти пырис ыджыд мездор тыра турунөн:

— Тайö уль на, да асылнас мунтöдз разöдам. Öнi кос турун вылас узям.

Керка пытшкын номйыс пöшти абу. Мый пыралiс водзтi, ставсö лои шпачйöдлöма да тшынасөн вöтлöма, а выльясыслы пырны — быд розь тупкалöма. Но и то: öткымын «шпиён» сатшкысьлiсны жö детинкаяслы то ныраныс, то плешканыс. Юрик чайтiс, мый дедыслөн тошкыс видзö сйiös номъяссьыс, да думыштiс: часлы, менам вед тошкыд быдмас жö... Татшöм надеяөн и унмовсис. А дедыс шкоргö нин ныргорөн. Мудзöм бöрад тай узян сöстöма да вöтасьтöг. Толя, кöть и водзджык заводитiс нискыны, мыйлакö рушкусö гыжйышталö — унйив-сьыс ли мый ли.

Друг ывлаын кылiс морт гөлöс. Кылiс и зэв гораа сералöм:
— Ха-ха-а-а!

Юрик садъмис да думыштiс: локтысь мужикыс öмöй абу öт-нас вöлöма? Мыйла нö сералö, гашкö, тешитчö, мыйкö миянлысь гусялiс да?

Эз на удит детинка помавны ассъыс мөвпъяссö, бара:

— Ах-ха-ха!

Да вед кузя сералö. Юрик тувкнитiс вокыслы мышкас:

— Толя, кодъяскö ывлаас кылöны.

— Эн сөр. Узь.

Бара серам шы кылiс, гашкö, мöдлапöлас да. Чуймис и Толя.

— А гашкö, миянлысь пыжнымöс вуджöдiсны да тешитчöны? Кутöй пö. Либö тойыштiсны ва горув. Петалам да суöдам, кыт-чöдз эз кылав.

Петiсны, и бара вөр пасьталаас:

— Ха-ха-аха-ха!

Пыжныс ас местаас, гөгөр нинöм абу вөрзёдöмaсь, йöз некөн оз тыдавны. Котöрөн пырисны керкаас:

— Дедö, дедö, ывлаас... вöрас кодъяскö кылöны!

Тайö кадö бара на öдöбөн:

— Ха-ха-ха!

Дедыс пыр и гөгөрвоис:

— Тайö — сюзь. Сöмын сйiö таdzi и кужö сьылысь. Регыд дугдас, югдыны кутас да. Сылы вед пемыдыс и олан гажыс. Водöй да узьöй.

Кутшöм узьöм! Юрик век на полö. Да и Толялы абу долыд,

нөшта кутшөмкө сі ли мый ли кынөмас сутшйөддө. Ниртыштас эськө, но регыдөн бара на лудөмыс кылө.

Кор сюзьлөн серамыс ылыстчис, а сэсся дзикөдз воши, унмыд төдлытөг личкис куимнан узысысьсө.

12

Асывнас медводз чеччөма Симён дед да удитөма весиг чери юква дай сэтөра тшай пузьбдны.

— Чеччөй, молодечяс! Талун колмас лэччыны мельнича дорөдз, войколасыны некөн ог кутөй.

«Гашкө, сюзь бөрад абу и унмовсьлөма да»,— думыштіс дед йывсьыс Толя. Ниртыштіс кынөмсө, кыті вөлі век на бытшкө. «Эз-ө нин чери лы нбылыштсьы?» Но дедыслы нинөм эз висьтав, помнитіс батыслысь кывъяссө, мый колө терпитны ассьыд төждьястө, йөзлы нинөм көвъявны лишнөй төжд, тайө мись-төмтор.

Толялы да Юриклы жаль эськө янсөдчыны Пөтей керкаыскөд, этатшөм гажаинкөд, но он өд татчө эновтчы.

— Коркө дырджык кешлө волам,— шуө Юрик.

— Быть волам дай Тылаюас кайлам,— содтө Толя.— Батьө шуліс, комыд пө Тылаюсьыс арнас, бадь коръяс киссигөн, бура шедлө.

Ва кывтчөс лэччөм абу ва паныд катөм. Детинкаяс весиг кытсюрө Пөиныслысь коськъяссө, чукульяссө да көджьяссө төдісны-казытылісны: вывті нин найө ставныс аслыссикасөсь. Куш видзөдөмөн кө, гашкө, вунласисны, но өд быдлаын мыйкө да мыйкө вылө чуймалөма лои: «Эстөн кыснанъяс лэдзалим да лэпталим, эстысь шедіс ёкыш, то кытысь — дедыслы ыджыд тшука, то эстысь — Толялы тшука, эстысь аддзылім йөраясөс, уткаясөс, эстысь...»,— ставсө казытивны ковмас лун сө.

Педот керка весьтө воисны, да Симён дед сувтөдіс пыжсө берег дорас.

— Тани ме аддзылі өти мича шыльыд кыз пу. Ылөсали сэтысь кык туис кышөд перйыны. Öти сайысь сямөд да пестор дась-тышта. А ті видзөдлөй берег йылсьыс озсө, сәні оллө.

— Дедө, сямөдсө да пессө кө заптан, сідзкө, коркө бара на волам?— надеяөн юалис Толя.

— Волөм лоас-я, оз-я, а запыд пө мустө оз зырт. Помнитан-ныд, кызди лөсяліс миянлы дась кос пескыд?

Сэсся тшөктіс внукъяслы, медем чер шыысь водзө эз ылөдчыны.

Симён дед пөрөдіс төдса нин кызд пусө, увйис да чер пу кузятаөн сапйис-торйөдіс пес вылө. Пу кызладорсө торйөдіс кышөдьяс перйөм вылө, кольөмсө — кражъяс вылө. Вөчис вөс-ныыдик сартас сяма шуль да пу сюрөса-кыша костөдыс шульыш-талөмөн чуктөдіс кызд пу кышөдсө. Но ковмис на шымыртөмөн перйыны, кыскыны пу йывланьыс; дінлань кө чайтан кыскыны, оз на и шед. Перйөм кышөдыс некыт абу розя — туис кө вөчан, ва ни йөв оз письты.

Внукъяс эз и ёна ылөдчыны: мыйтакө шыблалыштісны ваө галя из — кодлөн ылөджык мунас либө кымынысь чеччыштас-«паньыштас».

— Ноко, молодечъяс, локтöй да ноллöй пессö керкаас, кодöс верманныд. Чагсö и,— кесйöдлiс внукъяссö дедныс.

Кыдз пулөн гырысь колясьясысь Симён кульышталiс сямöд — вөр керка пачтö ломтiгөн тайö коланатор.

— Кражъясыс ульöсь, ог вермöй ноллыны. Улт вылö туплялам, мед косьмасны водзö волясьяслы,— шуö зонъяслы дед.

— Миянлы?— юалö Юрик, надейтчö, мый дедыс кöсьыяс водзö на...

— Ог тöд. Миянтöг арнас кыйсьясыс волявлöны,— прöстöя вочавидзö Симён.

Ва горув лэччöм кокныд удж — кöть сыв. Да нöшта и сы вöсна, мый матыстчöны нин мельничалань. Торъя нин сы вöсна, мый мельничадзса омлөгъястi кывтiгөн дедыс да Толя кысна-сьыштiсны на, и шедiс морт öти тшукаөн. И Юрик эз пайтöг коль: сылысь кыснансö мыйлакö ёкышъяс радейтöны — öти шедлiс да бөр мынiс пöшти пыж дорас нин, а Юрик шуис, ар-шыннöй тшука пö вöлис.

Коркö и сибöдiс тыра пыжсö Симён дед мельничабердса öзынö. Ставыс эськö бур, но Толялысь кынöм кучиксö мыйкö дугдывтöг бытшкö, нирт кöть эн. Кыпöдiс дөрöм водзадорсö да аддзö: кучикас пырöма лудiк, сöмын бöрыс нин и тыдыштö. Кытысь нö вöрас лудiкыс, төрöкан тай абу-а?

— Тайö, пиö, вөрлудiк, рочъяс клештшөн шуöны,— висьталö дедыс.— Терпityшт, перъям. Он кö гыж чепöльнад вермы, пурт йылөн гудйыштам.

Эз и ковмы пурт йыв, ачыс перйис — дзоля чуњьяснас. Гыжъясыс тай ёсьöсь. Дерт, эз пырысь-пыр ставнас шед, торпы-ригөн. Коляссö лукйыштiс емөн: бур кöть, мый босьтlс кепка пытшкас.

— Ранасö, Анатолей, кудзнад малтышт, мед оз пежась...



Мари гижысь Юрий Ильич Соловьёв чужис 1962 вося юнь 4 лунё Марий Элса Сернурской районьсы Купсола грездын. Школа помалом бöрын во уджаліс колхозын. Марийской государственной университетлön история да филология факультетын велöдчöм бöрын уджаліс пионергъяслы петысь «Ямдeлий» газетын. Зіліс небöг лэдзанинын. Сэсся корисны уджавны том йöзлы вылö сöмын на восьтöм «Кугарня» газетö кывкутысь секретарöн. Бöрынджык лоис шöр редакторöн. Олöмыс шыбитліс и ылысса Чукоткаö, көні вöлі «Ылі Войвыв—Певек» издательствоса директор-шöр редакторöн. Гортас бергöдчöм бöрын пырис уджавны «Марий Эл» газетö. Öні «Марий журналса» директор.



Гижны кутчысис школаын велöдчигас на. Медводдза небöгыс, «Шуда лэбач котыр», петліс 1994 воын. Öнiöдз лэдзис öкмыс небöг. Гижö и пьесаяс. Юрий Соловьёв — С.Г.Чавайн нима Государственной премия лауреат, Марий Эл республикаса культураын заслуженной уджалысь. 2006 восянь Россияса гижысь котырын.

Юрий СОЛОВЬЁВ

Йöлöга

ВИСЬТ

Öд збыльысь, öти мös оз тырмы.

Пастук, кызь куим арöса зон, сюсь видзöдласöн бара кытшовтіс стадасö. «Öти, кык, куим...»— лыддьö сійö. Мелі төвруыс малалö сылысь руд юрсисö. Чорыд кабырыс зонлön топыда кутö пельпом вомöныс шыбитöм орс вороп. Петыр пастукаліс нин квайтöд во. Первойсö Прой пöлкöд, коді оліс на дорын жö, сöмын туй мöдарас керкаыс вöлі. Сэсся пöль висьмис, да регыд мысти став грездыс кольöдіс сійös бöръя туйö. Пастукавны көйысьыс сэсся эз сюр. А дас сизим арöса Петыр и водзö кутіс быд асыв вöтлыны мös чукöрсö пöскöтина вылö. Зонмыс абу лёк руа, уджсö бура вöчö.

«Сідзкö, медым и видзас,— шуисны сэк грездасаяс,— зонмыс шогмана, оз ю, оз куритчы. Сылы позяс эскынысö. Мед öтнас и пастукалö. Ковмас кө öд, отсыштам дай».

Петыр эз сёрнит. Та вöсна ставöн и шуисны, мый уджыс сылы кодь. Тадзи зон босьтчис мösъясös видзны дзик öтнасöн.

«Öти, кык, куим...»— лыддьö Петыр мös юръяссö да некызди оз вермы гөгөрвоны, мыйла нö артмö öти мöскön этшаджык. Нöшта öтчыдысь ставсö лыддис, бара эз тырмы. Став мөссö видзöдласнас кытшовтіс да гөгөрвоис, мый Апчаиха пöчлön мös-кыс оз тыдав!...

Шуйгавыв видзодліс, веськыдвылө гоньёвтіс. Збыльысь өд, Апчаиха пöчлөн мöскыс некытөн оз тыдав. «Некор на татшöмыс эз вöвлы»,— топавліс сылөн сьölöмыс. Апчаиха пöчлөн мöскыс зэв асныра. Чукöрысь унаысь янсавлас либö кодлыкö град йöрас пыралас. Петыр эськö сяммö сійöс öлөднысö да. Тулыснас, кор пемöсьясöс кутісны петкөдны пöскöтина вылө, гоз-мöдысь видліс ассьыс русö петкөддыны, но Петыр öдйö велөдіс. Эз кут сэсся мöскыс сэтшöма чепсасыны. А талун!?

Аслыс эз на эскы, да Петыр нöшта öтчыдысь кытшовтіс мöс чукöрсö. Абу! Апчаиха пöчлөн мöскыс некытөн абу. Зон шлячни-тіс муас плетьнас да нуөдіс мöсьяссö грездлань. Пемöсьяс быттьö тайöс и виччысьöмаось, зэв öтувйөн веськөдчисны керкаяс-лань. Кöзаяс да ыжъяс, кодъяс тані жö йирсисны, восьлалісны водзвылас. Медбöрын кыссисны кузь лунтыр шонді водзын олысь мудзöм куканьяс. Сідз эськö и довгисны пемöсьяс грезд-лань, но найöс талун мыйлакö видзысьыс тэрмөдліс. Ёнджыка шлячөдіс плетьнас да тэрыбджыка тшöктіс восьлавны.

Петыр вайөдіс стадасö грезд помөдз да веськөдчис раслань, коді керка бокъяссянь кыссис пемыд вөрөдз. Ветлөдліс бадь да понöль костөд да корсис саймовтчöм мөссö. Эз өд и аддзы. Зон сэтшöма повзис, мый сьölöмыс чеччөмөн чеччыны кутіс. Тіпкө-мыс кыліс сэтшöм гораа, мый весиг матігөгöрсä лэбачьяс вер-мисны кывны. Петыр топыда чабыртіс орс воропсö.

«Збыльысь мöй вöрас пырис?»— мөвпыштіс зон да веськөд-чис сылань. Шонді лэччытөдз вöлі ылын на, но тані зэв нин рöмыд. Тані и лун шöрнас вöлі век пемыд. Сы вöсна, мый вöрыс ылі-сянь нин кажитчис шуштöмөн, сійöс шуисны Сьöd вөрөн. Ме-дым челядь эз пырны татчö, гырысьяс висьтавлісны, мый сэні олö быдсяма лёкыс. Ичөтдырйиыс кывлөм висьталөмъясыс век кежлö йитісны тайö вöрсö сьöd рöмыскöд. Петыр быдмөм бöрас татчö унаысь воліс да öні недырөн и кытшовтіс пемыд вöрсö. Но и татысь мөссö эз аддзы. «Мый нö меным и вöчнысö? Эз жö өд кö сійö вермы юсö вуджны да мөд вөрö веськавны». Петыр видзөдліс гөгөрбок. Тані мөссö сэсся корсьны некытысь. Сійö чөвтліс синсö Копкаев овраг вылө. «Гашкö, сэтчö пышйис да?»— мөвпыштіс зон, да кокъясыс быттьö асьныс нуисны сылань. Овраг весьтын чöv. Сöмын пипу коръяслөн вашкөдчöмыс неуна торкис шытөг олөмсö.

Копкаев оврагыс вöлі вöрсянь неылын. Сы дорö воөдчыны колö сук пуяса рас пыр. Ачыс оврагыс километр кык кузя ню-жалöма. Помыс тшукö юö. Гураныс эськö векни, но вель джу-джыд. Сы бöрын мыччысьö вөр. Сэтчö мöскыслы локны некыдзи. Джуджыд гурансьыс мортлы весиг кайны сьöкыд. Петыр восьла-ліс увтасінті.

— А-а-аых!— мый вынсьыс лолыштіс сійö.

«...ы-ых!»— гурансянныс Петырлы вочавидзис йölöга. Пыдöс-сянныс кыпөдчысь кöдзыд да васöд сынöдыс йирмөгөн муніс Петырлөн вир-яйөд.

— А-ф-ых!— бара лолыштіс зон.

«...ых, ...ых»,— бара вочавидзис гуран пыдöсыс.

«Кытысь нö ме кывлі татшöм нога шысö?»— Петыр весиг повзис. Юрсиыс быттьö вөрзис да сувтіс. Зэв нин тöдса шыыс, быттьö сöмын на тöрыт тайöс кывліс. Полöмыс шыбитіс морттö

челядь кадӧдзис. Шай-паймунӧмысла весиг синсӧ кунис. Чард-биӧн моз мыччысис сійӧ серпасыс. Дерт, ставсӧ сійӧ тӧд вылас уськӧдны оз вермы. Но пытшкӧснас кыліс, мый ставыс лоис буретш тани...

* * *

Сійӧ гожӧмнас грездса олысьяслӧн град йӧръясӧ овмӧдчисны водзті некор тӧдлытӧм гагъяс. Кытысь да кыз воисны найӧ татчӧ, Челядь эз тӧдны. Тыдалӧ, мый найӧ ӧна тшыкӧдӧны пук-тасъяссӧ. Став керкаясас сӧмын тайӧ гагъяс йывсьыс и сёрнитісны да. Висьтавлісны, мый гагъяссӧ колӧ чукӧртны да сотны. Сӧмын тадзи пӧ и верман наысь мынтӧдчыны.

Ӧти асылӧ мамыс ыстіс картофель му вылӧ Волойӧс да вит арӧса Петырӧс.

— Мунӧй да чукӧртӧй колорадса жукъяссӧ,— шуис сійӧ да быдӧнлы сетіс стеклӧ банка.

Сэсса содтіс, мый на тыр кӧ ваясны гагъяссӧ, зэв чӧскыд шыд наысь пуас. Тайӧ мисьтӧм, уялысь гагъяссӧ весиг синнад видзӧдны он вермы, кысь нин киӧ босьтӧм йылысь сёрнитны. Челядь сувтӧдісны банкаяссӧ картофель кор бокӧ да вачкалісны заясас, мед гагйыс гылалас дозъяс.

Вель дыр тадзи найӧ ноксисны. Сэсса водісны шойччыштны орчӧн сулалысь пелысьлӧн паськыд вожъяс улӧ. Зэв ӧд ӧна мудзисны, быттьӧ кузь лунтыр нин зэв сьӧкыд удж бертісны.

Буретш тайӧ каднас кыздза раскын мыччысис суседъясылӧн Лёшка нима детинкаыс, коді велӧдчис Волойкӧд ӧти классын. Сійӧ локтіс на дорӧ да кыв шутӧг водіс орчӧн. Ичӧтик Петыр нинӧм сэтшӧмсӧ эз казав. Сэсса кывзысьыштіс да гӧгӧрвоис, мый сыысь ыджыджык детинкаясыс мый йылысь кӧ гусьӧн вашкӧдчӧны. Сійӧ гӧгӧрвоис, мый найӧ мыйкӧ мӧвпыштӧмаӧсь, но сійӧс аскӧдныс босьтны оз кӧсйыны.

Найӧ и водзті тадзи вӧчлісны. Ылӧдласны сійӧс, пышгьясны чери кыйны либӧ тшак вотны. Корсь сэсса найӧс. А ӧткӧннад — гажтӧм. Сійӧ кӧсйис найӧс ылӧдлыны да сувтіс, муніс кыздз раслань. Сэсса гусьӧн косіс да дзебсис кыз пу сайӧ. Сытӧг гырысьджык зонпосни кутісны сёрнитны гораджыка.

— Тӧдін кӧ эськӧ, мыйтта найӧ сәні!— кыліс Петыр Лёшкалысь гӧлӧссӧ.

— Кольӧм во со эз вӧвны.

— Тайӧ ӧд кольӧм во!— ӧвтчӧ кинас Лёшка.— Тӧрыт Копкаев оврагас Миклай ӧртгьясыскӧд ветлӧма. Майка тырыс вайӧмаӧсь.

— Вай и ми ветлам,— дась лои мунны Волой.— Сӧмын вокысь колӧ кызкӧ мынтӧдчыны. Вермас сибаवны да некызди он мын. Дышӧдмӧн лоас...

— Ми ӧд гусьӧникӧн...— видзӧдліс гӧгӧрбок Лёшка.

Петыр бӧр локтіс на дорӧ, быттьӧ нинӧм эз и кывлы, чӧла водіс орчӧн.

— Петыр!— чуньсӧ кусньӧдлӧмӧн корис матыстчывны Волой.— Вай ветлы гортӧ да ва вай.

— Бур,— эз пыксы Петыр, бергӧдчис да котӧртіс кыздза раслань. Сәні бара саймовтчис пу сайӧ да босьтчис кыйӧдчыны.

Волой да Лёшка чеччисны да кузь турун пӧвстӧд уськӧдчис-

ны пышйыны. Петыр гачсö кыпöдыштис да мый вынсьыс котöртис на бöрся. Сылы тшöтш жö телепит вöлі виддыны шома, кисьмытöм на яблөгсö. Тайö ёна бурджык мисьтöм гагтö öктöм дорысь.

Сэсса челядь ризöдісны Съод вөрлань. Сöмын бус кайö бöрсяньыс. Котöртöны восьсаинті, да Петыр полö казялöмысь. Аддзасны да чиршöдласны, сэсса грездас вöтласны. Та вöсна сійö котöртис дзебсясьмөн, мед кадысь водз оз аддзыны. Съод вөр дорöдз километр гөгөр. Сысянь Копкаев оврагöдз нöшта куим лоö. Висьталöны, мый сэнi коркö овлöма мариеч Копкай аслас котыркöд. Но тасянь йöз оланінöдзыс лоöма ылын да ковмöма на дорö овмöснас вуджны. Садйыс со кольöма. Дерт, пуяс бöрся видзöдтöгыд кутісны быдмыны ичöтик да шома яблөгъяс. Вот арöдзыс кö олісны, то юмовджыкөн лоины, но кодi нö найöс арöдзыс видзас. Грездса челядь зэв öдйö нетшкисны найöс гожöм шöрнас нин. Со Лёшка да Волой та могысь жö сэтчö веськöдчöмаöсь.

Сöмын на найö саймовтчисны Съод вөрö, Петыр öддзöдіс котöртöмсö. Коклябöрыс сöмын дзирдыштлö. Воис Съод вөрöдз. Полö кöть, но водзö мунö. Видзöдö гөгөр, Лёшка да Волой быттö му пырыс мунöмаöсь.

— Хи-хи,— повзьöм чужöма Петырöс аддзöм бöрын килькситіс Лёшка.

— Эн сэтшöм гораа. Кылас мянöс,— öлöдіс ёртсö Волой,— öнi сэсса бөр грездланьыс бергöдчас.

Найö, вөлöмкö, вөр дорас матыстчигөн нин казялöмаöсь вöтчысь детинкаöс да öнi дзебсисны бадь костö. Виччысисны, кор Петыр бөр косас гортланьыс. Ичöтик детинка дась нин вöлі бөрöдзыны. Сулалö да оз тöд, кодарлань сетчыны. Бөрйысьны öнi нинöмла нин, ковмас бөр грездланьыс мунны. Тадзи и вöчис.

Некымынысь воськовтöм бöрын сійö бергöдчыліс да казяліс, кызди пуяс костöд тыдовтчылісны гырысьджык зонкаяслөн мышкуясыс. Öнi найö котöртисны Копкаев овраглань. Петыр бергöдчис да ризöдіс на бöрся. Дыр котöртис. Чайтсис, мый суöдас нин найöс, но регыд мысти челядьыс вошины, быттö му улас пырисны.

— Сувтöй! Виччысьлöй!— мый вынсьыс горöдіс Петыр. Синваыс тюрöбөн киссис чужöм кузялаыс да сорласис ньылöмыскöд да бусыскöд. Горшыс гөрöдзасис забеднöйысла. Но водзö котөртöмысь эз öвсьы.

Со нин Копкаев оврагыс матыстчис. «Гуж-жж, гуж-ж», кылö, скöрысь ропкöдчисны пуясыс. Чайтсис, мый джуджыд гуран пыдöссьыс кыпöдчö скөр төв ныр. Сійö вöтлö ставнысö, некодöс оз лэдз пырны гу пыдöсас. «Кöнi танi яблонясыс?»— öтарöмöдарö котралігмоз мөвпалö Петыр. Кöть нин мед көнкö югыдін тыдовтчас, кöть нин кутшöмкö надея мыччысяс. Но нинöм оз тыдав. «Öд вокö Лёшкаыскöд татчö локтісны. Кытчö нö найö вошины?»— Петыр зэв ёна повзис. Танi сійö некор на эз вöвлы. Сöмын нимсö гырысьсясянь кывліс. Мый и вöчнысö? Колö öд зонпоснисö корсьны. Полігтыр сійö пырис вöрас. Казяліс муртса тöдчана ордымтор, кодi лэччö овраг пытшкас. Туруныс сэнi неуна тапкöдчыштчöма. «Туй»— мөвпыштис Петыр да повтөг нин мөдöдчис сы кузя. Пöсялöм вир-яйнас кутіс кывны, кызди гу пийсы петысь кöдзыд сынöдыс ыркöдö сійöс.

— Вокö-ö!— горöдіс Петыр. Ачыс видзöдалö тöдтöм пуяссö. «...окö-ö»,— кыліс сійö вочакыв.

— Кӧнӧсь тi?! Виччысьлӧй менӧ!— забеднӧйсла да повзӧмысла гӧлӧсыс сылӧн чырыштӓс. Ӧнi нин вочавидзисны кыкнанладорсянь. «Тыдалӧ, ӧтиласяньыс Волой горӧдiс. Мӧдарсяньыс Лӧшка дай,— мӧвпыштӓс Петыр да кутӓс гӧгӧр гоньявны.— Найӧ кӧнкӧ матынӧсь».

— Вок-ӧ-ӧ! Кӧнi нӧ тэ-э-э?!— бара чукӧстӓс сийӧ.

«...э-э-э?!— ӧнi нин гӧлӧсыс кылӓс кытысянькӧ вылісянь, пуяслӧн туганъяссияныс быттӧ.

Петыр гӧгӧрвоис, мый Лӧшка вокыскӧд матынӧсь. Гӧлӧсьясыс тай со зэв матын кылӧны. И сийӧ котӧртӓс водзлань, весиг эз казав, кызди ёсь увъясыс чирснитлӧны кынӧм кучикӧдыс, кокъяссӧ сотӧ петшӧрыс. Нем виччысьтӧг сийӧ патурликаситыр кутӓс лэччыны гуран горулас. Паныд веськаліс крут стен. Сы вылын гораа шувгисны повзӧдчана ыджыд козъяс. Петырӧс гартлӧма-ӧсь кос турун сіяс да черань везъяс. Пӧсьыс киссис да сорласис ныйтыскӧд.

— Вок-ӧ-ӧ!

Ӧнi нин вочавидзисны дзик мӧдласянь, кытысянькӧ бӧрсяныс. Петыр котӧртӓс сыланӧ. Волой да Лӧшка некытӧн эз вӧвны. Повзӧмысла да бӧрдӧмысла детинкалӧн став эбӧсыс быри. А детинкаяс сылӧн горзӧм вылӧ вочавидзӧны да сӧмын быттӧ дурмӧны водзӧ. Тыдалӧ, сералӧны дзебсьӧмӧн. Оз тэрмасыны мыччысьны ичӧтджык вокыс водзӧ пуяс сайсяныс.

— Гортӧ локта да ставсӧ мамыдлы висьтала!— бӧрдӧ Петыр.— Мамӧ-ӧ!

«Мамӧ...»— кылӧ водзвылас.

Дӧрӧм кизьясыс орласисны. Пу увъясыс дойдалісны кынӧм кучиксӧ. Кӧмтӧм кокъясыс нинӧм нин эз кывны.

Петыр казалис векныддик ордым, кодӓ быттӧ вӧлі сылы тӧдсаӧн. Сы кузя и котӧртӓс водзлань. Кор сийӧ бырснитӓс-петӓс вӧрсьыс, шондӓыс вартӓс синмас да босьтӓс бӧръя вын-эбӧссӧ. Сийӧ воштӓс садсьӧ да шлапкысис-уси му вылӧ...

* * *

Лӧшка да Волой ӧдйӧ аддзисны энӧвтӧм яблоня пуяссӧ.

— Тайӧ менам,— ӧти пу дорӧ уськӧдчис Лӧшка.

— А тайӧ менам дай,— ӧдйӧ кавшасис мӧд вылӧ Волой.

Сӧмын увъясыс трачкакылӧны. Абу аслад да оз тӧждысьны. Бать-мамныс кӧ эськӧ аддзылісны, ёна жӧ и сюри кыкнанныс. Но оз аддзыны, тані мый кӧсьян вӧч. Ӧдйӧ сюялісны майка улас ичӧтик турунвиж яблӧгьяссӧ да веськӧдчисны гортланыс. Тайӧ кадас кӧнкӧ ылын кылӓс кодлӧнкӧ горӧдӧмыс. Шыыс вӧлі сэтшӧм шуштӧм, быттӧ кузь да джуджыд гуранса кӧзяиныс лӧкыс ышловзис. Лӧшка да Волой лӧнисны весиг, кутӓсны кывзысьны, кодӓ сэнi горзӧ таdzисӧ. Гашкӧ, бара на горӧдас? И збылысь, шог гӧлӧсӧн горӧдӧмыс кылӓс вылысь, но ӧнi сийӧс ас борд улас босьтӓс тӧвру да нуис вӧрлань.

— Кывлӓн?— дзикӧдз быгаліс чужӧм вылас Волой.— Кодӓ нӧ сэнi?

— Чӧртыс,— петӓс вомсьыс Лӧшкалӧн, но брӧльснитӧмсьыс повзӧмысла сэсся ӧдйӧ тупкис кинас вомсӧ. Сийӧ повзис, мый тайӧ шуӧмнас корис сук вӧрсьыс «Асьсӧ». Петас ӧнi сийӧ да кыкнаннысӧ нуас кытчӧкӧ.

— Вай, Волой, пышгям татысь,— Лёшка кыскыштіс ёртсö дөрөм соскөдыс. Найö лэчкысь мынөм пөткаяс моз лэбыштісны Сьöд вөрлань. Сөмын вель ылөдз пызйыштөм бөрын сувтісны, мед ловсö шедөдны.

— Мый нө тайö вөлі?

— Ог төд...

Недыр восьлалісны чөла.

— Лёшка.

— Мый?— ёрт вылас весиг эз лысьт видзөдлыны мөдыс.

— Тэ овраг дорас матыстчигөн некодөс эн аддзывает?

— Эг,— Лёшка видліс сэкса серпасьяссö син водзас сувтөдны, но эз жö сяммы.— Петырыд öд бөр грездас муніс. Көть и гөгөр-воис, кытчö ми веськөдчим, эз эськө лысьт миян бөрся пырнысö.

— Сідзкө, менам синмөй вералыштіс, кажитчис мыйкө,— кокниа ышловзис Волой.

Грездас пырөм бөрын пөттөдзыс сөйисны шома яблөгсö. Ёртъясыслы на вичмөдісны весиг. Сэсса ставөн уськөдчисны вадорö купайтчыны. Петыр йылысь некод эз и гарыштлы. Сөмын рытнас гортас воөм бөрын Волойлы сьөлөм вылас эз ло лөсьыд.

— Пиук, а көні нө Петырыд? Весиг нурьясьыштны он волөй. Кыскасянныд көнкө лунтыр,— ропкөдчыштіс мамыс.

— Ог, ог төд, көні сійö,— шуис Волой. Юрас кыліс сэкса горөдөмыс, коді шогөн тырөма быттö. Зонкаөс весиг йирмөг босытіс.

— Мун да корсь сійөс. Регыд шондіыс пуксяс да дзикөдз пемдас,— сөмын тайөс слөймис шуны мамыс Волойлөн ывла ылө уйкнитігас. Сійö ризөдіс веськыда ёртыс дорö.

— Лёш,— гусьöник чукөстіс сійö, медым зонкалөн батыс эз кыв.— Вай петалам ывла вылас.

— Ті нө лунтырнас эн на пөтöй ворсөмсьыс?— көсйис сувтөдны Лёшкалөн батыс.

— Ме регыд кешлө...— нурбыльтіс Лёшка да пөдлаліс өдзөссö.

— Кывзы,— ывла ылын нин пыдісянь ышловзём бөрын шуис Волой.— Петыр öд вошис. Мамö шуö, мый асывсянныс нин абу аддзылөма сійөс.

— Гашкө, локтас на,— видліс такөдны ёртсö зонка.

— Кодлысь нө ми Копкаев өврагсянныс петысь гөлөссö кывлім?— муртса сяммис пычыктыны тайö кывьяссö Волой. Сэсса содтіс:— Сійö öд эз төд, кытчö ми мөдөдчим. Ме жö сійөс вала ыстылі.

Аслас чужөмыс едждөдөма весиг майшасьөмысла.

— Лёшка,— кыліс батыслөн горөдөмыс.— Пыр гортö.

Ёртыс лэптыштіс пельпомъяссö, аддзан пö, корөны, ог вермы со отсыштнысö. Сэсса тэрыба вошис керка йөрас. Волой шайпаймуні, оз төд, мый водзөсö вөчны. Гортас мунны полö.

— Мый нө кын сюръя моз сулалан? Аддзин Петыртö?— чукөстіс сійөс аслас айыс.

Волой тэрмасьтөг матыстчис сы дорö, мырдысьөн кыпөдіс юрсö да шога вашкөдіс:

— Сійö абу. Некытөн абу. Вошөма...

— Кыдзи воши? Көні нө ті луннас вөлінныд?

— Асывнас колорадса гагьясöс чукөртім. Сэсса ветлім ю дорö купайтчыны.

— Петырыс тіянкөд вөлі?

— Миянкӧд,— ылӧдліс Волой. Видлы висьтавны, мый Копкаев оврагын вӧліны, пӧттӧдзыд сюралас.

— Но морӧ!— шеныштӧс кинас айыс да воши керкаяс сайӧ. Регод ывла ыло петӧс Лӧшкалӧн батыс.

— Кӧні ай-мамыд?

— Мамӧ гортын, айӧ — эстӧ мунӧс,— керкаяслань индӧс зонка.

Тайӧ войнас дзоньнас грездыс олӧс. Гырысьяс некымынысь кытшовтӧсны грездӧ, корсисны Петырӧс кыддза раскысь, град йӧръясысь. Юасисны, кӧні челядь талун купайтчисны, да багыръясӧн видлалӧсны ю пыдӧссӧ. Нывбабаяс быд керкаӧ пыравлісны, пес лэбувъяс, сарайяс видлалӧсны. Весиг кузь потш суйлісны ва труба пыдӧсӧ. Петырӧс некытысь эз аддзыны. Быд дас-дас вит минут мысти на ордӧ кодкӧ суседъяс пӧвстысь волывліс, медым тӧдмавны, сюри эз на детинкаыс. Сэсся бара мунлісны войся пемыдас. Кадысь кадӧ мыччысьліс и Волойлӧн айыс. Сыркъялысь гӧтыр ылас видзӧдлӧм бӧрын бара мунліс.

— Петырӧй, дзоляӧй менам,— кыліс нывбабалӧн сыркъялана шуалӧмыс.

Петырӧс водз асывнас аддзис Прокой пӧль. Вӧр дорысь сюрӧма садътӧг куйлысь кагаыс, да вайис моздорас сійӧс грездӧ.

Воксӧ аддзӧм бӧрын Волойлӧн муртса сӧлӧмыс эз сувт. Сійӧ матыстчис крӧвать ылын куйлысь Петыр дорӧ да топӧдчис сы бердӧ. Сэсся нора бӧрддзис.

— Пиук, пиук,— сыркъяліс мамыс.— Восът синтӧ.

Чукӧртчисны суседъясыс. Шога видзӧдісны Волойлӧн котыр ыло.

— Пиук!— ӧтарӧ-мӧдарӧ видзӧдлассӧ шыблалӧс мамыс.— Отсыштӧй вай, суседъяс, сылы! Ловъя ӧд сійӧ. Лолыс пытшкас...

Суседъяс вештивлісны синсӧ, эз тӧдны кыдзи отсавнысӧ да. Вашкӧдчисны ӧта-мӧдыскӧд.

— Колӧ Ови пӧчӧс чукӧстлыны...

— Сӧмын сійӧ вермас отсавнысӧ...

Некымын нывбаба уськӧдчисны ӧдзӧслань, медым пӧч дорӧ котӧртлыны, но найӧс сувтӧдіс беддӧн гораа тотшкӧдчан шыыс. Ови пӧч локтӧс ачыс. Сійӧ сувтӧдіс бедьсӧ ӧдзӧс дорӧ, нӧшта на ёнджыка гӧрбыльтчис да воськовтӧс водзлань.

Ови пӧч вӧлі зэв нин пӧрысь. Грездын эз тӧдны, кымын арӧс сылы. Ачыс эз жӧ куж висьтавнысӧ дай. Висьмас кӧ кодлӧнкӧ пинь либӧ пель, пыктас кок — ставӧн Ови пӧч дорӧ локтӧны.

Ови пӧч матыстчис крӧвать дорӧ, кыв шутӧг кутчысис аслас уджӧ.

— Вайӧй тусяпу корӧсь,— кыліс сълӧн кос гӧлӧсыс.

Волойлӧн айыс петалӧс да пыртӧс пывсян кӧджысь гӧрдӧдыштӧм, кос корӧсь. Пӧч сійӧс эз босът, оз пӧ лӧсяв.

— Колӧ дзик ыльӧн чегъялӧм тусяпу,— шуис сійӧ.

Айыс тэрмасьмӧн петӧс.

Ови пӧч сюся видзӧдіс Петыр ыло.

— Сы пытшкӧ овмӧдчисны омӧльяс. Найӧс вӧтлыны вермам дзик ыльӧн чегъялӧм тусяпуӧн. Сылысь тшынсӧ омӧल्याсыд оз радейтны.

Тайӧ здукас мыччысис керкаса кӧзяиныс, киас куӧс тусяпу увъяс. Некымынӧс пӧч шыбитӧс кок улас, кымынӧскӧ босътӧс киас да шуис:

— Вай ӧзты.

Айыс օзтіс истօг тув да матыстіс емъяс дорас. Тусяпуыс трачмуніс да босътчис օзйыны югыдлօз биօн. Пօч виччысис паськалօмсօ, сәсся лёкысь օвтыштіс корօсьнас օдзօслань. Биыс кусі, пу увъясыс лёкысь тшынасысны. Пօч вомгорулас босътчис шуавны:

«Сизимдас сизим пу йылօ кавшаси. Сизимдас сизим пу пօрօді, сизимдас сизим пуысь керка гօгօр потшօс вօчи — мыйла нօ лёкыс керкаօ пырис? Сизимдас сизим потшօс вօчи.

Кор сизимдас сизим попкօд օтлаын служба нуօдан — сօмын сэк тайօ керкаас мед лёкыс вермас пырнысօ.

Кор верма օтлаын овмօдчыны Ыджыд Енмыскօд, сօмын сэк мед тайօ керкаас овны вермօ.

Кыдзи гылаласны сизимдас сизим кор, мед тадз жօ гылалас.

Кыдзи пырօны сизимдас сизим кօрт тув, мед сідз жօ тувъ-ялօма лօօ.

Мед талялօма. Йօткалօма. Вօтлօма лօօ.

Тусяпулօн тшыныс вօтлы лёксօ тайօ керкасыс».

— օні восьтօй օдзօссօ,— тшօктіс пօч. Сійօ тшынасысь тусяпу корօсьнас օвтчигмоз матыстчис օдзօслань. Нօшта некымынысь шеныштіс да шыбитіс корօсьсօ посводзас.

Керка пытшкын лалавнысօ вօлі сьօкыд, но некод эз тэрмась петны сынօд вылас. Ставօн виччысисны, мый лоас водзօ.

Регыд мысти Петыр кыпօдіс кисօ, восьтіс синсօ, некымынысь лапнитіс да мамсօ казьялօм бօрын бօрддзис. Синваыс тюрօбօн лэччис, быттօ тувсов шор письтօма. Некыдзи дугдынысօ оз вермы. «Мамօ, Мамօ!»— видліс шуны ичօтик Петыр вомсօ восьталігмоз. Но некод оз кыв сылысь кывъяссօ, кодъяс тырօмаօсь шогօн и нимкодълунօн...

* * *

Петыр сідзи сәсся и эз сёрнит. «Повзьօмысла кывсօ нылыштօма»,— сёрнитісны грездын. Лёшка да Волой ёна вежсисны.

Сійօ луннас, кор аддзисны Петырօс, Волой кутіс лача, мый Ови пօч сійօс бурдօдас. Но эз тай. Сійօ воліс на дорօ и бօрын-джык. Кутшօмкօ нимкывъяс лыддис. Но Петыр чօв оліс. Сэки мамыс мօвпыштіс сійօс нулыны карса больничаօ. Сэні зонка тօлысь куйліс. Волой сэтшօм ёна виччысис сылысь гортас воօмсօ! Чайтіс, мый вокыс бергօдчас да бара кутас ськօд воддза моз сёрнитны.

Лёшкакօд тшօтш петісны грезд сайօ паныдавны локтысьясօс. Волой котօртіс налы паныд, майшасьօ, кыв оз лысьт шуны. А Петыр чօв олօ. Тані жօ стрօнօг песօ Лёшка ёртыс.

— Виччысьлօй недыр,— шуис мамыс.— Локтам гортօ, верда тиянօс да сэк удитанныд пօттօдзныд ворсны.

Волой да Лёшка некыдзи оз эскыны, мый Петырыс некор нин оз кут сёрнитнысօ.

Кор пуксисны пызан сайօ, мамыс шуис:

— Видзօй օта-мօднытօ. Миян Петыр со оз на сёрнит. Но колօ эскыны, мый сійօ бара лоас важкодыс.

Ичօтик Петыр видзօдліс мамыс да вокыс вылօ да нюммуніс. Сылы вօлі нимкодъ, мый бара гортас веськаліс. Волой лэдзис синъяссօ. Горшыс гօрддзасис, сёяныс вомас эз пыр. Сылы пеляс

бара воис сійӧ горӧдӧмыс, кодӧ кыліс Копкаев гуран пыдӧссиянь.
Сэтшӧм нор, ӧтка, корана...

* * *

Тайӧ кадсяньыс уна ва визувтіс. Лёшка велӧдчис зоотехникӧ да локтіс уджавны чужан грездас. Волой жӧ лоис врачӧн, кызди и кӧсйыліс воыскӧд неминуца лоӧм бӧрас. Став олӧм чӧжыс сы бӧрся вӧтлысьӧ джуджыд гурансянь кылысь гӧлӧсыс. И пыр, кор гортас волігӧн кутлас пӧрысьмыштӧм ай-мамсӧ да воксӧ, кылӧ мыжсӧ, кодӧс вӧчліс ичӧтдырйиыс.

А асывъяснас том пастук вӧтлывліс мӧс чукӧрсӧ пӧскӧтина былӧ. Ӧтнас уджаліс. Сяммӧ тай.

— А-а-ых!— бара горӧдіс Петыр.

«...ых, ых»,— вочавидзис гуран пыдӧсыс.

«Кытысь ме тайӧс кывлі? Кор тайӧ вӧлі?— сэтшӧм пыдӧ сатшӧма сылӧн вежӧрӧ тайӧ шыыс. А ачыс пыр водзӧ увтасінлань мунӧ. Петыр кылӧ, кызди сійӧс шымыртӧ кӧдзыдыс. Вир-яйсӧ быттӧ вой тӧлысь чезӧдӧ. Лолыс оз шед. Сійӧ оз вермы вештыны синсӧ пыдӧстӧм гурансьыс. Но гӧгӧрвоӧ, мый колӧ мунны. Сійӧ веськӧдчӧ шоныд видзлань. Мунӧ, и быд воськов сылы кажитчӧ тӧдсаӧн. Быттӧ сійӧ коркӧ таті мунліс нин, быттӧ со тайӧ кос увйыс коркӧ парсыштіс нин сылысь кынӧм кучиксӧ. А петшӧрыс сотліс коксӧ. И сэки сійӧ крукасис саймовтчӧм увйӧ да уси дзик петшӧр шӧрас.

— Ой-ой! Петшӧр! Петшӧр!— ас тӧдлытӧгыс горӧдіс Петыр.— Петшӧр! Петшӧр!

Сійӧ босытчис зыравны зӧлитысь кисӧ да чужӧмсӧ. Сьӧлӧмыс муртса вомӧдыс оз чеччышт. Сэсся сувтіс да измис быттӧ ни нӧм гӧгӧрвотӧмсьыс.

— Петшӧр,— шуис вашкӧдыштӧмӧн. Коді нӧ тайӧс шуис? Кывзысис весиг.

— Коді?— горзӧдіс гӧлӧссӧ Петыр. Сійӧ, дерт, ассъыс гӧлӧссӧ эз тӧд. Сійӧ сылы кажитчис дзик тӧдтӧмӧн. Но ӧд кодкӧ шуис жӧ тайӧ кывъяссӧ?

Вочакывйыс эз вӧв. Некод оз вочавидз сылы. Сӧмын нянь пельсаысь моз шпотыкигтыр петӧ гурансьыс уль, васӧд ру. Сійӧ ас саяс вайӧдіс зонмӧс.

— Петшӧр. Петшӧр. Петшӧр...

Вунӧдіс весиг, мыйла татчӧ локтіс, да котӧртис видз помас.

— А-а-ых!.. Петшӧр! Петшӧр!— петшӧрсӧ аддзӧм бӧрын вужнас нетшыштис сійӧс, ниртіс кинас да зыраліс чужӧмсӧ.

А орчӧнмоз, вӧр да луд костын, майшасьтӧг ветлӧдліс Апчаиха пӧчлӧн мӧскыс да тэрмасьтӧг йирсис. Пастуклӧн горзӧмыс сійӧс некутшӧма эз майшӧдлы. Тыдалӧ, сӧмын сёрмӧмӧн казяліс, мый гортас мунны кад матысмӧма. «Му-у-у-у», и ачыс веськӧдчис грездлань. А сы бӧрся — Петыр...

Комиӧдіс Алексей Попов.



Синва войт

НЕЫДЖЫД ПОВЕСЬТ

Квайт час асылын Люба чеччис шоныд вольпасысь, нюзодіс вывлань кияссö, сэсса йöктыштіс места вылас да мөдөдчис кухняö, пузьодіс тшай, кисьтіс сійöс кружкаö, öскаліс* нянь выlö вый, босьтіс киас кампет да матөдчис öшинь дорö видзөдлыны поводдясö. Поводдя Любалы эз кажитчы. Ёна зэрис, туй вылас артмөмаось ыджыд гөпьяс. «Көть пыжөн ветлы,— думыштіс Люба.— А талун колö юрсиктö на тюрлыны выль төварла. Сибдам да некод кө оз мезды, и воас миянлы пом. Предпринимательяслы öд мый — мед сөмын төвар вöлі да выручка. Сэсса налы нинөм оз ков, лым улысь öкты налы вотөссö да вай. Но зэрыс тай со дугдіс, да и ёна оз төлась. Гашкө, туйсö эз на ёна торк. А сэсса кытчөдз бура оз кынты, ог мөд, көть мый сэсса вöчас Наталья Петровнайс, мед ачыс татшөм туяс петалас да машинаö сөвлас...»

Люба юис тшайсö, пасьталіс дженьыд куртка, көмаліс сапөг да петіс ывла выlö. Кадыс вöлі көкъямысөд час нин. База дорö восьлалігмоз Люба видзөдіс гөрд сэтөрлань мунысь пелысь тусьяс выlö, кодъяс сідзи и корисны босьтны найöс киад да суйны вомад. «Ок, кутшөм уна таво пелысьыс! Мыйкө сёрнитöны, төлыс пö зэв көдзыд лоас. А ме думысь, дыр на оз кынтав, со кутшөм ёна талун войнас зэрис»,— мөвпыштіс Люба да пуктіс вомас некымын пелысь тусь. Сэсса вомгорулас сьылігмоз восьлаліс век водзö и водзö да эз и төдлы базаөдз воөмсö.

Склад дорын Любаос виччысис нин том шопер — Захар, армияысь выльөн воөм детина. Сылөн талун вöлі медводдза рейс.

— Кабалаястö босьтін, накладнөйтö да?— юаліс сійö.

— Метö босьті,— шыасис Люба.— А тэнад машинаад ставыс бур, ог сибдö некытчö, ог жугалö? Правотö матөджык пукты да путевөй листтö. ГАИ кө сувтөдас, мед дась вöлін петкөдлыны.

— Эн шог, менам ставыс бур. Мөдөдчам, сөв,— шуис Захар да пуксис руль сайö.

Туйыс Любалы кажитчис зэв кузь. Öшинь сайын тыдаліс арлөн жугыль серпас. Со коньөр пуяс гажтөма видзөдöны мулань копытчыштөмөн, а гылалөм корйөн ворсö збой төв да разөдö найöс гөгөрбок. Виччысьтөг туй выlö пуксис сьод рака да кутіс ёна кравзыны, сэсса паськөдіс бордьяссö да лэбзис. Люба повзьöмысла кутчысис сьөлөмас да дыр эз вермы лолыштыны. Сэсса сайкалыштөм бöрын шуис:

— Захар, аддзылін эн?

— Мый?

* Öскавны (диал.) — мавтны.

— Съод рака пуксьыліс туй вылас.

— Но и мый?

— Тайо абу бур водзё, съод рака мыйкё лёктор вайё.

— Но, эн сөр, мый миянкөд лоо. Регыд воам нин, грузтё босьтам да бөр мёдам...— лөньюдіс Любаос Захар да горзьодіс ворсан музыкалысь шысё. Недыр мысти сувтёдіс машинасё ичотик будка дорё. Будкаысь петіс кузь тушаа, рыжой юрсиа-тошка пёрыськодъ нин мужичой. Сійо матёдчис машина дінё да корис накладной. Люба мыччис сылы ошинь пырыс көзяйкаон сетом кабала. Мужичой видзёдіс да шуис:

— Оні мёдөдчө таті, кузь туйодыс, да аддзанныд неыджыд вагон. Сы дорын и эм товара складыс... А сёмныд тиян эм?

— Эм,— шуис Люба.

— Но и бур, мунё сідзкё, — олыштис кинас мужичой да бөр пырис будкао.

Захар заводитис машинасё да мөдіс индом туй кузя. Эз дыр и мунны. Захар сувтёдіс машинасё дзик склад помё да Любакөд тшөтш пырис пытшкас. Люба перйис товар вылё накладной да сетіс сійос варов лөз синма детиналы. Зон видзёдіс кабаласё, пыравліс кутшөмкё ичот жырйё да шуис:

— Съөмтё вай меным, сы бёрын и товар сетам.

Люба мыччис сылы съод конвертё пуктом сём:

— На, лыдды, а миян мед товар вөлі.

Детина перйис кузь чуныяснас конвертысь сём, арталіс, сэсся довкнитис юрнас:

— Төвартё миян уджалысьяс оні сөвтасны машинаад,— бергөдчис да бөр пырис ичот жырйё. Захар да Люба петісны ывла вылё. Сөвтчөм помасьём бёрын Люба матөдчыліс кузов дорё, арталіс ящик лыдсё, но юрас визнитис мөвп: «Эз-ё ылөдны миянөс? Мыйкё ящикъясыс зэв ичөтөсь дай ляпкыдөсь. Но өд көзяйка төдас, кытчө да код дорё миянөс мөдөдны. Мед ачыс восьтас ящикъяссө, мен кутшөм дела».

Наталя Петровна чеччис талун зэв кокни сёлөмөн. Татшөм гажа да долыд сылы некор на эз вөвлы. Лавкаас вузасьём мунё бура, ньобасысьяс быд лун ёна босьтасьоны, и сёмыс насянь воо уна. Регыд и Люба ваяс выль товар. Тадз кө и водзё ставыс мөдас бура артмыны, төвланьыс позяс мөд лавка восьтыны, унджык товар вайны да нажөвитчыны. Сідзжө колө конкурентъяскөд кужны сёрнитны да кодсюрёлы сёмтор сетны. А воттё мед этшаджык мынтыны, удж вылас йөзөс колө босьтны сёрнитчөм гижтөг да удждонсё конвертын сетны.

Наталя Петровна оло өтнас. Верөс сайё эз петаवлы. Томнас чужтыліс пиөс, да и сійос сетіс видзны мам-батьыслы, а ачыс муніс карё корсьны шуд. Но сідзи и эз аддзы сійос да бөр воис гортас. Пиукыс вөлі быдмөма нин да мамсё мамөн некор эз и шулы. А армияё мунөм бёрын «вунөдіс» ассьыс чужанінсө. Недыр мысти Наталя Петровналөн кувсис мамыс, сёлөмыс висьмис да. Кык во мысти и батьыс дугдіс сёрнитны и ветлөдыны: лоис insult. Но Наталя Петровна дыр эз шогав, нуис батьсё инвалидной керкао. Куим төлысь мысти — батьыс кувсьём бёрын — вузаліс сылысь керкасё, а сберкнижка вылас олом чөжыс чукөртөм сём вылё ньобис патера, вөчис евроремонт.

Кольом сьомтор вылас думыштис вузасыны, унаысь лэччыліс карё, ваяліс быдсяма төвар да сідзи и ньёжйёника восьтіс «Ивушка» лавкасё, кытчё босьтіс удж вылё ассыйс жё пёдруга-яссё: кодёскё бухгалтерён, кодёскё вузасысьён, а кодёскё и стөрөжён. Со тадзи и овсис Наталья Петровналы.

Көкъямыс час рыт нин матыстчис, а Люба да Захар эз на воны рейсысь. Виччысигмозыс Наталья Петровна восьлаліс ули-чаті отарё-модарё, сэсса кынмис да пырис лавкаас.

— Но, Лизук, сэсса пёдлась, сёр нин, кодлы мый колё, ньё-бисны нин. Верман гортад мунны, а верман тшөтш кольччывны төвар ректыны. Регыд, думайта, воасны. Да тэ эн шог, ме ставсё мынта, — шуис сійё том вузасысьылы. Ныв лои зэв рад көзйяка вөзйёмлы, од сьомыд некор абу ковтём. Лиза вөлі кузь тушаа, вөсни гырка да сьод синма. Сылы зэв ёна воис сьолём вылас Захар, а зон мыйлакё видзөдіс Люба вылё. Со и өні, Захарёс виччысигмоз, Лиза мөвпаліс, мый талун висьталас сылы аслас муслун йылысь.

Недыр мысти лавка дорё сувтіс машина. Первойён пырис Люба.

— Наталья Петровна, вайим төвартё, час, Захар пыртлас ящикъяссё. Сэсса ме татшөм туйё ог пет, кытчөдз оз бура кынты мусё.

— Но, но, Люба, эн скөрав, ме ставсьыс мынтыся,— шуис Наталья Петровна, да пыр и пондіс видлавны төварсё, кыз сө-мын Захар пыртліс став ящиксё. Но регыд мысти кутчысис сьолөмас да кыз тай горөдас:— Мый тайё меным вайинныд, тан ставыс бракөвөй төвар! А сьомыс, сьомыс менам кытөн?!

— Сьомтөг нё коді төвар сетас? Асьныд тай тшөктінныд на-лы сьомсё кольны,— повзис Люба.

— Он кө аски вайё бөр менсьым сьомөс, судитчыны мөда, мед кыкнаннытё пуксьөдасны дзескыдінё. Ті вөлінныд кыкөн, сёрнитчинныд да бур төварсё босьтінныд аслыныд, а мен суюин-ныд брак.

Ташөм кывъясысь Люба шөгө усис. Бледмис и Захар. Найё нинөм эз шуны да петісны ывла вылё. Люба шатлалігмоз вөрзис лавка дорысь, а Захар повзис, мый ныв вермас усыны, да бось-тіс сійёс сойөдыс. Тадз найё и мөдісны туй кузя. Лиза сулаліс өшинь дорын да аддзыліс тайёс.

Люба керка дорё воём бөрын Захар полігмоз юаліс:

— Люба, гашкё, ме пырала? Позьё кө?

— Позьё,— вочавидзис Люба.

Керкаын Люба пөрччис курткасё, и Захар водзё сувтіс не-ыджыд тушаа, кудриа юрсиа томиник ныв. Захар чуймис. Сійё век аддзыліс Любаёс паськыд курткаён да гёна шапкаён, а өні сы водзын вөлі принцесса, позьё кө сідз шуны. Захар эз жё вөв мисьтём — ыджыд тушаа, паськыд пельпомъяса да крепыд зумыд кияса.

— Захар, вай пөрччысь. Паськөмтё верман пуктыны татчө улөс вылас, а көсьян кө, и тувъяс өшөд. Час, ме тшай пукта да сёян-юан тэча, а тэ пызан саяс пуксьы,— шуис Люба да кутіс ваявны пызан вылас пуём картофель, маринуйтём өгурцы, сола тшак, калбас. Кыськё пыртіс вина сулея, водка доз да кык румка.

Оти румка юом бёрын Люба кисьтис винасё мёдысь и аслыс, и Захарлы. Гажмыштис, да вомыс воссис, таодз найо пукалісны чёв.

— Но мый, Захар, кутам вёчны? Пуксьодасны дзескыдінё тэнё и менё. Менам сы мында сьом абу. Абу и тэнад. Вай талун узьнытё кольччы ме дорё, эн мун гортад, мен тэ важён нин кажитчан, да тайос висьтавын здукуыс эз сюрлы. А ёні менам кадыс зэв-зэв уна...— шуис Люба да сывъяліс Захарёс. Захар дыр нинём эз вермы вочавидзны, юрыс бергёдчис да. Сэсся босьтис Любаёс ки вылас да нуис вольпасяс... Водз асылын, кор Люба узис на, Захар петіс ывлаё да мёдодчис гортас, быттё на костын нинём эз и вёв.

Наталя Петровна одва виччысис асывсё. А ёкмысёд часын мёдодчис полицияё. Участокын пуис нин удж, быд кабинетын пукалісны погона йёз. Наталя Петровна шыасис коридорёд паныд локтысь ичот тушаа мужичёй дорё, висьталіс могсё да юаліс, кытчё сылы колё пырны. Мужичёй петкёдіс кабинет, и Наталя Петровна родёмон восьтис одзёс. Но кор кыліс нывбабалысь мелі гёлёс, пыр жё лои повтёмджык.

— Видза оланнды,— нюмъялёмон шыасис олёмакодъ нин нывбаба.

— Видза оланнды,— шуис Наталя Петровна.

— Кутшём могён локтіннды?

— Ме кёсья заявление гижны кык мошенник вылё.

— Мый нё найо вёчисны, кутшём мыж?

— Менсьым гуисны уна сьом, ме предприниматель, да вежисны товар. Мен суйисны брак, а бурсё босьтисны аслыныс.

— Вот бумага, гижёй, кыз ставыс вёлі. Сёмын эн гижёй мый эз вёв, а то и тیانёс тшётш кыскам кывкутёмё пёръясяна висьталёмысь.

Кык час Наталя Петровна пукаліс участокын. Шыёдчёмсё гижис да, висьталіс ставсё сьёрсьён-бёрсьён, но ассяныс содталёмон. Кёнсюрё «артисткаыд» и синва кисьтыштис. А сёрни помас кёсийс суйыштны следовательлы сьомтор. Но погона нывбаба стрёг синъясён видзёдіс Наталя Петровна вылё да шуис:

— Ме тайос эг аддзыв, да и протоколас ог гиж, а то тیانёс тшётш пуксьодасны сутуга сайё уна во кезлё. А ёні верманныд мунны, ми кутам нуодны следствие.

Кор Наталя Петровна петіс полицияысь, паныдасис Любакёд. Сійё эз кёсий кывлысьны, но Люба ачыс шыасис:

— Но мый, Наталя Петровна, гижиннды ми вылё заявление? А на вылё, кодъяс браковёй товар мен суйисны, мыйла эн гижё? Тыдалё, поланныд наысь. А ми прёстой йёз, мянкёд позьё быднога. Но тайё ставыс коркё тшукас да бергёдчас мёдар бокон, мыжтём йёзкёд кё таdzi вёчаннды. Менё кё пуксьодасны, тیان маклачитёмныд, вештытём налогныд — ставыс эрдё петас, кывзё менсьым кывъяссё.

Тайос шуалём бёрын Люба муніс водзё. А Наталя Петровна сідзи и коли туй вылё. Сійё эз думышты, мый Люба тёдё, кызди сійё ылёдлё налогвёй инспекторысёс да быдёнлы сетё сьомтор.

Мод луннас Любаос да Захарос повесткаон корисны полиция участоко. Налысь делo босътчис видлавны Екатерина Ивановна Лежко. Сийо уджаліс полицияын комын во нин да быдторсo ад-дзыліс. Захарлысь да Любалысь юасьом бoрын сийo пыр жo гo-гoрвоис, мый найo абу мыжаoсь, мый найo лоисны жертваясoн. А акулаыс удитіс нин уйны, кoтъ и Екатерина Ивановна ветліс сийo базаас, кытысь вайисны тoварсo Захар да Люба. Сэні не-код нин эз вoв, тайo вoлoма oти лунся фирма, мед кыскыны унджык сьом предпринимательяслысь да пышйыны мoдлаo. Та йылысь и висьталіс Екатерина Ивановна Захарлы да Любалы, да шуис, мый вoчны нинoм оз вермы ни ачыс, ни адвокат, оз кo бoр сетны тайo сьомсo Наталья Петровналы. Дерт, сийo тo-діс, мый том йoзлы некытысь босътны та мында сьомсo, и ышoдіс, Вермoм лун кeжлo пo дасьтыссo амнистия и тi пo верманныд сэтчo сюрны...

Коркo сэсса воис суд лун. Захар да Люба мoдoдчисны oтлаын. Лиза локтіс жo сэтчo, мед аддзoддыны Захарос да висьтавны, мый eна радейтo сийoс да кутас виччысьны, пуксьoдасны кo. Судьяыс — том морт — кутіс асьсo зэв стрoга. Кык час мысти сийo лыддис помшyм. Любалы и Захарлы сетісны кык во пукав-ны дзескыдінын. Ок, и eна бoрддзис Лиза, кор Захарлысь кияссo наручникалісны да петкoдісны сийoс залысь...

Бoрдoмысла Лиза эз и казьявы, мый бoрсянныс радпырысь восьлалo горланьыс Наталья Петровна, oд судьялoн тшoктoм серти Захар да Люба мынтасны сылы воштoм сьомсo. Но На-талья Петровна эз тoд, кутшoм лoглун кыптіс эз сoмын дзескыді-нo веськалoм том йoзлoн, но и Лизалoн сьoлoмын.

Лиза пырис гортас, пуксис койка вылас да дыр мoвпаліс, кутшoм лeктoр вoчны Наталья Петровналы. А кор юрас воис мoвп, ныв водіс да унмовсис. Куим час войын Лизаос кодкo быттьoкo сaдьмoдіс, малыштіс пельпомoдыс, ньoжйoника чукoс-тіс сийoс нимнас: Лизук, сaдьмы пo, тырмас узыньтo. Лиза вось-тіс синъяссo, но некытысь некодoс эз аддзы. Кoсийс бергoдчыны мoдар бок вылас, но кодкo бара торкис сылысь унсo.

Та чуксалoм бoрын Лиза сэсса эз нин сетчы унлы, думыштіс да чеччис вольпасьсыс. Кор мыськыштіс кoдзыд вaoн чужoм-бансo, син водзас пыр жo сувтісны Захар да Люба, а накод тшoтш и Наталья Петровна. Сийo бара аддзис тoрыгья лунсo, Захарос наручникoн да ськoд орчoн Любаос, да нoшта Наталья Петровналысь серамбана чужoмсo.

— Тайo тадз кольны оз позь,— шуис аслыс Лиза, пасьталіс кузь соска гoна пась, отасис* да петіс ывлаo. Ывла вылын не-код эз вoв, ньoжйoника усис лым да рудов кымoртьяс шывгoмoн кытчoкo кывтісны сикт весьттi. А со и бaтьыслoн будка, кoні, тoдoмысь, эм бензин. Бaтьыс муніс тoвйыны ыджыдджык нылыс дорo мoд сиктo, а Лиза oтнас кольчис овны, Захарос радейтіс да.

Лиза восьтіс ключoн будка томансo, босьтіс бензин канистра, пыраліс гортас истoгла да мoдoдчис лавка дорo. Мед некод сi-йoс эз аддзыв, быд дас воськов вoчoм бoрын сувтіс да гoгoр видзoдліс. Но ни oти пон весиг эз тэс**.

* Отасьны (диал.) — чышъянасьны.

** Тэсны (диал.) — паныдасьны.

Со и лавка. Лиза койыштіс канистраысь бензинсö сод вылö да шыбитіс сэтчö öзтöм истöг тув. Виччысьыштіс, кор биыс босьтчас нювны лавкасö, да пыр жö котöртіс гортас, кулис чышъянсö, шыбитіс сарайö гöна пасьсö да водіс вольпасьö. Сьölöмыс сідзи и чеччаліс морöсас, но Лизалы нинöм нин эз вöв жаль...

Та кадö чöскыда узьсис Наталья Петровналөн. Сійö вöтасис, кызди мамыскöд öктö вöрын быдсяма тшаксö, а мамыс нуöдö сійö век водзö и водзö да шуалö: «Натук, сэн таысь уна эм тшакыс, мöдам сэтчö, сэн зэв мича веж кызьяс, а орччөн быдмö зэв уна öмидз да сэтöр. Мöдам сэтчö, мöдам». А Наталья Петровна быттö ичöтик нывка да шуö мамыслы: «Мамук, ме мудзи, босьт менö ки вылад да нуöд». Мамыс босьтіс Натукöс мездорас, да сідзи и мунісны...

Но вöтсö Наталья Петровна эз вермы помöдзыс видзöдны: сійöс садьмöдіс öдзöсö гольгöм шы.

— Мый нö лоис? — броткыштіс Наталья Петровна да шемöс-мөмөн видзöдліс гөгöр: керка пытшкöсыс вöлі ставнас югзьöма, быттö асья шонді дзирдöдöма быд пельöс. Ань тэрыба пасьтасис да восьтіс öдзöссö. Вера суседкаыс, олöма нин нывбаба, горзгмоз висьталіс:

— Магазиныд сотчö, мун пышйы, мужичöйяс нин сэнöсь! Мыйкö кусöдчан машинаыскöд лоöма, да көсйöны локны сöмын час джын мысти! Ведратö босьт да пышйы сэтчö!

Наталья Петровна кватитіс куш ведра, суйис кокас көм да котөрөн петіс ывлаö. Став енэжыс вöлі гөрä, да тшынсьыс весиг эз тыдавны орччөн сулалысь керкаясыс. Кор Наталья Петровна матöдчис лавка дорö, джынйыс нин вöлі сотчöма, некутшöм төвар некод абу и петкөдлöма. Чукөртчөм йöзыс сулалісны да виччысисны, мый жö кутас вöчны көзяйкаыс. Наталья Петровна татшöмторйысь дурмис да шыбитчис лавкалань, мед мыйкö сэтсь петкөдны. Йöзыс чуймисны. Кодкö горöдіс жö, эн лэдзö пö, сотчас, но Наталья Петровна весьнысö* тойлаліс да мырдөн пырис лавкаö. И сійö жö здукас усис вевтыс. Сы горулö сюрис Наталья Петровна. Кодкö чөвтис пернапас, а кодкö бөрддзис...

Лиза тайö лоөмтор бöрын пыр жö муніс карö, көть эськö öзйöмлысь помкасö вештісны нелючки электропроводка вылö и мыжаöс эз корсьны. Сійö көсйис ставсö вунöдны, но думсьыс век жö виччысис Захарöс, мед коркö овмöдчыны ськöд сиктас, а Люба кö сувтас на костö, Наталья Петровнаö моз жö вештыны туй вывсьыс. Но Лиза эз тöд, мый колонияын Люба чужтіс пиукöс. Люба эз письмöась Захаркөд, и кага йылысь эз жö юөрт. Чайтіс, Захар сійöс вунöдіс. Но эз ёна майшась та вöсна, öд кыліс асьсö зэв шудаөн мамөн лоöмысь. Эз и тöдлы, кызди колис мöд төв. Любаöс веськөдлысьыс — Светлана Васильевна — век ошкис да көсйис сійöс пыртны амнистия улö сюрысь йöз лыдö, öд гөгөрвоис, мый Люба веськаліс сутуга сайö эз аслас мыж вöсна, и сьölөмсянь жалитіс сійöс дай пиуксö.

Тулыснас Любаöс зэв ёна кутіс кыскыны гортас. Пиыскöд ывлаын гуляйтгөн пыр висьталіс сылы, мый воис тулыс, сылö

* Весь (диал.) — став.

лым, саридзсянь гортас лэбё юсь да мукöд лэбач. Кагаыс вöли зэв тешкодъ, кияссö нюжöдас енэжлань да шуалö:

— Мам, мам, птится.

— Да, да, птичка, лэбач,— шыасьліс Люба.— Ыджыдджык лоан да, кута велöдны тэнö сёрнитны комиён.

Öтчыд асылын Любаöс корис ас дорас Светлана Васильевна. Сійö вöли зэв стрöг, но Любаöс — прöст сьölöма аньöс — ад-дзигөн небзьыліс и вунöдліс, мый Люба — арестант. Сідз жö и öні, Любалөн пырöм мысыт эновтіс ассьыс уджсö:

— Но лок пуксы, тшай юам да сёрнитыштам. Тыдалö, детинкаыдлы во нин тырис, а кутшöм бура кывъяссö шуалö. Менам нучкалы кык арös, да шуалö сöмын: дядя, тетя, мама, баба. Сэсса нинöм оз куж.

— Кутас на сёрнитны, Светлана Васильевна, сöмын мед мамыс ёнджыка уджалö сукöд.

— Но, Люба, ме кöсья висътавны, мый бура олöмсьыд тэнö лэдзасны кадысь водз. Победа лун кeжлö верман гортад нин мунны: со воис документ. Аскиянь тэ лоан вöля вылын. Рад абу?

— Ме, ме зэв рад, Светлана Васильевна! Аттьö тиянлы зэв ыджыд!— бöрддзис Люба да котөрөн петіс ывлаö. Войыс öдва колис. Асывнас Люба босьтіс документъяс да муніс мöд корпусö пиукысла, пасьтöдіс-көмөдіс сійös, и найö мөдöдчисны кыкөн туй кузя, выль олöмлы паныд.

Вöли зэв гажа шондіа лун. Лымйыс сьölöма нин, пуяс вылын мыччысьöмаöсь посни веж коръяс, кок улын гартчис медводдза турун веж. Небыда пöльышталіс тувсовъя төв, сьыліс быдсяма лэбач. Любалы друг усис дум вылас Захар: гашкö, и сійös лэдзасны Победа лун кeжлö. Но мөвпъяссö торкис поезд. Люба сölіс сэтчö пиукускöд да мөдіс гортланыыс.

Кор воис юөр, мый Люба воис гортас, Лиза пыр жö эновтіс уджсö да локтіс сиктö. Юрас бергаліс сöмын öти дум: кыдзи вöчны Любалы лектор. Воём бөртиыс Лиза пырис удж вылö челядь садьö, кытчö ветліс нин Любалөн пиукыс. Медводдза видзöдлассяныыс сійö гөгөрвоис, коді батыыс: синъясыс и ныр-вомыс — ставыс вöли быттö Захарлөн. Лизалөн вирыс пузис. Сьölöмас лёгкаг моз сатшкысис мөвп, мый колö кыдзкö мынтöдчыны зонкасыыс, мед оз ов вольнöй светас, и сэки Любакöд мыйкö лоас жö.

Öтчыд челядькöд гуляйтігмоз Лиза вайöдіс найös вадорö видзöдлыны пыжъяс вылö. Сійö пöльтіс шаръяс да сетіс найös челядьлы, мед разаласны наён ворсігмоз, а ачыс сэккості мыйкö вöчас Люба пилы. И оз йöзась, на кындзи берег дорас некод абу да. Сійö пöльтіс нöшта öти шар да тойыштіс валань, а Люба пилы шуис:

— Мун кут, шарикыс пышйö тэысь да, меным вай, сэсса ме тэныд чöскыд кампет таысь сета, — а ачыс бергöдчис мөдарö, мед не аддзыны, кыдзи детинка келас ваö да пöдас сэтчö. Сійö эз казавлы, мый на бöрся кыр йывсянь важөн нин видзöдö Захар, коді буретш локтіс гортас. Захар уськөдчис вадорлань, келіс да удитіс босьтны зонкаös мездорас.

— Тэ мыйла тайös вöчин?— скöра юаліс Лизалысь.— Пöдты-

ны көсйин, да, Лиза? Таысь тэнö пуксьöдны вермасны. Мыйкö гөгөрвоан-ö?

— Ме көсйи нин ачым ваас кевны, да эг удит. Тэ меысь збойджык вöлöмьд, Захар. Прöстит менö. А тайö кагукыс Любалөн, мун ну гортас, мед ва паськөмсö вежас,— полөмсорөн висьталіс Лиза, сэсся бергөдчис, муніс шаръясөн ворсысь нывка-яс да зонкаяс дорö да горөдіс:— Челядь, мөдамö садьö!

Захар топөдіс ас бердас зонкаöс да тэрмасьöмөн мөдіс Люба керкалань. Люба буретш вöлі гортас. Кор сійö аддзис Захарöс да пиуксö, юрыс бергөдчис, но удитіс кутчысьны диванас да эз усь.

— Вай шоныд паськөм,— шыасис Захар.— Детинкаыд нымөн эз пөд.

Люба пыр жö кулис пиук вывсьыс ва паськөмсö, косөдіс кузьчышгьянөн да пасьтөдіс кос дөрөм-гач.

— Ме өд сійöс садьö талун нуөді. Кыдз нö вадорас лэччөма?

— Воспитательыс сэтшөм — Лиза.

— А, Лиза? Но сылөн быдтор удайтчас, сійö сэтшөм морт. А тэнö мый, Захар, лэдзисны?

— Да, лэдзисны бур поведениеысь. Көсьян кө, тэ дорö овмөдча, а он кө, гортö муна.

— Но мый нö, ов мянкөд,— шуис Люба да ёна бөрөдзис.

— Люба, а мыйла тэ тадз бөрдан?— юаліс Захар да сывьяліс сійöс.

— Ме, ме көсья висьтавны тэныд... Талун өд тэ васьыс мездін ассьыд... пиуктö...

— Кыдзи пиукöс?— эз гөгөрво Захар.

— Ме өд нөбасьöмөс колонияс сөмын казялі да сэн и чужті. Со кыдз.

— А письмөтö мыйла эн гиж?

— Көсйи тэнö вунөдны, да некыдзи эг вермы.

Любалөн чужөм вылө тёпкысис синва войт. Но Люба эз чышкы сійöс, өд тайö синваыс висьталіс ставсö, мый керсис налөн янсавлігкості Захарлөн сьөлөмын и öні ылькнитіс синваөн...



Нежысь

Николай Чугаевлөн «Пас» новеллаын
кыв йылысь мөвпъяс

Кольёмвоя «Войвыв кодзув» журналлөн ноябр тöлысья номерын петалис Николай Чугаевлөн «Пас» новелла. Гижöдыс ёсь вугырөн моз сатшö лыддысьысь вежөрö сöдз коми кывнас, весьöпöртана теманас. Ыджыда пыдди пуктöмөн авторыс гижö сиктса войтыр йылысь, кодъяслөн зильöмөн олö оз сöмын видз-му овмöсыс, но и ачыс коми кывйыс.

Новеллаын коланаинö автор вайöдö кывйöз-шусьöгъяс, öткодя-лöмъяс: *«Уялысь черийд берегад оз кос, куад оз шед»; «Борд пöв-тöгыд вылö он кач»,— гöтыртöг олiгад пöрысь аймортлы овмöстö кутны абу кивыв; «Öльöксанлөн том пöранас чери-пöткайд, май-быр, эз и ямлы пызан вывсьыс, пыр вадорын нускиг-ноксигөн. Öнi, чусмöм бöрад, кысь нин дай». Ямöмөн шуöны юысь ва чинöм. Тайö висьтын пызан вылысь чери-яй чинöмсö гижысь öткодялö ю ямöмөн. Татшöма сийö серпасалö висьтса геройлысь пöрысьланьö сетчöмсö.*

«Кöть морыс лыяс, но быть волас (Öльöксан) шойна вылö, нель во таладор югыдсö медся шань да мелi мортөн, Клавдеюшко-нас, эновтöмсянь. Аски лöнян луныс, шонгянойлөн» (5 л.б.). «Но сiдзкö, пöслук мортанöй, мырсьы, а меным водзö колö визгыны» (9 л.б.).

Коми сёрнисикасьясын паныдасьлö визгыны-олны кывтэчас: весь-шөрö кад воштыны, бовъявны вежöртасын. Тайö контекстас автор визгыны кывлы сетö выль вежöртаслысь рöм: сьöкыдпырысь водзö мунны подөн.

Новелла тэчигас Николай Чугаев коланаинын вöдитчö йöзкостса поэзия позянлунгясөн. Та вöсна гижöдыс юргö кыпыда, кывбурын моз сэнi серпасалöма сизимдас көкъямыс арöса айловлысь олöмсьыс медбөръя здукгяссö.

Гижöдас повтöг пыртöма сёрнисикасьясысь кывъяс, кодъяс отсалöны донъявны керöм-вöчöмсö:

«Кыкнанныс тувсовгя дзиткысьöм веж кор кодьöсь, томöсь» (6 л.б.). Дзиткысьöмнас Сыктив йывса сёрнисикасын пасйöны шондi югöрлысь тыдовтчöмсö.

«Таöдз кузь вежон чöж вöйпис-висьöдчис (Öльöксан)» (4 л.б.). Вежон оз вермы лоны кузьөн ни дженъйдөн, сэнi пыр сизим лун. Но Öльöксанлы висигас лунгясыс кажитчöмаöсь торъя кузьöсь, та вöсна кузь кыв стöча тöдчöдö геройлысь сьöкыда олöмсö.

Вöйпис-висьöдчис кывтэчаснас автор серпасалö мортлысь сьöкта-лöмсö, танi «вöйпис» кадакывйыс оз кут «омöльтiс» рöм, а джудж-дöдö «висьöдчис» кывлысь вежöртассö: Öльöксанлы сьöкыд вöлöма вежон чöж кывны вир-яй орлалöмсö.

Николай Чугаевлөн новеллаын куимысь паныдасьлö «нежысь» кыв, комиа-роча кывкудгясын сийöс абу пасйöма.

«Мед и тöрмöма пыж сьöмöсыс, но нырыс ээв на тай крепид, водзасö кадылы. Оз, нежысь на оз сетчы пöрысьлунылы» (10 л.б.).

«Видзöдлан бокисянь, да витьтö зiбгя пыж катö лёк тöв нырлы паныд. Нежысь он пановт, он торк веськыд нырвизьсö».

*«Джодждѳрасѳ быть лои ва пиас тальны. Зиналы, нѳкѳя кѳв-
думлы, нежысь абу кажитѳма «Там на неведомых дорожках сле-
ды невиданных зверейид», да водза-водз зѳб вывсьид и вашѳдис» (9 л.б.).*

Колѳ чайтны, *«нежысь»* кыв артмѳма ни в жизнь (ни в жистъ) роч зумыд кывтѳчасысь, кодѳ коми кывлѳн сѳрни шыяс оланподув серти вуджѳма нежысьѳ.

Комиын сылѳн вежѳртасысь паськалѳма некор, некыдзи, неку-
тишѳма, нѳѳти, нинѳмѳн соссяна кывѳясѳдз.

Нежысь кывнас Николай Чугаев озырмѳдѳ и новелласѳ, и став-
нас серпаса коми гижѳда кывсѳ.

Бѳр-ва серпасалигас гижысь аддзѳ зѳв тѳдчана кывѳяс, кодѳяс
кокниа кольѳны лыддѳысьысь вежѳрѳ:

*«Дякшор пос. Тшем мында йѳзѳс тѳ, поскѳй, эштилин кол-
льѳдны аслад кузьсьыс-кузь нѳмѳн!»*

*«Уна жѳ чужѳм кѳрсьывлис шогысла тѳнад топыдик мышку
вылын. Тѳ сай бытѳѳ мѳд олѳмѳ тас вуджѳм фронт вылѳ
мунысьлы, таладор югыдсѳ бѳрѳ кольысьлы».*

*«Дзик татѳн, тѳнад гыркын топалѳны кык воча вок, кык
тюргысь синва — Дякшор да Боргысь шорѳяс, сѳсся ѳтуѳя
вынѳйѳрѳн тѳрыба мыськѳны-нуѳны йѳзлысь курыд шогнысѳ».*

«Пас» новеллаын Николай Чугаев нимкодѳпырысь донѳялѳ
сиктгѳгѳрса иннимѳяс, бура да мѳвпыштлѳмѳн сетлѳмаѳсь найѳс
сиктсѳ овмѳдлысьясыс да:

*«Сиктад нимыд регыд и шедас мортлы ли, инлы ли. Трѳш му
пѳлѳныс визувтѳ дзолянник шор. А ѳд дзик стѳча нимтылѳмаѳсь —
Боргысяѳн. Дундылас-ойдлас тулыснас, сѳсся недыр костѳн и
ямас, колас боргысь-визувтысь вѳсни синва визѳн. Сѳсся гожѳм-
быд кокниа сылас-тѳльѳдас мѳс коктуя сыланкывсѳ».*

Неыдждыд йѳрыша новеллаын Николай Чугаев рѳмпѳштанын
моз петкѳдлѳ талунѳя коми сиктлысь ловшысьѳ.

Танѳ вѳѳѳны быдлунѳя уджнысѳ восьса сѳлѳма йѳз, кодѳяс оз
яндысьны ѳткодявны гѳтырнысѳ нѳкѳя кѳвдумѳн, шуны шаню-
кѳн, эзысьѳн...

Казялѳм тырмытѳмторѳяс йылысь кѳ сѳрнитны, позѳѳ пас-
йыны, мый витѳд лист бокин авторыс Ѳльѳксанѳс, новеллалысь
шѳр геройсѳ, нимтѳма Митрейѳн. Буракѳ, сылы прототипнас
вѳлѳма Митрей нима морт.

Кѳкѳямысѳд лист бокин гижѳма: *«Шувгысь воясыд ассѳыс
босьтѳны»*. Танѳ, стѳчджыка кѳ, колѳ гижны «ассѳыныс босьтѳны».
Индан-асалан суффикссѳ бурджык сувтѳдны уна лыдѳ, ѳд *воясыд*
кыв-подувнымыс сулалѳ уна лыдын.

Мукѳд шыбѳль гижѳдысь он аддзы. Дзоньнас новелласѳ ги-
жѳма мича серпаса кывѳн. Сѳйѳ нимкодѳѳдѳ лыддѳысьысьѳс. Та
вѳсна висѳтсѳ лыддян лов шы кутѳмѳн.

Николай Чугаевлѳн «Пас» новеллаыс весѳѳпѳртѳ ѳсь теманас —
пѳрысь мортлысь талунѳя сиктын чусмѳм-ѳндѳмсѳ эрдѳѳмнас.

Ныв-пиян овмѳдчѳны карѳясѳ, отпускавнысѳ оз убѳлитны
волыны пѳрысьмѳм батѳ-мам дѳнаныс, саридзланѳ сетчѳны.

Буретш ѳтка пиыслѳн «сотчысь путѳвкаѳн» саридз дорын
куйлѳгѳн Ѳльѳксан потѳм сѳлѳмѳн гѳрбыльтчѳ мыльк бокѳ,
туй кузя ветлысь-мунысьлы петкѳдчѳ ярѳюгыд пасѳн талунѳя
сиктлѳн олѳмысь.



Изьватаслөн вөр-вакөд да традиционнӧй ӧбрядовӧй культуракөд йитӧдъяс

Уна во сайын олысь пӧль-пӧчъяс вӧлӧмаӧсь зэв вежӧра да вӧр-ва пыдіа тӧдысьясӧн. Изьва ю берегын олысьяс эскисны языческой енъяслы, вӧлі ёна йитчӧмаӧсь вӧр-вакөд да быд во Иван лунсянь Петыр лунӧдз нуӧдісны «Луд» гаж (лудӧн войлӧм). Тайӧ кадӧ видзьяс вылын воӧм турунын да юяс-ваясын чукӧрмис нин бурдӧдчан вын, локтіс турун ытшкан кад. Но медводз колӧ копыттчыны шонділы да вӧр-валы. «Луд» гаж дасьтӧмын да нуӧдӧмын изьватаслөн петкӧдчӧны нэмъяс чӧж чукӧрмӧм видзӧдласъясыс да ӧбичаясыс. Талун изьватас видзӧны, вӧдитчӧны да сӧвмӧдӧны пӧль-пӧчлысь традицияессӧ. 2014 вося юль 5–6 лунъясӧ ӧкмысӧдысь нин вӧлі нуӧдӧма йӧзкостса традиционнӧй регионкостса «Луд» гаж. Волісны Сыктывкар, Инта, Ухта каръясысь, Кӧрткерӧс, Чилимдін районъясысь, Ненеч да Ямал-Ненеч автономнӧй кытшъясысь, Салехард да изсайса Березово, Мужиксысь гаж нуӧдысь котыръяс.

Вай жӧ косавлам Изьва ю берегын олысь войтырлӧн важъя олӧмӧ, видзӧдлам, кыдзи олісны миян пӧль-пӧчным, кодлы эскисны. Налӧн эскӧм да видзӧдлас эм и талунъя олӧмын: изьватаслӧн олан сямын, искусствоян, фольклорын да ӧбрядъясын яръягыда петкӧдчӧ уна рӧма, уна сяма, вежа коми культура. Тайӧ традицияыс артмис миян пӧль-пӧчлӧн эскӧм подулун, кӧні мортыс и вӧр-ваыс ӧти йитӧдын. Тайӧс стӧчмӧдӧ изьватаслӧн ӧбрядовӧй «Луд» гаж — важъя кытшӧн сылӧм-йӧктӧм, кодӧс сиӧма турун пуктӧмлы. Вӧр-валӧн быд пельӧс петкӧдчӧ грездъясысь вайӧм сылӧм-йӧктӧмын, быдсикас серпасъясын. Заводитчӧ тайӧ шензьӧдана гажыс Изьва ю пӧлӧн нюжалысь сиктъясын да юрсиктын, гажӧдчӧны том и верстьӧ, лӧсьӧдчӧны мунны шӧр гаж вылӧ медводз юрсиктӧ, а рытнас луд вылӧ.

Важъя гижӧдъясын эм вежа философскӧй серпас, кӧні йӧзкостса мывсӧ кытшӧн сывъялӧмаӧсь шуйгавылын сынӧд, веськыдвылын му, улӧын ва да выліын би. Татшӧм кытшын урчитӧма мир тэчасног да мортлӧн оласног. Кытш, кытша, кытшӧн висьталӧмӧн петкӧдчӧ вӧр-валӧн мичлун, сылӧн йӧзкостса культуракөд йитӧдъяс. Изьватаслӧн традиционнӧй культура йылысь гижӧдын пасйӧма «Луд» гажын кытшӧн йӧктӧмлӧн мыгӧръяс. Медшӧрыс да тӧдчанаыс — «кытш» мыгӧр, кӧні петкӧдчӧ олӧмын медыджыдтор — помасьтӧм да помасьӧм шонді пас.


«Луд» гажсӧ нуӧдлісны Ді вылын, кодӧс кытшалӧмаӧсь сывъялӧмаӧсь Изьва ю да сылӧн вож, Мокчой шор. Гаж нуӧданін дасьтӧмыс вӧлі йитӧма кытш паскӧд. Пекнича лунӧ Ді вывса воӧм турунсӧ кытшъясӧн талявлісны вӧв табунӧн. Татшӧма шыльӧдӧм-мольӧдӧм лудыс видзис гажӧдчысьяслысь кӧмкӧтсӧ, сетіс позянлун джӧмдывтӧг йӧктыны. Талун «Луд» гаж паськӧд-

чёма юрсикт весьтын Изьва юсайса мёдлапөв видз вылын. Четверг-пекничаё ворсанінын воём быдмём турун ытшкёны, чукөртёны да вердёны скөтлы. Вөвъясөн важ ног турун тальялёмсё гаж дасьтысьяс вежисны вөвъясөн ордйысьёмөн. Пельк верзьёма войтыр петкөдлөны удаллунсё, гажөдөны локтысь войтырөс. Важысянь нин асланыс бур вөвъясөн да пельк верзьёма зонъясөн нималёны Мокча да Гам грездъяс. Луд вылын найö вөзйёны гөсьтъяслы пуксьывны вөв вылө, видлыны мунны верзьёмөн, петкөдлөны сийөс-заводсё да вөвъяслысь мичсё.

Быд во сыктывкарса изьватаслөн «Изьва» ансамбль ветлө «Луд» гаж вылө сывны-йөктыны да дон босьттөг петкөдлыны чужан сиктъясын концертъяс. Колян во уна рёма изьва паськёма сыктывкарса изьватас петкөдчисны Мошъяуга, Гам да Мокчой сиктъясын. Артистъяслөн программаын унджык сыланкывйыс сиёма чужан сиктъяслы, Изьва юлы да изьваса войтырлы. Сыланкывъясыс да шылады артмёма Кельчиюрын, Мохчаын, Бакурын, Сизябын да мукөд грездын, и, дерт, юрсиктын. Меным, «Изьва» ансамблын сылысьлы, Айму туялысьлы, төдса чужан мулөн быд пельөс. Быдмигөн ковмис велөдчыны квайт изьвадорса сиктын. Талун унаөн менам ёртъяс пиысь матыстчылёны, сёрнитёны, юксьёны выльторъясөн. Ми казътылам томдырсясё, медым лэптыны лов. Юрсиктө локтан лунö «Изьва» ансамбль сылө Ленин памятник дорын да мукөдлаын. Но шөр петкөдчөмыс мунö культура керка кильчö водзын. Сыктывкарса изьватас сылёмөн аттьёалёны вужвойтырөс да чужан мусö, коді сувтөдіс кок йылö, сетіс вын.

Локтö рыт, заводитчö «Луд» гажлөн медтөдчанаыс — «Вөрöта» кытшөн йөктөм-сылём. Мукөд шондіа лунö Изьва ю пөлөн нюжөдчö видзъяс да грездъяс сывъялысь вөр-валөн дивö — ен мегыр. Уна рёма öшкамөшка быттё төдчөдö йөзкостса гажлысь вежөртассö. Гашкө, ен мегыр-дзиръяыс и сетіс сылём-йөктөмлы «Вөрöта» нимсö. Языческөй енъяслы эскысь изьватаслөн важдырся висьталёмын вөрöта — таладор да мөдар миръяс костын тас. «Вөрöта» вуджөмын эм магическөй вын да югыд вежа видзөдлас. «Вөрöта» пыр мунём мынтөдö быд лекторйысь, вомидзысь. Татшөм лачаөн изьватас олісны быд сикт-грездын, сувтөдлісны вомидз весалан дзиръяяс, медым вөтлыны-повзьөдны лёк вынъяссö.

Көкъямыс час рытö ставөн чукөртчёны юрсиктлөн шөр уличаын, заводитчö лов вөрзьөдана «Вөрöта» кытшөн мунём-йөктөм. Юрсикт шөрыс быттё көдзёма гажөдчысь войтырнас. Сылысьяслөн да гаж видзөдысьяслөн могыс öти — йитчыны вөрвакөд да водзö видзны пöль-пöчлысь традицияс.



Параён-параён, кийсь киö кутчысьёмөн мунёны гаж вөчысьяс да дас воськов вөчөм бöрын кияс лэптөмөн вөчёны мегыр, йөктысьяс вуджёны сы пыр, мынтөдчёны лекторйысь да вом-

дзалёмысь, кыдзи коркё вöчлісны мяян пöль-пöчным. Мегыр-вöрöта вöчысь параыс вежсьö, медым быдöнлөн вöлі пай лёк-торъясысь мынтöдчöмын.

Юрсикт помын гажöдчысьясöс виччысьö Изьва ю вомөн вуджалан пос, сы бöрын некымын сё метра кузья муна туй корö локтысьясöс «Луд» вылö. Сылөн вöвдöмыс* юкöма торъя ворсан «сиктьяс» вылö. Шöрас — «Луд» нуöдысьяслөн отводна, гаж нуöданін. «Сиктьяс» дасьтысьöны чуймöдны-гажöдны йöзöс да радöсь локтысь войтырлы, кодъяс донъялöны быд подворье-лысь сёян-юансö, оланногсö да киподтуйсö. Менам чужан Сизяб грезд нималö көр видзöмөн, «сиктын» сувтöдöма көр видзысьяс-лысь чом. Тундраын моз сэнi ломтысьö пач, эм колана көлуй. Ярмангаын вöзйöны көр кучикысь вöчöмторъяс, уна рöма вурун кепысь, вöнь да баситöм көр сюр. Гажсö содтö Сизяб грездса «Ыбса дзоридзяс» сылысь котыр. Унджык сылан-кывйыс налөн мяян пöль-пöч кудйысь. Енбиа ыбсаяслөн эм асланыс гимн да важсö казтылан, талунъя лунъягыднас ним-кодьян да грездын выль олöм йылысь сыланкывъяс.

«Луд» вылын паськöдчöм быд «сиктлөн» эм торьялана пас: бакурсалөн — ош, Краснобор пыранінын сулалö джуджыд сюръя, сы вылын öшалö сапöг гоз — петкöдлö грездлысь олан-туйсö. Красноборсаяс гөрд сёйысь вöчисны топыд кирпич. Сы-лысь бурдöдчан вынсö тöдöмөн, сёйсö талялісны көмтöг да босьтисны «красноборса көмтöм кокъяс» ним. Накöд орччөн Вертеплөн визувтö вежа ёль «Кузьма нырд», көні позьö бурдöд-чыны минеральной ваөн, небзьöдны сёйөн чужöм.

Изьвавомса да кельчиурса войтыр пыр озырöсь чериөн, нималöны кокни пыж вöчысьясөн. Дасьöсь гөсьтъясöс велöдны вуграсьны, ветки пыж вöчны, чöсмöдлöны чериняньөн, чöскыд юкваөн.

Быд во шензьöдана программаөн петкöдчö Изьва «сикт». Джуджыд шырана качайын Ыджыд лунö моз позьö качайтчыны лов вöрзьöдтöдзыд. Таын сідзжö петкöдчö пöль-пöчнымлөн традиция, изьватаслөн вöр-вакöд йитчöм. Изьва «сикт» бипур до-рын пыр уна гөсьт, чöсмасьöны вöсни вылыса шаньгаөн, рача-өн,** юöны пöсь тшай. Гөсьтъяс радпырысь ворсöны йöзкостса ворсöмъясөн, торйөн нин «Гезйөн ворсöм», «Капуста», «Ратш-кис», «Ремень» да мукöд. Тані жö позьö петкöдчыны сыйлöм, ворсöм, мойдчöм да теш петкöдлан кужанлунөн. Вермысьяслы вичмö изьвасалөн нималана «Саламат» рок. Сылөн олантуйыс тшöтш заводитчö пöль-пöчьясьянь да йитö талунъя олöмсö ва-жыскöд, сетö вын водзö олöм вылö.

Хороводица

Медшöр гажыс заводитчö ытшкөм луд шöрас. Гаж нуöдысьяс да подворьеясысь локтöм сылысьяс шыасьöны пöль-пöч дорö, медым найö сетасны бурсиöм водзö гажöдчыны, да дасьтысьны ытшкыны турун. Юргöны «Локтöй, локтöй», «Изьва ю кузя»

* Вöвдöм (диал.) — ытшкөм видз.

** Рача (диал.) — рача нянь.

йѣзкостса сьыланкывъяс. Сэсся гажѣдчысъяс, шондѣ югѣръяс моз, паськалѣны луд вивтѣ. Тайѣ мыгѣрсѣ грездъясын олысь йѣз быд во вѣчѣны бура дасѣтѣмѣн, чуймѣданаѣн. Шондѣкѣд йитчѣмыс, вѣр-валысь мичлун петкѣдлѣмыс грездъясысь уна рѣма сарапана локтѣм войтырѣс вайѣдѣ бѣр асланыс «сиктъясѣ» водзѣ гажѣдны видзѣдысъясѣс, петкѣдлыны торъялана оланног. Гашкѣ, и пыралас чужанѣнѣ коркѣ ассыс грездѣсѣ энвтысь морт.

«Луд» кежлѣ быд грездын «Изъва яг» сьыланкыв сьылѣм-бѣрдѣдчѣмѣн горшокъясѣ пуктѣны лѣм пу чалъяс, Изъва юбердса грездъясысь быдмѣгъяс да козьналѣны ыліысь локтѣм гѣсѣтъяслы. Найѣ, ылі муясын олысь изъватас, нуасны чужан мулысь козин, быдтасны лѣм пу асланыс челядьлы радлѣм вылѣ, кодъяслѣн пѣль-пѣчныс мунлісны Изъва ю бердысь бурджык кѣр пастбище да шудлун корсьѣм могысь.

Быд во изъватас зѣльѣны лѣсьѣдны выль ворсѣмъяс, панласьѣм-вермасьѣмъяс. Татшѣмъяс лыдын эм «Бипур вомѣн чеччалѣм». Ныв-зон кутчысѣѣны да пелька лѣбыштѣны бипур вомѣн, босѣтѣны тадзи билысь вын, кыпѣдѣны лов да мынтѣдчѣны быд лѣкторйысь да вомидзысь. Татшѣм ворсѣмсѣ важѣн эз вѣчлыны, видзисны уна рѣма мича изъва кѣм-пась, кодѣ ыджыд мамсянь вуджліс мамлы, мамсянь — нывлы. Шѣвк, альпана, парча, кашемир дѣра изъватас нѣѣбисны Москвадор Углич да Коми-Перымса Чердынъ ярмангаясысь.

Сэсся «Луд» гаж нуѣдѣмын локтѣ кад, кор зонъяс да том мужичѣйяс петкѣдлѣны збойлун да удаллуннысѣ «Дадъ вомѣн чеччалѣм», «Хорей шыблалѣм» да «Няртала шыблалѣм» йѣзкостса ворсѣмъясын. Пыдѣа вужъясьѣма кѣлуй гусялѣм «Фанты» теш. Пѣль-пѣчлѣн медшѣр да тѣдчана тешѣн вѣлі чер либѣ панъ пѣрт дзеблалѣм. Гаж лѣсьѣдысъяс ас кадѣ чуксалѣны нѣѣбны вошѣмторсѣ. Нѣѣбасьысъяс мынтысѣѣны сьылѣм-йѣктѣмѣн, шанъгаѣн, шмонъ висѣталѣмѣн. А медся дѣна мынтысѣѣмыс — мича нывлѣн зонмѣс окыштѣм.

Локтѣ кад бѣрйыны гаж донъялысъясѣс (хоровѣдицаясѣс). «Воль кузя лѣчча» важ сьыланкыв юргѣм бѣрын сьылѣм-гажѣдчѣм тѣдысь, пыдди пуктана йѣз чукѣртчѣны луд шѣрѣ, медым висѣтавыны, кутшѣм сьылѣм-йѣктѣм колѣ петкѣдлыны гаж дырйи. Воысь-во петкѣдлѣны «Асыы ныыка бѣрдѣ визув ва дорын», «Сад йѣрын», «Куимѣн йѣктѣм» да «Чветики» кытшѣн йѣктѣм-сьылѣмъяс. Кытшѣн йѣктѣм-сьылѣм помалѣны «Вѣрѣтаѣн» да быдѣн сэсся мунѣны асланыс «сиктѣ».

Уна во сайын овлѣм изъватаслѣн вѣлі ѡбряд: пыртны бур гудѣкасысь лыдѣ пывсянын корѣсьѣн швачкѣдѣмѣн. Гижѣдъясын татшѣмсяма ѡбрядсѣ шѣѣны инициацияѣн, выль тшупѣдѣ вуджѣмѣн. Талун «Луд» гаж вылын пѣляслысь традициясѣ вежѣмаѣсь гудѣкасысъяслѣн конкурсѣн. Гудѣкасьѣмлысь став гусяторсѣ тѣдысъяс быд боксянь донъялѣны ворсысъясѣс, бѣрйѣны вермысѣс да сѣтѣны козин.

Шензѣдѣ-гажѣдѣ томѣс и верстѣѣ войтырѣс «Ичмонъяслѣн кытшѣн йѣктѣм-сьылѣм» важъя ѡбряд. Томдырйиыс миян пѣчысным ѣна виччысисны ичмонъпуѣ вуджѣмсѣ, мед лѣсьѣдны ас сыръя чышъян, сарапан да мукѣд кѣм-пась. «Луд» вывса кытшѣн йѣктѣгѣн нывсянь ичмонъѣ вуджысъяс петкѣдчывлісны жѣникъяслы, налѣн мамъяслы. Видз гѣгѣртѣм помасьѣ шѣрас

чукортчөмөн, көні донъялөны изьва паськөм, сылысь олантуй төдөм. Изьватас воысь-во сөвмөдоны тайо обрядсө, паськөдоны сийос, мед жөник, невеста да налөн ай-мамныс матөджык төдмасьоны. Вермас лоны «Луд» вылын и гөграсьом, бура ас кадө көлысь обрядсө дасьтөмөн.

Изьватаслөн тувсов-гожся «Луд» гаж мунө помлань, ставөн виччысьоны асья шонді петөм, енэж югдөм. Тайо кадө мян пөль-пөчным шыасьлісны Ен дорө, корисны бурсиөм дивө праздник помалөмлы, виль уджалан лунлы да гожөм локтөмлы. Талунъя гажөдчысьяс шыасьоны пөль-пөч дінө, корөны бурсиөм му-ва вылын видзөмын да турун ытшкөмын. Томулов корөны шонділысь шуда олөм, верстьо — воөм турун да дзоньвидзалун. Ставөн мыссьоны асья руөн, лысваён, көмтөг ветлөдлөны турун вывті да кутөны бур олөм вылө лача.

Йөзкостса традиционной регионкостса «Луд» гаж помасьо өтвыв кытшын йөктөм-сьылөмөн, кытчө пырөны «Кыкен йөктэм», «Шорөн ворсөм», «Валъя лоис», «Суниса ем», «Шондібан» видзвыв йөктөмъяс. Пөль-пөчьяслөн важыся гажөдчөмын эм төдчана вежөртас, кодөс изьватас видзөны да сөвмөдоны.

Изьватаслөн важсө казтылөмыс йитчөма өнія олөмкөд, и сетө позянлун нимкодьясьны талунъя лунъягыднас да сетө лача аския шондіа олөмлы.



ПЫДДИ ПУКТАНА АВТОРЪЯС!

Редакцияö гижөдъяснытө ыстігөн быть колө юөртны:

1. Ассьыныд ним, вич, ов; кор да көні чужлөмныд (лун, төлысь, во).
2. Паспорт юөръяс: номер, серия, кор да көні сетісны, гортса адрес (прописка серти).
3. Индивидуальной налогөвой номер — ИНН (кодлөн эм).
4. Страховой свидетельство номер.
5. Банкын счөт реквизитъяс.

Тайос юөрттөг редакция гонорар оз вешты.

*Журналын йөзөдтөм гижөдъяс
редакция оз рецензируют и авторыслы найос оз мөдөд.
Редакция оз век во өти кывйө авторъяскөд.*

Компьютерный набор **Н.Кузнецова.** Корректор **Н.Габова.**

Учредители: Агентство Республики Коми по печати и массовым коммуникациям, «Союз писателей Республики Коми» — региональное отделение общероссийской организации «Союз писателей России».

Издатель: АУ РК «Издательский дом Коми». Директор: Попов В.В.

Адрес издателя: 167982. ГСП-2, г. Сыктывкар, ул. Карла Маркса, д. 229, Дом печати.

Адрес редакции: 167982. ГСП-2, г. Сыктывкар, ул. Карла Маркса, д. 229, Дом печати.

Телефоны редакции: 24-47-52 (гл. редактор), 24-51-52 (общ. отд./факс), 24-46-36 (бухгалтерия).

E-mail: kodzuv@mail.ru; Сайт: www.komimu.com

Подписано к печати 09.09.2015. Формат 70х108¹/₁₆. Печать офсетная. Усл. печ. л. 7; усл. кр.-отг. 8,4; учётно-изд. л. 7,54. Тираж 438. Заказ № 7243. Регистр. ПИ № ФС 3 - 0226 от 20.01.2006 г. выдано Беломорским управлением Федеральной службы по надзору за соблюдением законодательства в сфере массовых коммуникаций и охране культурного наследия. Публикация материалов, направленных на освещение реализации социально значимых проектов, осуществляется при государственной поддержке в форме субсидии Агентством Республики Коми по печати и массовым коммуникациям. Отпечатано в ООО «Коми республиканская типография», 167610, г. Сыктывкар, ул. В.Савина, д. 81. Цена свободная.